


Bible. Chinese. N.T. (n.d.)

The "Four Gospels", printed at
Canton, from wooden blocks.



耶穌言行福音四書

羊城藏板

馬太傳福音書

羊城藏板

羊斟蕕

蕕太斟蕕音書

馬太傳福音書

第一章

一節

二

亞伯拉罕、大關之裔、耶穌基督族譜。○亞伯拉罕生以撒、以撒生雅各、雅各生猶大兄弟、猶大因大馬氏生法勒士、撒拉、法勒士生以士

三

崙、以士崙生亞蘭、亞蘭生亞米拿達、亞米拿達生拿順、拿順生撒們、

五

撒們娶喇合氏生波士、波士娶路得氏生阿伯、阿伯生耶西、耶西生

六

大關王、大關王娶烏利亞妻、生所羅門、所羅門生羅波暗、羅波暗生

七

亞比亞、亞比亞生亞撒、亞撒生約沙法、約沙法生約蘭、約蘭生烏西

九

亞烏西亞生約坦、約坦生亞下士、亞下士生希西家、希西家生馬拿

十

西、馬拿西生亞門、亞門生約西亞、民見徙於巴比倫時、約西亞生耶

十一

哥尼亞兄弟民徙巴比倫後耶哥尼亞生撒拉鐵撒拉鐵生所羅把

伯所羅把伯生亞比鬱亞比鬱生以利亞金以利亞金生亞所亞所

生撒鐸撒鐸生亞金亞金生以律以律生以利亞撒以利亞撒生馬

坦馬坦生雅各雅各生約瑟是爲馬利亞之夫馬利亞生耶穌稱基

督○考其世系自亞伯拉罕至大關十四代自大關至民見徙巴比

倫時亦十四代自民遷巴比倫時至基督又十四代○耶穌基督之

生其事如左母馬利亞爲約瑟所聘未昏感聖靈而孕其夫約瑟義

人也不欲顯辱之而擬私休之思念間主之使者見夢曰大關之裔

約瑟其取爾妻馬利亞以歸勿疑蓋所孕者感於聖靈也彼必生子

可名曰耶穌以將救其民於罪惡中如是主托先知所言應矣曰處

女孕而生子，人稱其名以馬內利，譯卽神偕我衆焉。約瑟寤，遵主
使者命，取之以歸，二十五未與同室，及生冢子，則名曰耶穌。

第二章

二節希律王時，耶穌旣生於猶太伯利恒，有博士數人，自東方至耶路撒

冷，二曰：「生而爲猶太人王者，安在？」我在東方，見其星，故來拜之。三希律王

聞而懼，舉耶路撒冷皆然。四乃召祭司諸長、民間士子，問曰：「基督當何

處生？」五曰：「猶太伯利恒。」昔先知載曰：「猶太地伯利恒乎，六在猶太郡中，

爾非最小者，蓋將有君於爾，是出以牧我以色列民矣。」七於是希律密

召博士，詳問星見之時。八遂遣之往伯利恒，云：「爾往，勤訪嬰兒，遇則告

我，我亦將往拜。」九博士聞命而行，忽東方所見之星前導，至嬰兒所居

則止其上。博士見星，喜不自勝。入室，見嬰及母馬利亞，俯伏拜嬰，啟

寶盒，以黃金、乳香、沒藥、諸物獻。博士夢中得默示，令勿反見希律，則

由異途而歸。○既歸，主之使者見夢於約瑟曰：起，携嬰及母，奔埃及，

寓彼，待余示爾。蓋希律將索嬰殺之。約瑟遂起，携嬰及母，夜往埃及。

寓彼，至希律薨，應主托先知言云：曾召吾子出埃及矣。當時希律知

爲博士所戲，怒甚，遣人將伯利恒境內所有之嬰，按其詳問博士時，

凡二歲以下者殲之。於是先知耶利米言應矣。其言曰：在拉馬聞悲

泣哀哭，重憂之聲，拉結氏哭子，以無存故而不受慰。希律既薨，主之

使者在埃及，現夢於約瑟曰：起，携嬰及母，往以色列地，蓋欲害嬰兒

命者已死矣。約瑟遂起，携嬰及母，至以色列地，聞亞基老於猶太繼

父希律爲王，懼不敢往，但夢中得默示，故歸加利利境至一邑，名拿撒勒，居之。應諸先知言云：人將呼之爲拿撒勒人矣。

第三章

一節維時施洗約翰至猶太野，言曰：天國邇矣，爾宜悔改。此人乃先知以

賽亞所指者，曰：野有聲呼云：備主道，直其徑。夫約翰衣駝毛，束皮帶，

食則蝗蟲野蜜。五○斯時耶路撒冷猶太及約但四方咸出，各言已罪，

在約但受洗於約翰。約翰見法利賽撒土該人，多就已受洗，謂之曰：

蝮類乎？誰示爾避後日之刑乎？故當結菓以彰悔改，勿自以爲亞伯

拉罕吾祖也。吾語爾：神能使此石爲亞伯拉罕子孫焉。十今斧置樹

根，凡樹不結善菓者，卽斫之委火。夫我_{○十一}以水施洗，俾爾悔改，但後我

來者更勝於我其履我亦不堪提彼將以聖靈及火施洗爾其手執箕盡簸厥禾場歛穀入倉而燒糠以不滅之火○時耶穌自加利利至約但就約翰受洗約翰辭曰我應受洗於爾爾反就我乎耶穌曰今姑吾許吾儕當如是以盡禮乃許之耶穌受洗由水而上天爲之開見神之靈如鴿降臨其上自天有聲云此我愛子吾所喜悅者也

第四章

聖靈引耶穌適野見試於魔鬼耶穌禁食四十日夜後饑試者就之曰爾若神子此石可令爲餅耶穌曰記有之人得生不惟餅惟神所命魔鬼攜之至聖京升之殿頂曰爾若神子可投下記有之

主命使者扶爾，免足觸石。^七耶穌曰：「記亦有之，勿試主爾之。」^八神魔鬼

復攜至高山，以天下列國尊榮示之。^九若俯伏拜我，悉以予爾。^十耶穌

曰：「撒但^{撒但魔}退，記有之，當拜主爾之神，獨崇事焉。^{十一}於是魔鬼離

耶穌，天使至而服事之。^{十二}○耶穌聞約翰幽囚，乃往加利利去。^{十三}拿撒勒

至加百農居焉。其地濱海，在西布倫納大利境。^{十四}應先知以賽亞言云：

「西布倫納大利，其地沿海，乃約但外，異邦之加利利也。^{十五}處暗之民，已

見大光，居死地陰翳者，有光射之。」^{十六}○自是耶穌言曰：「爾宜悔改，天國

邇矣。」^{十七}耶穌遊加利利海濱，見西門稱彼得，與其兄弟安得烈，二人施

罟於海，蓋漁者也。^{十八}耶穌曰：「從我，我將使爾漁人，如漁魚焉。」^{十九}遂棄網從

耶穌。^{二十}由此而往，復見西比太子雅各，與兄弟約翰，二人偕父西比太

在舟補網。耶穌招之。卽別父離舟從之。^三○耶穌周流加利利。在諸會堂教誨。傳天國福音。醫民疾病。^{二四}聲名洋溢敘利亞。有負病疾苦患鬼顛癇癱瘋者。人攜就耶穌。耶穌醫之。^{二五}時加利利低加波利。耶路撒冷。猶太約但外羣眾從焉。

第五章

^{二節}

耶穌見眾登山而坐。門徒旣集。啓口教之曰。虛心者福矣。以天國乃其國也。^四哀慟者福矣。以其將受慰也。^五溫柔者福矣。以其將得土也。^六饑渴慕義者福矣。以其將得飽也。^七矜恤者福矣。以其將見矜恤也。^八清心者福矣。以其將見神也。^九勸和者福矣。以其將稱爲神子也。^十爲義而見窘逐者福矣。以天國乃其國也。^{十一}爲我而受人詬誶窘逐惡言誹

謗者福矣。當欣喜歡樂。以在天。爾得賞者大也。蓋人窘逐先知。自昔

然矣。○爾乃地之鹽。鹽失其味。何以復之。後必無用。惟棄於外。爲人

所踐耳。爾乃世之光。猶建邑於山。不能隱藏。人燃燈不置斗下。乃在

臺上者。普照家人也。如是爾光當照乎人。俾見爾善行。歸榮爾天父

焉。○勿以我來壞律法及先知也。我來非以壞之。乃以成之。我誠告

爾。天地未廢。律法一點一畫不能廢。皆得成焉。故毀此誠至微之一

又以是教人者。在天國必謂之至微。遵此誠而教人者。在天國必謂

之大矣。我語汝。倘爾之義。無以加乎士子法利賽人之義。斷不進於

天國也。爾聞古者有言。勿殺。殺則難免乎刑官。然我語爾。無故怒兄

弟者。難免乎刑官。詈兄弟曰拉加者。難免乎公會。詈兄弟曰魔利加

魔利西國語三三者，難免乎地獄之火。欲獻禮物於壇上，而記兄弟與爾

有憾，則留禮物於壇前，先和乃兄弟，後獻禮物，可也。訟爾者，猶在途

間，急宜與和，恐送爾於士師。士師發爾於隸，遂下囹圄。我誠告爾，毫

釐未償，斷不能出彼也。古者有言，勿淫，爾聞之矣。惟我語汝，見色而

好之者，心已淫矣。設也，右目陷爾於罪，則抉而委之，寧百體喪一，勿

全身投地獄。設也，右手陷爾於罪，則斷而去之，寧百體失一，勿全身

投地獄。○又言，若人出妻，則以離書與之。惟我語汝，非姦故而出妻，

是使之有淫行也。娶所出之妻者，亦行淫也。又聞古者有言，毋背誓

願，指主而誓願者，必守之。惟我語汝，槩勿誓，勿指天而誓，天乃神

座也。勿指地而誓，地乃其足登也。勿指耶路撒冷而誓，耶路撒冷乃

大君之京師也。三六勿指首而誓。首之一髮不能自爲黑白也。顧爾之言。

惟是是否否。過此則由惡起也。三七爾聞有言目償目。齒償齒。三九惟我語汝。

勿敵惡。有人批爾右頰。轉左頰向之。四一有人訟爾。欲得爾裏衣。外服亦

聽取之。四二有人強爾行一里。則偕行二里。四三求爾者與之。借爾者勿却。爾

聞有言。同人愛之。敵者憾之。四四惟我語汝。敵爾者愛之。詛爾者祝之。憾

爾者善視之。陷害窘逐爾者。爲之祈禱。四五如此則可爲天父之子。蓋天

父以日照夫善不善。以雨濡夫義不義者也。四六爾而愛愛爾者。有何賞

耶。稅吏不亦如是乎。四七爾獨友於兄弟。有何過人耶。稅吏不亦如是乎。

故爾當純全。若爾天父焉。四八

第六章

慎勿人前施濟，故令人見之。若然，則不獲爾天父之賞矣。故施濟時，勿令吹角於前。若偽善者，在會堂街巷，求榮於人，我誠告爾。彼已得其賞矣。^三惟施濟時，勿使左手知右手所爲。如是，則爾之施濟隱矣。爾父監於隱者，將顯以報爾。^五爾祈禱時，毋若偽善，喜立會堂交衢祈禱，令人見之。我誠告爾。彼已得其賞矣。^六爾祈禱時，宜於密室，閉門祈隱微之父。爾父監於隱者，將顯以報爾。^七爾祈禱時，語勿反覆，如異邦人。彼以爲言多，乃得聲聞也。^八勿效之，蓋未求之先。爾所需者，父已知之。^九是以祈禱云：吾父在天，願爾名聖。爾國臨格。爾旨得成，在地若天。所需之糧，今日錫我。^三我免人負，求免我負。^{十三}俾勿我試，拯我出惡。以國權榮，皆爾所有。爰及世世，固所願也。^{十四}爾免人過，天父亦免爾過。^{十五}爾不免

人過天父亦不免爾過爾禁食時毋若偽善作憂容彼變色以禁食

示人我誠告爾彼已得其賞矣惟禁食時膏首洗面勿以禁食現於

人乃現於隱微之父爾父監於隱者將顯以報爾也○勿積財於地

蠹食銹壞盜穴而竊之處惟積財於天蠹不食銹不壞盜不穴不竊

之處蓋爾財所在爾心亦在焉夫燭照於身者目也目瞭則全身光

目眊則全身暗爾光若暗其暗大哉一人事二主者未之有也或惡

此愛彼或重此輕彼爾不能事神又事財貨也故我語汝勿慮生

何以食何以飲身何以衣生非大於糧身不大於衣乎試觀飛鳥不

稼不穡無積無廩天父且養之爾豈不貴於鳥乎爾曹誰能以思慮

延命一刻乎曷爲衣服慮耶試思野有百合花如何而長不勞不紡

我語汝當所羅門榮華之極其衣不及此花之一^{三十一}且夫野草今日尚存明日投爐^{三十二}神猶衣被之若此况爾小信者乎故勿慮何以食何以飲何以衣此皆異邦人所求天父知爾需之惟先求^{三十三}神之國與神之義則此物自加諸爾故勿爲明日慮明日之慮慮於明日今日之勞勞於今日足矣^{三十四}

第七章

勿議人則不議於人^{一節}爾議人若何則見議亦如是爾度人若何則見度亦如是^三且夫兄弟目中有草芥爾視之而已目中有梁木不自覺何歟將何以語兄弟曰爾目草芥容我爲爾去之而已目中竟有梁木乎^五僞善者乎先去爾目中梁木方可明見以去兄弟目中草芥也

勿以潔物投狗，勿以珍珠委豕，恐彼踐之，轉而噬爾。求則得之，尋則

遇之，叩門則啓之。凡求者得也，尋者遇也，叩門者啓也。爾中孰有子

求餅而與之石，求魚而與之蛇乎？爾曹雖不善，尚知以善物與子，何

況天父不以善物賜求之者乎？爾欲人施諸己，亦必如是施諸人。此

律法先知也。○當進窄門，引而之死，其門也闊，其路也寬，入之者多，

引而之生，其門也窄，其路也狹，得之者少，謹防僞師，其就爾外如羔

羊，內實豺狼，是可因其果識之。荆棘中豈摘葡萄乎？蒺藜內豈采無

花菓乎？善樹結善果，惡樹結惡果，善樹不結惡果，惡樹不結善果。凡

樹不結善果者，卽斫之委火，是故因其果識之矣。○凡稱我曰主也，

主也者，未必盡入天國，惟遵我天父旨者入焉。當日多人將語我云，

主也主也我非托爾名傳教托爾名逐鬼托爾名廣行異能乎我將

明告之曰作不善者吾未嘗識爾即離我去矣聞吾言而行之者譬

彼智人建屋磐上雨降潦行風吹撞屋而不傾覆因基磐上聞吾言

而不行者譬彼愚人建屋沙上雨降潦行風吹撞屋遂以傾覆而傾

覆者大也耶穌言竟眾奇其訓以其教人若操權者然不同士子也

第八章

耶穌下山羣眾隨之有癩者就而拜曰主肯必能潔我耶穌

手按之曰我肯爾可潔癩即潔耶穌曰慎勿告人但往示祭司依摩

西命獻禮為眾證入迦百農時有百夫長就耶穌求曰主我僕癱

瘋偃卧在室憊甚耶穌曰我往醫之對曰主臨我舍不敢當第發一

言僕必愈。蓋我權屬人，兵權屬我。命去則去，命來則來。令僕行是，卽行是。耶穌聞而奇之，謂從者曰：「吾誠告爾，以色列中未見如是之篤信也。」吾語汝，自東自西，眾其將至，與亞伯拉罕、以撒、雅各席坐於天國。而國之赤子，則逐於絕域幽暗，在彼有哀哭切齒者矣。耶穌謂百夫長曰：「往哉，以爾之信成矣。」卽時僕愈。○彼得有妻之母，偃卧病瘧。耶穌至彼得家，見之，按其手，瘧卽退。婦起而供事焉。旣暮，有攜患鬼來就者，俱以一言逐之，負病者醫之。應先知以賽亞言云：「其任我恙，肩我病。」耶穌見羣眾環已，命門徒偕往彼岸。有士子就曰：「先生，不論何之，我欲從爾。」耶穌曰：「狐狸有穴，飛鳥有巢，惟人之子，無枕首之所也。」又一門徒曰：「主，容我歸葬父。」耶穌曰：「從我，任夫死人葬其死人。」

○二五
蘇登舟，門徒從之，海盪甚，浪蔽舟。耶穌寢，門徒就而醒之，曰：「主救我。」

○二六
亡矣。」曰：「小信者乎？何懼耶？」即起，斥風與海，遂大平息。眾奇曰：「彼何人？」

○二六
斯風與海亦順之也。」○既濟，至革革沙地，遇患鬼二人，自墓出，甚猛。

○二九
無敢過彼路者。呼曰：「神子耶穌，我與爾何與？時未至，爾來苦我乎？」

○三三
還有羣豕方食鬼求曰：「若逐我，則許我入豕羣。」曰：「往。」鬼出，遂入豕羣。

○三三
全羣突落山坡，投海，死於水。牧者奔入邑，以其事及患鬼者之故，告

○三四
人舉邑出見耶穌，請離其境。

第九章

○一
耶穌登舟，既濟歸故鄉。有舁癱瘋卧牀者來，耶穌見其信已，謂癱瘋

者曰：「小子安心，罪赦矣。」有士子數人，其心曰：「僭妄哉！若人耶穌知其

意曰爾心何懷惡歟言罪見赦與言起行孰易○五但令爾知人子在地○六

有權以赦罪耳遂語癱瘋者曰起取牀以歸則起而反眾見奇之歸○七

榮神因其以斯權賜人也○九○耶穌由是而往見一人名馬太坐於

稅關謂之曰從我遂起從之耶穌席坐馬太家諸稅吏及罪人至偕○十

耶穌與門徒坐法利賽人見之語其徒曰何爾師與稅吏罪人同食○十一

乎耶穌聞之曰康疆者不需醫負病者需之但往學我欲矜恤不欲○十二

祭祀之語其意何歟蓋我來非招義人乃招罪人悔改耳○十四○約翰之

門徒就耶穌曰我與法利賽人往往禁食惟爾門徒不禁食何也耶○十五

穌曰新娶者在賀娶者豈有哀慟乎惟將來新娶者別之去時乃禁○十六

食耳未有補舊衣而用新布者恐所補者反以壞之其綻尤甚未有○十七

盛新酒，而用舊革囊者，恐囊裂酒漏，其囊亦敗。惟以新囊盛新酒，斯

兩者存矣。○耶穌言時，有宰來拜曰：「我女甫死，爾來手按之，則生矣。」

耶穌起而從之，門徒偕行。○有婦血漏十二年，尾耶穌後，捫其裾，意

謂第捫其衣，則愈。耶穌回顧曰：「女也，安汝心，爾信愈爾，自是婦愈。」耶

穌入宰者之家，見吹簫者及眾號咷，謂之曰：「退，女非死，乃寢耳。」眾哂

之。耶穌遣眾出，入執其手，女即起。於是聲名洋溢彼地。○耶穌由是

而往，有二瞽者從之，呼曰：「大闢之裔，矜恤我乎。」入室，瞽者就之。耶穌

曰：「我能爲之。」爾信否？曰：「主，然。」乃按其目，曰：「以爾之信成矣。」其目即明。

耶穌嚴戒曰：「慎勿令人知之。」二人出，遍揚其名於斯地。○當其出也，

有攜瘖啞而患鬼者，鬼逐，啞言：「眾奇曰：以色列中未嘗見是也。」法利

賽人曰彼藉鬼王逐鬼耳。○耶穌周遊鄉邑在會堂教誨傳天國福音。醫民疾病。見眾憫之。以其困苦流離。猶羊無牧。語門徒曰。穡多工少。宜求穡主。遣工力穡焉。

第十章

耶穌召十二門徒。賜之權。逐邪鬼。醫疾病。十二使徒之名如左。首西

門。稱彼得及兄弟安得烈。西比太子雅各及兄弟約翰。腓立巴。多羅

買。多馬。稅吏馬太。亞勒腓子雅各。勒拜。稱達太。西門。稱銳。賣師加畧

人。猶大。○耶穌遣十二人。命之曰。異邦之途勿由。撒馬烈邑勿入。惟

以色列家亡羊。就之爲愈。至則言曰。天國邇矣。醫病。潔癩。蘇死。逐鬼。

爾以不費受之。亦以不費施之。惟金三品。勿貯於囊。途間勿袋。勿二

衣勿屨，勿杖蓋，工得其值宜也。^{十二}入鄉邑，則訪孰爲可者，與之居，及去

而後已。^{十三}入其家，則頌禱之。^{十四}其家當得歟，爾所禱之福必臨之，不當得

歟，爾所禱之福仍歸諸已，不接爾，不聽爾者，離其家邑，拂去足塵。^{十五}我

誠告爾，當審判日，所多馬蛾摩拉之刑，較斯邑尤易受也。○我遣爾，^{十六}

似羊入狼中，故當智如蛇，馴如鴿，謹防若人，解爾於公會，鞭爾於會

堂，爾將爲我故，解至侯王，爲證於斯人，及異邦人，解之時，勿慮將如

之何，出言若何，時至，必賜爾以何言也。^{十七}非爾自言，乃爾天父之靈，在

爾衷言耳。^{十八}是時也，兄弟將致兄弟於死，父之於子亦然，子攻父母而

死之，而爾以吾名，見憾於眾，惟至終恒忍者，得救也。^{十九}此邑見窘逐，則

奔彼邑，我誠告爾，以色列諸邑，爾遊未徧，而人子至矣。^{二十}徒不踰師，僕

不踰主。徒如師。僕如主。足矣。設有呼家主爲別西卜。

別西卜。別西卜。則呼其鬼王名。

家人可知矣。勿懼之。未有藏而不露。隱而不顯。我於幽暗。語汝者。必

述於光明。爾聆於耳者。必宣於屋上。殺身而不能殺魂者。勿懼。惟能

殺身及魂於地獄者。甚可懼也。二雀非一分金售乎。然爾父弗許。其

一不隕地。爾髮亦且見數。故勿懼。爾比多雀貴焉。凡認我於人前。我

亦認之於我天父前。凡拒我於人前。我亦拒之於我天父前。勿以我

來平世。我來非以平世。轉興戎耳。蓋我來。則子疎其父。女疎其母。婦

疎其姑。而仇敵卽在家人矣。愛父母過於我者。不宜乎我也。愛子女

過於我者。不宜乎我也。不任十字架而從我者。亦不宜乎我也。得生

命者。反喪之。爲我而喪生命者。反得之。接爾者。卽接我接我者。卽接

遣我者也。^{四十一}接先知，因其爲先知者，得先知之賞。接義人，因其爲義人者，得義人之賞。^{四十二}此小子之一，因其爲吾徒，第以杯水飲之者，我誠告爾，彼必不失賞也。

第十一章

一節

耶穌既命十二門徒，乃離彼，往諸邑，設教傳道。^一○約翰在獄，聞基督行事。^二遣二門徒，問耶穌曰：當來者爾乎？抑他人是望乎？^三耶穌曰：卽爾所見所聞，往告約翰。^四如瞽者明，跛者行，癩者潔，聾者聰，死者甦，貧者聞福音，凡不我厭而棄者，福矣。^五約翰之徒歸，耶穌舉約翰示眾曰：爾素出野，欲何觀耶？葦動於風乎？^六爾出欲何觀耶？人衣美服乎？夫衣美服者，在王宮也。^七然則爾出欲何觀耶？先知者乎？誠然，吾語汝，有卓越

於先知者。記有之。我遣我使在爾前。備爾道者。卽斯人也。我誠告爾。
婦之所生。未有大於施洗約翰者。然天國之至微。尤大於是人也。自
施洗約翰至今。天國見得於用力。而用力者獲之。蓋諸先知及律法
預言至約翰。若爾願承我言。當來之以利亞。卽斯人也。宜傾耳以聽
焉。斯世將何以比之。譬童子坐市井。呼其侶曰。我吹簫。爾不踊。我悲
歌。爾不傷。蓋約翰至。不食人食。不飲人飲。人言其患鬼。人子至。食人
食。飲人飲。人言其嗜食甘酒。稅吏罪人之友。惟智者。爲能明智者之
義也。時耶蘇前在諸邑。數施異能。至今無悔改者。於是起責之曰。哥
拉汎。其有禍乎。伯賽大。其有禍乎。蓋在爾中所施異能。若施於推羅
西頓。則早衣麻蒙灰。而悔改矣。吾語汝。當審判日。推羅西頓之刑。較

爾尤易受也。迦百農乎，爾曾得升至天，又將推落暗府，蓋在爾中所施異能，若施於所多馬，則彼邑今日猶存。吾三十四語汝，當審判日，所多馬之刑，較爾尤易受也。既而曰：父乎，天地主也，我三十五讚爾，以此道於智賢，則隱之於赤子，則顯之，誠哉父之善意，固如是也。萬物由父賜我，父三十六外無識子，子及子所樂示者之外，無識父，凡勞苦負重者就我，我賜三十七爾安，我溫柔謙遜，負我軛而學我，則爾心獲安，蓋吾軛易，吾負輕也。三十八

第十二章

一節

當安息日，耶穌過田間，門徒饑，摘穗而食。法利賽人見曰：爾門徒所為，在安息日非宜也。耶穌曰：爾不知大關及從人饑時所行乎？人三神宮食陳設之餅，然此餅大關不可食，從者亦不可食，惟祭司可耳。四

五

又不知律法所載祭司於殿內犯安息日而無罪乎。吾語汝於此有

大於殿者。我欲矜恤，不欲祭祀。其意云何。爾如知此，則不擬無罪者

矣。蓋人子爲安息日之主也。○於是去彼會堂有枯一手者。耶穌入

或問曰：安息日施醫可乎。意欲罪之。耶穌曰：爾中孰有羊。安息日陷

坑，不援而起之乎。人不貴於羊乎。安息日行善宜也。遂語其人曰：伸

手，伸卽愈，如他手。法利賽人出，謀殺耶穌。耶穌知之，則離彼眾從之。

凡醫病者，戒眾勿揚。應先知以賽亞言云：視我僕也。我選擇之。我愛

其人。我心喜之。我將以我靈賦之。而彼以法示異邦人。其不競不喧。

其聲不聞於衢。已傷之葦不折，燃餘之燈不滅。後則行法以致勝異。

邦人亦賴其名矣。○時有攜患鬼瞽而瘖者來。耶穌醫之，瞽明，瘖言。

眾駭曰此大闢之裔乎。法利賽人聞之曰彼逐鬼無非藉鬼王別西

卜耳。耶穌知其意曰國自相分爭必墟家邑自相分爭不立若撒但

逐撒但是自相分爭也其國何以立哉使我藉別西卜逐鬼則爾子

弟逐鬼藉誰乎彼將議爾矣若我藉神之靈逐鬼則神國臨爾

矣何以入勇士之室劫其家具乎必先縛勇士而後可劫其室不與

我偕者則攻我不與我歛者則散也吾語汝凡罪惡謗讟者其人可

赦謗讟聖靈者其人不可赦以言攻人子者其人可赦以言攻聖靈

者今世來世其人終不可赦菓善則謂其樹善菓惡則謂其樹惡蓋

由果而識樹矣蝮類乎爾既惡言豈能善蓋溢諸心者言諸口也善

人心積善而著其善惡人心積惡而著其惡吾語汝出言妄必被鞠

於審判日何也。因言而義見稱，亦因言而罪見擬。○有士子及法利

三十七

三十八

賽人謂之曰：我欲觀先生異跡。曰：姦惡之世求異跡，惟先知約拿異

三十九

跡而外，無異跡可示。蓋約拿三日三夜在巨魚腹，如是人子，亦將三

四十

日三夜在地中。尼尼微人當審判時將起而罪此世之人，以尼尼微

四十一

人猶聽約拿言而悔改，況大於約拿者在此乎。南方女王當審判時

四十二

將起而罪此世之人，以女王猶且來自地極，聽所羅門哲言，況大於

四十三

四十四

所羅門者在此乎。邪鬼離人遊行旱地，求安不得，曰：我將歸所出之

四十五

室，至則見其室闌寂，掃除修飾，遂往，又攜七鬼惡於已者，入而居之，

四十六

其人之後患較先時尤劇，此惡世亦猶是也。○耶穌語眾時，其母及

四十七

四十八

兄弟立於外，欲與之言。或告曰：若母及兄弟立於外，欲與爾言，曰：何

者爲吾母吾兄弟乎。遂指門徒曰。視我母及兄弟。凡遵我天父旨者。卽我兄弟姊妹及母也。

第十三章

二節

當日耶穌離家。坐海濱。眾集就之。耶穌登舟而坐。眾立於岸。乃多端

二

三

設譬曰。有播種者。出而播種。播時。有遺道傍者。鳥至盡食之。有遺礮

四

五

地者。其土淺薄。發萌雖速。然土不深。故日出曝之。無根而槁。有遺棘

六

七

中者。棘起蔽之。有遺沃壤者。結實或百倍。或六十倍。或三十倍。宜傾

八

九

耳以聽焉。門徒就之曰。爾設譬。語眾何歟。曰。天國之奧。與爾知之。不

十

與他人也。凡有者。將與之。使有餘。無有者。并其所有。亦將奪之。故我

十一

十二

設譬。語之。以其視不見。聽不聞。而不悟也。其人如是。應以賽亞預言

十三

云爾將耳聞而不聰目視而不明蓋此民心頑耳聾目瞶恐目視耳

聽心悟遷改而我醫之焉然爾目有福矣以其得見也爾耳有福矣

以其得聞也我誠告爾昔多先知及義人欲見爾所見而不得見欲

聞爾所聞而不得聞夫播種之譬爾其聽之凡聞天國之道而不悟

惡鬼至奪其心之所播此播於道傍者也播於磽地者猶人聽道卽

喜受之惟內無根則亦暫耳及爲道而遇難窘逐卽厭而棄之播於

棘中者猶人聽道此世之憧擾貨財之迷惑蔽其道而不實播於沃

壤者猶人聽道而悟結實或百倍或六十倍或三十倍○又設譬曰

天國猶人播美種於田寢時敵至播稗麥中而去苗秀而實稗亦見

田主之僕來告曰主非以美種播田乎何得有稗也曰敵爲之僕曰

我往薅之可乎。曰不可。恐薅稗而麥亦拔容。二者並長以待穫。穫時

我語刈者先集稗束而火之。後歛麥入倉。○又設譬曰。天國猶芥種

人取播於田。此百種之至微者。及其長也。大於諸蔬。儼然成樹。飛鳥

卽至棲於其枝。○又設譬曰。天國猶酵婦取納三斗麵中。致均發酵

焉。○此皆耶穌設譬語眾。非譬不語。應先知言云。我將啓口設譬。創

世以來。所隱藏者。闡揚之也。○時耶穌散眾而入室。門徒就之曰。田

稗之譬。明以教我。曰。播美種者。人子也。田者。世也。美種者。天國之子

稗者。惡鬼之子。敵撒稗者。魔鬼也。穫時者。世末也。刈者。天使也。集稗

而焚於火。世末亦然。人子將遣厥使者。由其國中。集陷人於罪者。及

爲惡之人。投之火爐。在彼有哀哭切齒者矣。時義者。將輝光如日。在

其父之國，宜傾耳以聽。四十四○天國猶寶藏於田，人遇之，則秘焉，喜而歸。

售所有，以市斯田。四十五○天國猶商，求美珠，遇一貴值，則往鬻所有，以市

之。四十六○天國猶罟，施於海，集諸水族，既盈，則曳於岸，坐而集其善者入

器，惡者棄之於外。四十七世末亦然，天使將出於善之中，以別其惡，投之火

爐，在彼有哀哭切齒者矣。四十八耶穌曰：若此爾皆悟乎？曰：主，然。曰：夫如是，

則士子學天國者，如一家主，由庫中出新舊之物焉。四十九○耶穌既竟，斯

譬去彼，至故土，在會堂教誨，眾奇之，曰：斯人焉得斯智慧異能乎？此

非木工之子乎？其母非名馬利亞，其兄弟非雅各、約西、西門，猶大乎？五十

其姊妹非與我比鄰乎？斯焉得斯耶？遂厭而棄之。五十一耶穌曰：先知在故

土室家之外，莫不尊焉。五十二耶穌在彼，不廣行異能，以人不信故也。

第十四章

當時分封之君希律聞耶穌聲名。^二語其臣曰、此乃施洗約翰死而復生、故建異能也。^三初希律以其兄弟腓立之妻希羅底事、執約翰繫獄、約翰曾謂之曰、納此婦、非義也。^五希律欲殺之、惟懼眾、蓋眾以約翰爲先知也。^六適賀希律誕日、希羅底女舞於前、希律喜、遂誓許所求。^七女爲母所唆、曰、請以施洗約翰之首、盤上賜我。^九王憂然既誓、又以同席者在、乃命賜之。^十遣人斬約翰於獄、盛首於盤、以賜女、女卽奉母。^{十二}其徒至、取屍葬之、往告耶穌。^{十三}耶穌聞之、去彼登舟、潛往於野。眾知之、由諸邑步從。^{十四}○耶穌出、見眾憫之、醫有病者。^{十五}薄暮門徒就之曰、此乃曠野、時已逝、請散眾往鄉市食。耶穌曰、毋庸眾往、爾與之食可也。^{十七}曰、我儕於

此無所有，惟五餅二魚而已。^{十八}曰：取以與我，遂命眾席草而坐，取五餅。

二魚仰天祝而擘之，以餅予徒。徒予眾，皆食而飽，拾其餘屑，盈十二

筐。^{二十}食者除婦幼外，約五千人。^{二十一}耶穌欲散眾，令門徒登舟，先濟彼岸。眾

散，登山祈禱。既暮，惟己獨在。舟在海中，被浪搖撼，風逆故也。^{二十五}四更時，

耶穌履海就之。^{二十六}門徒見其履海，則懼，意爲怪物，驚而呼。耶穌曰：安爾

心，我也，勿懼。^{二十八}彼得曰：果主也，則命我履水以就爾。^{二十九}曰：來，彼得離舟，履

水就耶穌。^{三十}覺風烈，則懼，將溺。呼曰：主救我。耶穌卽伸手援之，曰：小信

者，何疑乎？^{三十一}甫登舟，而風息。舟中人拜曰：誠神子也。^{三十二}○既濟，至革尼

撒勒地，其人識之，遣報四方，攜諸負病者至。^{三十三}第求耶穌，予衣裾捫之，

捫者得愈。

第十五章

一節

耶路撒冷士子、法利賽人、就耶穌曰、何爾門徒犯古人遺傳、食時不盥手乎。曰、爾何因爾遺傳犯神誠乎。神誠曰、敬爾父母。又曰、詈父母者必死之。惟爾則曰、若人對父母云、我所當奉親者、已獻爲禮物。遂可不敬父母。是爾以爾遺傳廢神誠也。僞善者乎、以賽亞預言指爾者誠是、其言曰、斯民以口舌附我敬我、而心則遠我。所教乃人所命、故徒拜我。耶穌召眾曰、宜聽而悟也。非入諸口者污人、惟出諸口者污人。門徒就之曰、法利賽人聞斯言、厭而棄之、爾知之乎。耶穌曰、凡樹非我天父所樹者、將拔其根。姑聽之、彼乃瞽相瞽者、以瞽相瞽、二者互陷於坑矣。彼得曰、斯譬明以教我。耶穌曰、爾尙不悟歟。

豈不知入口者、運於腹、而遺於廁乎。惟出諸口者、由心而起、斯污人

也。蓋惡念、兇殺、姦淫、苟合、盜竊、妄證、訕謗、皆由心而起、斯乃污人。但

未盥手而食者、不污人也。○耶穌去彼、往推羅、西頓境、其地有迦南

婦、來呼曰、主、大闢之裔、矜恤我、我女患鬼、苦甚。耶穌不答。門徒至、請

曰、婦呼於後、可命之去。曰、我奉使、特爲以色列家亡羊耳。婦拜曰、主、

助我。曰、取兒曹餅投狗、未善也。婦曰、主、然、但其主几下遺屑、狗亦得

食之。耶穌曰、婦信大矣、可得如願。自是女愈。○耶穌去彼、至加利利

海濱、登山而坐、眾就之、有攜跛者、瞽者、瘡者、殘缺者、及諸病者、置耶

穌足下、耶穌醫之。眾見瘡者言、殘缺者痊、跛者行、瞽者明、則奇之、歸

榮以色列。神。耶穌召門徒曰、我憫眾、偕我三日、今無食、我不欲使

之饑而去恐途中困憊也。門徒曰在野安得多餅以飽眾耶。耶穌曰

爾有餅幾何。曰七及些須小魚。遂命眾坐地。取七餅與魚祝而擘之

予門徒。徒予眾皆食而飽。拾餘屑盈七籃。食者除婦幼外四千人焉。

○耶穌散眾登舟至抹大拉境。

第十六章

法利賽及撒土該人來試耶穌。請示以天之異跡。耶穌曰暮時天有

紅光。汝云明日將晴。朝時天色紅晦。汝云今日風雨。僞善者乎。爾識

別天色。獨不識斯時異跡與。姦惡之世求異跡。惟先知約拿外無異

跡可示。遂去之。○門徒濟彼岸忘取餅。耶穌曰謹防法利賽撒土該

之酵。門徒竊議曰是爲不取餅歟。耶穌知之曰小信者乎。曷以不取

餅竊議耶。爾猶不知歟。豈不憶五餅分五千人。而拾餘幾筐乎。又七

餅分四千人。而拾餘幾籃乎。何不知我所言。防法利賽撒土該之酵

者。非爲餅乎。門徒方悟。耶穌所言。非防餅之酵。乃法利賽撒土該教

也。○耶穌至該撒利亞腓立之境。問其徒曰。我人子也。人言爲誰。曰

有言施洗約翰。有言以利亞。有言耶利米。抑先知之一。耶穌曰。惟爾

謂我誰耶。西門彼得曰。爾乃永生神子基督也。耶穌曰。西門巴約

拿福矣。以有血氣者不示爾。乃吾天父示之也。我又語爾。爾乃彼得。

彼得即磐之謂我將建我會於此磐。而陰府不能勝。我以天國之鑰賜爾。凡

爾繫於地者。在天亦繫之。釋於地者。在天亦釋之。遂戒門徒。勿以己

爲耶穌基督告人。○自是耶穌示門徒。以己必往耶路撒冷。備受長

老祭司諸長士子之害，且見殺。三日復生。彼得援而止之曰：主不可。

願勿有此。^{三三}耶穌顧彼得曰：撒但退，爾阻我，以爾不體神之情，乃人

之情耳。^{三四}耶穌語門徒曰：欲爲我徒，則當克己，負十字架以從。^{三五}欲救生

命者，反喪之。爲我而喪生命者，反得之。^{三六}利盡天下，而失生命者，何益

之有？人將以何者易生命乎？^{三七}人子以父之榮，偕其使者，將臨視人所

行而報之。^{三八}我誠告爾，立於此者，有人未死克見人子得國而臨矣。

第十七章

^{一節}越六日，耶穌攜彼得、雅各及雅各兄弟約翰，潛至高山，當前變化，面

耀如日，衣皎有光。^三摩西以利亞現與語。彼得謂耶穌曰：主，我儕於此

善矣，願建三廬，一爲爾，一爲摩西，一爲以利亞，不識欲之否。^五言時，景

雲蓋之、雲間有聲云、此我愛子、我所喜悅者、宜聽之。^六門徒聞之、伏地
甚懼。^七耶穌前、撫之、曰、起、勿懼。^八門徒舉目、不見一人、惟耶穌而已。^九○下
山時、耶穌命之曰、人子未復生、勿以所見告人。^十門徒問曰、士子有言、
以利亞當先至、何歟。^{十一}耶穌曰、以利亞先至、振興諸事。^{十二}吾語汝、以利亞
已至、人不知識、任意以待、如是人子亦將受害矣。^{十三}門徒方悟耶穌所
言、指施洗約翰也。^{十四}○至眾所在、有人就耶穌、曲跪曰、主矜恤我子、^{十五}顛
癩甚苦、躓於火者屢矣、躓於水者又屢矣。^{十六}攜就爾門徒、而不能醫也。
耶穌曰、噫、不信悖逆之世、我偕爾當幾何時、我忍爾當幾何時、且攜
若子就我。^{十七}耶穌斥鬼、鬼出、子愈。^{十八}門徒私就耶穌曰、我儕不能逐鬼、何
歟。^{十九}曰、不信故也、我誠告爾、有信如芥種、卽命此山、去此移彼、亦必移

焉。且無所不能也。三一要非祈禱禁食，此族不出。三二○當周流加利利時，耶

穌謂門徒曰：「人子將賣於人手，為其所殺。」三三三日復生。門徒憂甚。三四○入

迦百農，有收丁稅。三五丁稅每人金二錢者，就彼得曰：「爾師輸丁稅乎？」曰：「然。」彼得

入室，耶穌先問曰：「西門，爾意若何？世上諸王，向誰徵餉收稅乎？」向已

子乎？向他入乎？」曰：「他人耳。」曰：「然則已子可蠲矣。」三六但恐使之厭而棄我，

爾往釣於海，取先上之魚，啟其口，當得金四錢，取為我與爾納之，可

也。

第十八章

當時，門徒就耶穌曰：「在天國孰為大？」一耶穌呼一孩提，立於眾前，曰：「我」二

誠告爾，不反復如孩提者，不得入天國。三故自謙如斯孩提，則於天國

爲大。^五凡以我名接如此孩提者，卽接我。^六若陷信我之小子於罪者，寧

以巨磨懸其頸，沉於深海。^七禍哉斯世乎！以其陷人於罪也。夫陷人於

罪，事所必有，但陷人於罪者，禍哉斯人也。^八倘爾一手一足陷爾於罪，

則斷而去之，寧跛與殘，缺人於生，勿兩手兩足投永火。^九倘爾一目陷

爾於罪，則抉而委之，寧一目入於生，勿兩目投地獄之火。^十慎毋輕視

此小子之一吾語。^{十一}汝彼之天使在上，常覲我天父之顏。^{十二}人子至，爲救

其亡者耳。^{十三}人有百羊而喪其一，爾意云何？不姑舍九十九羊於山，往

求其喪者乎？^{十四}若遇之，我誠告爾，其爲此一羊喜，^{十五}勝於九十九之不喪

者矣。^{十六}如是而亡此小子之一，非爾天父意也。倘兄弟得罪爾，則於彼

獨處時，謫之，若聽，則救爾兄弟，弗聽，則招一二人，證以二三人之口，

而言言有徵矣。^{十七}弗聽則告於會弗聽會則視之猶異邦人與稅吏可

也。^{十八}我誠告爾凡爾繫於地者在天亦繫之釋於地者在天亦釋之。^{十九}我

又語汝不論何事若爾二人意合於地以求則我天父必成之。^{二十}有二

三人爲我名隨地而集者我亦在其中矣。^{二十一}彼得就之曰主兄弟得罪

我我赦之當若何七次可歟。^{二十二}耶穌曰奚止於七乃七十復以七相乘

也。^{二十三}天國猶人君與其臣會計。^{二十四}計時有曳負千萬金者既無可償主命

鬻其身與妻孥及其所有以償。^{二十五}其臣俯伏拜曰請主寬我我將盡償。

主憐而釋之免其債。^{二十六}其臣出遇同僚負十金執之扼其吭曰爾所負

者當償我。^{二十七}同僚俯伏求曰請寬我我將盡償。^{二十八}弗許下之獄待償所負。

諸同僚見之憂甚以其事赴懇於主。^{二十九}主召之曰惡哉臣也爾所負求

我我則免之。^{三五}不當矜恤同僚亦由我矜恤爾乎。^{三六}由是主怒交之獄吏待償所負。^{三五}若爾眾不心赦兄弟之過則我天父視爾亦將如是。

第十九章

一節

耶穌言竟去加利利至猶太境約但河外。^二眾從之耶穌醫其病者。^三法

利賽人就而試之曰不論何故出妻合法否。^四曰造化之主始造一男

一女。^五故曰人離父母膠漆其妻成爲一體此經汝豈未讀乎。^六如是終

不爲二而一體矣。故神所耦者人不可分之。^七曰然則摩西命予離

書出之何也。^八曰摩西以爾心忍容爾出妻但元始不然。^九吾語汝非以

姦故出妻而他娶者行淫也娶所出之妻者亦行淫也。^十門徒曰人於

妻如此寧勿娶。^{十一}曰眾不能惟稟賦者能之。^{十二}蓋有生而闇者有被人闇

者有爲天國自閹者此言惟能受者受之。○時有攜孩提者欲耶穌

按手而禱門徒責之。耶穌曰容孩提就我勿禁之蓋有天國者正如

是人也。遂按之而去。○有少者就之曰善哉師乎我當行何善以獲

永生。耶穌曰胡爲以善稱我無一善者惟神而已。爾欲得生則當

守誠。曰何誠。耶穌曰毋殺人毋行淫毋攘竊毋妄證敬爾父母愛人

如己。少者曰我自幼皆守之猶有未盡乎。耶穌曰爾欲盡善往售所

有以濟貧則必有財於天且來從我。少者聞言愀然而去。貲厚故也。

○耶穌謂門徒曰我誠告爾富人入天國難已哉。我又語汝駝穿針

孔較富人入神國尤易也。門徒聞之甚奇曰然則誰得救耶。耶穌

目之曰此則人不能惟神無不能也。彼得曰吾儕舍一切以從爾

將何得歟。^{三八}耶穌曰：我誠告爾，爾曹從我，至復興之際，人子坐榮位，爾亦坐十二位，審以色列十二支派矣。^{三九}凡爲我名，離屋宇、兄弟、姊妹、父母、妻子、田疇者，將受百倍，而得永生。^{四十}然先者多爲後，後者多爲先也。

第二十章

^{一節}

蓋天國，猶家主朝出，雇工入葡萄園，與工約，日金一錢，遣之入園。^二

辰盡出，見有閒立於市者，謂之曰：爾亦往葡萄園，所宜給者，我與爾。^四

其入遂往。日中，及未終，又出行，亦如之。申盡出，復見有閒立者，謂之曰：^五

爾何終日閒立於此乎？曰：無雇我者。曰：爾亦往葡萄園，所宜給者，爾^六

可得之。及暮，園主語操會者曰：呼工，給以傭值，由後以次及先。^七申盡^八

至者，各受金一錢。先至者，意所受必加多，乃亦受金一錢。受之，則怨^九

家主曰。我當暑終日任勞。後至者僅片時工作。乃使之與我等乎。十三

主謂其人曰。友。我未嘗不公待爾。爾非與我約金一錢乎。十四取爾之值

而往。我欲予後至者。猶予爾然。十五以我之物。行我所欲。不亦宜乎。我爲

善。爾怒曰。何也。十六如是。後者將爲先。先者將爲後。蓋被招者多。見選者

少也。十七○耶穌上耶路撒冷途中。潛攜十二門徒。謂之曰。十八我儕上耶路

撒冷。人子將賣與祭司諸長士子。定以死解於異邦人。凌辱鞭撲。釘

十字架。越三日復生。十九○西比太有二子。其母率之就耶穌。拜求一事。二十

耶穌曰。爾欲何爲。曰。許此二子。坐於爾國。在爾左右。二十一耶穌曰。爾所求

者。爾不知也。我飲之杯。爾能飲乎。我受之洗。爾能受乎。曰。能。曰。我飲

之杯。爾將飲之。我受之洗。爾將受之。但坐我左右。非我得與。惟與夫

我父備位以待之者。^{二十四}十徒聞之，則憾兄弟二人。^{二十五}耶穌召之曰：「異邦之君主其治，而大人執其權，爾所知也。」^{二十六}爾曹不可。爾中欲爲大者，當爲爾役，欲爲首者，當爲爾僕。^{二十七}猶人子至，非以役人，乃役於人，且舍生以贖多人也。」^{二十八}○出耶利哥時，眾隨之。^{二十九}二瞽者坐道傍，聞耶穌過，呼曰：「主，大關之裔，矜恤我。」^{三十}眾責之，使緘默。瞽者愈呼曰：「主，大關之裔，矜恤我也。」^{三十一}耶穌止，呼之曰：「爾欲何求？」曰：「欲主明我目。」耶穌憫之，按其目，目卽明，由是從耶穌。^{三十二}

第二十一章

^一近耶路撒冷，至伯法其，^二邇橄欖山，耶穌遣二門徒曰：「爾往前村，遇牝驢繫焉，有小驢同在，解而牽之。」^三有詰爾者，則曰：「主需之，彼必從而放。」

焉。如是應先知言云。告郇之女。爾王臨至。溫柔而乘驢。及驢之小者。^四
卽引重之子也。^六門徒遂往。如命而行。牽驢及小驢。置衣於上。扶耶穌。^七
乘之。有眾以衣布道。或伐樹枝布於途。^八前後眾庶呼曰。大闢之裔。萬
福歟。托主名來者。當見寵也。在上者萬福矣。^九○耶穌入耶路撒冷時。^十
舉城竦動。曰。此爲誰。眾曰。加利利拿撒勒先知耶穌也。^{十一}○耶穌進。^{十二}
神殿。逐其中貿易者。反兌錢者之几。鬻鴿者之椅。^{十三}曰。記有之。我室必
稱爲祈禱室。爾曹以爲盜巢也。^{十四}瞽者。跛者。於殿就耶穌。耶穌醫之。^{十五}祭
司諸長。士子。見其所行特異。又見孺子呼於殿。曰。大闢之裔。萬福歟。^{十六}
由是憾之。語耶穌曰。若所言者。爾不聞乎。耶穌曰。然。以赤子乳哺者。^{十七}
之口。全備讚美。斯言爾未讀乎。遂去之。出城。至伯大尼宿焉。○來朝。^{十八}

復入耶蘇饑道傍見無花菓樹就之無所得惟葉而已三十一謂樹曰爾菓

永不復結樹卽枯門徒見而奇曰無花菓樹何枯之速也三十二耶穌曰我

誠告爾爾有信不疑不獨於此樹能行之雖命此山移去投海亦能

焉三十三祈禱時不論何求信則得之○耶穌入殿三十四教誨祭司諸長民間長

老就之曰爾以何權行是誰賜爾此權耶三十五耶穌曰我亦一言問爾爾

告我則我以何權行是告爾三十六約翰施洗由天乎由人乎眾竊議曰若

云由天彼必曰曷不信之三十七若云由人我又畏民蓋民以約翰爲先知

也三十八遂對曰不知也耶穌曰我亦不以何權行是告爾三十九人有二子謂其

長者曰子今日往葡萄園工作四十對以不可後悔而往命其次子亦如

之對曰主諾四十一既而不果往爾意何如二者孰遵父旨乎曰長子耶穌

曰我誠告爾稅吏倡妓先爾入三五神國矣蓋約翰以義路就爾爾不

信而稅吏倡妓信之且爾見此又不後悔以信之○請復聽一譬有三五

家主樹葡萄園以籬環之中掘酒醱建塔租與農夫遂往異地菓期三五

將及遣僕就農夫收菓農夫執其僕扑一殺一石擊一復遣他僕較三六

先尤眾農夫待之如故後遣其子意謂必敬我子矣農夫見其子則三六

私語曰此其嗣子且來殺之業可據矣遂執之出諸園外殺焉園主三九

至將何以處此曰其必翦滅此惡人租園與他農可按時納菓也耶四一

穌曰經云工師所棄之石成爲屋隅首石此主所成者我目而奇之四二

爾未讀乎吾語汝神國必奪爾賜他民以結菓者也躡此石上者四三

人必糜此石墜其上者身必碎祭司諸長法利賽人聞此譬識其言四五

指已^{四六}欲執之、惟懼民、蓋民以耶穌爲先知也。

第二十二章

耶穌又設譬^{一節}、語眾曰、天國猶人君^二爲子設昏筵^三、遣僕召所請者赴筵、

不至^四。又遣他僕曰、告所請者云、我餐已具、牛與肥畜已宰、百物備可

就筵矣^五。彼不顧而去、一往於田、一往於市、其餘執僕^六凌辱殺之^七。君聞

之怒^八、遣軍滅其兇、焚其邑^九。語僕曰、昏筵已備、所請者不堪^十。可往路之

通衢^{十一}、不論所遇、請赴筵焉^{十二}。僕出途間、集所遇善者惡者^{十三}、昏筵賓滿矣^{十四}。

君入觀賓^{十五}、見一人不衣禮服^{十六}、語之曰、客不衣禮服、胡爲乎來^{十七}。賓默然^{十八}。

君語僕曰、繫其手足^{十九}、執而逐於絕域幽暗^{二十}、彼有哀哭切齒者矣^{二十一}。蓋被

招者多、見選者少也^{二十二}。○法利賽人出而共謀^{二十三}、欲卽其言^{二十四}、詬陷之^{二十五}。遂遣

其徒同希律黨就之云、先生、我知爾乃真者、以誠傳 神道、不偏視

人、不以貌取人者也。十七納稅該撒。該撒羅馬國君之號宜否、爾意如何、請告我。耶十八

穌識其詐、曰、偽善者乎、何試我耶。稅金予我觀之、遂取金錢一予之、

耶穌曰、是像與號誰乎。三十曰、該撒。三十一曰、然則以該撒之物納該撒、以 神

之物納 神矣。三十二聞者奇而去。○當日撒土該人、言無復生者、就而問

曰、先生、摩西云、人無子而死、弟當娶其婦、生子以嗣兄。三十四我中有兄弟

七人、長者娶而死、無子、則遺婦與弟。三十五其二、其三、至其七、亦然。厥後婦

亦死。三十六至復生時、七人中、婦爲誰之妻乎、蓋皆納之矣。耶穌曰、爾不識

經、及 神之權、故謬。三十七夫復生之際、不嫁不娶、如 神之使者、在天、論

死者復生、豈未讀 神所諭爾云、我乃亞伯拉罕之 神、以撒之

神雅各之三三神也。是神非死者之三六神乃生者之三三神也。眾聞之。

奇其訓。三五○法利賽人聞耶穌使撒土該人無辭以對，遂集其一人為三五

教法師，問而試之。三六曰：「先生，律法諸誠孰為大？」耶穌曰：「當盡心，盡性，盡三七

意愛主爾之三八神。此誠之首而大者。其次愛人如己，亦猶是二者，乃三九

律法先知之綱領也。四〇○法利賽人集時，耶穌問曰：「爾意基督為何如四一

人，是誰之裔乎？」曰：「大闢之裔也。」曰：「大闢感於聖靈，何稱基督為主耶？」四二

大闢有言曰：「主謂我主云，坐我右，我將以爾敵置爾足下。」夫大闢既四三

稱基督為主，則基督如何為大闢裔乎？眾無辭以對，自是無敢復問四四

者。

第二十三章

耶穌語眾及門徒曰。士子法利賽人。坐摩西位。凡命爾守者。守之。但

勿爲其所爲。因其言而不行也。彼以重且難之任。縛而置人肩上。惟

已則一指不肯動。其行事。欲以見於人而爲之。且濶其佩經。大其衣

裾。喜席間左座。會堂高位。市上問安。爲人稱曰。夫子夫子。然爾勿受

夫子之稱。爾師尊乃一。卽基督。爾曹皆兄弟。勿稱在地者爲父。爾父

乃一。卽在天者。亦勿受師尊之稱。爾師尊乃一。卽基督。爾中大者。當

爲爾役。自高者降爲卑。自卑者升爲高也。○僞善之士子。法利賽人。

其有禍乎。以爾當人前閉天國。爾自不進。而將進者爾不許。僞善之

士子。法利賽人。其有禍乎。以爾并吞嫠婦家資。而佯爲長祈。故受罪

尤重也。僞善之士子。法利賽人。其有禍乎。以爾周行水陸。使一人進

教既進，又使爲地獄之人，較倍於爾也。十六爾瞽而相者，其有禍乎。每日，
人指殿而誓，則無事，惟指殿內之金而誓，則當償之。十七爾愚且瞽，金與
殿孰大乎，亦金以殿聖耳。十八爾又曰：人指壇而誓，則無事，惟指壇上禮
物而誓，則當償之。十九爾愚且瞽，禮物與壇孰大乎，禮物以壇聖耳。故指
壇而誓，是指壇及在其上者而誓也。二十指殿而誓，是指殿及居其內者
而誓也。二十一指天而誓，是指神座及坐其上者而誓也。二十二○僞善之士子，
法利賽人，其有禍乎。蓋爾於薄荷、小茴、馬芹、十輸其一，但律法之尤
重者，若義、與仁、與信，爾則遺之，然爾所當行者此也，彼第不可遺耳。二十三
爾瞽而相者，蚋則濾之，駝則吞之。二十四僞善之士子，法利賽人，其有禍乎。
以爾潔杯盤之外，而刼奪非義充其內。二十五噫，法利賽人，其瞽乎，先潔杯

盤之內，則其外亦潔矣。○偽善之士子，法利賽人，其有禍乎，爾似粉

聖之塋，外見爲美，內則死骸污穢充之矣。如是爾以義外見於人，內

則偽善非法充之矣。偽善之士子，法利賽人，其有禍乎，以爾建先知

之塋，飾義人之墓。每曰，若我在我祖時，則不與謀流先知之血。如是

爾自證爲殺先知者之裔，何不盈爾祖之量乎。噫，蛇虺之類，安能道

地獄刑乎。是以我遣先知，智人，士子，就爾，殺者有之，釘十字架者有

之，鞭於會堂者有之，在在窘逐者又有之。致流義人之血於地，罪皆

歸爾。自義人亞伯之血，至巴拉家子，撒加利亞，爾殺於殿壇間之血。

我誠告爾，此事必皆歸斯世也。耶路撒冷乎，耶路撒冷乎，爾殺先知，

石擊奉使者。我欲集爾赤子，似母鷄集雛翼下，已幾次乎，惟爾不欲。

爾室將爲墟矣。吾語汝，今而後，爾不見我。時至，將曰：托主名而來者，當見寵也。

第二十四章

耶穌出殿，門徒就焉，以殿宇指與耶穌觀之。耶穌曰：爾不見此乎？我

誠告爾，將不遺石於石上，乃必盡圯也。耶穌坐於橄欖山，門徒潛就

之，曰：請告我，何時有此？且爾臨及世末，有何兆乎？耶穌曰：慎勿爲人

所惑，將有多人，冒我名而來，自謂基督，是以惑眾。爾將聞戰及戰風

聲，慎勿懼，此事皆必有，惟末期未至耳。民將攻民，國亦攻國，饑疫地

震，隨在皆然，此菑害之始也。人將陷爾於患難，殺爾，爾以我名見憾

於萬民。多人將厭而棄我，彼此相陷相憾，僞先知羣起而惑眾，以惡

貫盈多人愛情漸冷。惟終忍者得救。天國福音將傳天下。爲證於萬

民。然後末期至。爾觀先知但以理所言。指殘賊可惡之物。立於聖地。

讀者宜致思焉。時在猶太者。當避於山。在屋上者。勿下取家資。在田

者。勿歸取衣。當日姪婦乳婦。其有禍乎。宜祈禱。免冬時及安息日逃

避矣。時必有大難。自世之始。越至於今。皆未之有。後亦無有焉。斯時

不稍減其日。則無得救者。蓋爲所選之民。此日可稍減耳。有告爾者

曰。基督在此。基督在彼。則勿信。蓋將有僞基督。僞先知者起。大施異

蹟奇事。設使得惑選民。則惑之矣。我與爾先言之。有人告爾。基督在

曠野。勿出。基督在密室。勿信。猶電自東閃而至西。人子之臨。亦如是。

屍所在。驚鳥集焉。患難之後。日晦冥。月無光。星隕自天。天象震動。人

子之兆現於天，在地諸族哭之哀。且見人子，以大權大榮，乘雲而來。

遣使者吹角，聲甚宏遠，集厥選民於四方，天涯之極。○當思無花草

樹之譬，枝柔葉萌，則知夏近矣。如是爾見此兆，則知人子近及門矣。

我誠告爾，此代未逝，斯皆得成，天地可廢，吾言不可廢。○彼日彼時，

人不知，天使亦不知，惟我父知之。有如挪亞之日，人子之臨亦然。洪

水之先，其人飲食嫁娶，迨挪亞入方舟日，莫有知者，忽洪水至而湮

眾，人子之臨亦然。時二人在田，擒一縱一。二女旋磨，擒一縱一。○故

當儆醒，以爾不知主至何時也。若家主知盜何更至，則必儆醒，不至

穴其室，此爾所知也。是以爾當預備，因不意之時，人子至矣。孰是忠

智之僕，主任之督其家人，依時而予糧乎。主臨，見僕行是，其僕福矣。

我誠告爾，主將任之以督所有。四七倘有惡僕，意主將遲遲而至。四八於是扑其同僕，與酒徒飲食。五十一乃於不意之日，不知之時，主至，加以極刑，置與偽善同科，在彼有哀哭切齒者矣。

第二十五章

二節則天國可比處女十人，執燈出迎新娶者。二其中五智，五愚。三愚者執燈，而油不備。四智者執燈，器且備油。五新娶者稽遲，皆假寐而寢。六中夜呼云，新娶者至矣，出迎之。七眾處女遂起，重整其燈。八愚者謂智者曰，以爾油分我，我燈垂燼。智者曰，恐爾我俱不足，寧就市沽之。十往沽時，新娶者至，有備者同入昏筵，而門閉矣。十一其餘處女後至，曰，主也，主也，請爲我十二啟。十三曰，我誠告爾，我不爾識也。十三故當儆醒，以人子至，爾不知其時日也。

又如一人，將往異地，召僕以所有者予之。十五或予金五千，或予二千，或

予一千，各因其才，隨往異地。十六其受五千者，往而貿易，又獲五千。十七受二

千者，亦獲二千。十八受一千者，往而掘地，藏其主之金。十九久之主歸，與僕計

會。二十受五千者至，又攜五千，曰：主予我五千，我獲五千倍之矣。二十一主曰：俞，

僕之忠而善者，爾於寡者既忠矣，我將以多者任爾，可進爾主之樂。二十二

也。二十三受二千者至，曰：主予我二千，我獲二千倍之矣。二十四主曰：俞，僕之忠而

善者，爾於寡者既忠矣，我將以多者任爾，可進爾主之樂也。二十五受一千

者至，曰：主也，我知爾乃忍人，未播之處而獲，未散之處而歛。二十六是以我

懼，藏爾金於地，今爾故物猶存。二十七主曰：噫，惡情之僕乎，爾知我未播而

獲，未散而歛，則當以我金，投諸兌錢者，我至時，得以取其母而獲其

子。可奪其一千。三十八予有十千者。三十九蓋有者，將予之使有餘，無者，并其所有

亦奪之。四十無益之僕，逐於絕域幽暗，在彼有哀哭切齒者矣。○當人子三十一

乘榮，偕諸聖使而至，坐其榮位。三十二萬民集其前，遂區別之，猶牧者別綿

羊離山羊。三十三置綿羊於右，山羊於左。三十四王謂在右者曰：爾見寵於我父，可

前而得國，乃創世以來，爲爾所備者也。三十五蓋我饑，爾食我；我渴，爾飲我；

我爲旅，爾館我；我裸，爾衣我；我病，爾顧我；我在獄，爾視我焉。三十六義者將

應之曰：主，何時見爾饑而食，渴而飲，何時見爾旅而館，裸而衣，何時三十七

見爾病，或在獄而視爾乎？王必謂之曰：我誠告爾，既行之於我兄弟三十八

至微之一，卽行之於我也。三十九又謂在左者曰：爾受詛者，離我入永火，乃

爲魔鬼，及其使者而備者也。四十蓋饑，爾不食我；渴，爾不飲我；爲旅，爾不四十一

館我裸爾不衣我病及在獄爾不顧我彼將應之曰主我何時見爾
饑渴旅裸病及在獄而不服事爾乎王必謂之曰我誠告爾既不行
之於此至微者之一卽不行之於我也此人入永刑義者入永生

第二十六章

耶穌言竟謂門徒曰越二日乃逾越節爾所知也人子見賣釘十字

架矣祭司諸長士子民之長老集於祭司長該亞法院詭謀執耶穌

殺之惟曰節期不可恐民生亂○耶穌在伯大尼癩者西門家有婦

以玉盒盛至貴之膏就耶穌席間沃其首門徒見而憾曰惡用此糜

費爲哉此膏可鬻多金以濟貧者耶穌知其意曰何爲難此婦乎婦

行之於我者善也蓋貧者常偕爾我不常偕爾婦傾此膏於我躬爲

我葬而行之。我誠告爾，普天下，不論何處，傳此福音，亦必述婦所行。

以爲記。○十二門徒之一，加畧人猶太，詣祭司諸長曰，爾欲予我幾

何，我以彼賣爾，遂約金三十。三十金約銀十兩零自是猶大尋機賣之。○除酵

節首日，門徒就耶穌曰，欲我何處爲爾備節筵乎。曰，爾入城，見某，語

之曰，師云，我時邇矣，將偕門徒守逾越節於爾家。門徒從命，預備節

筵。○旣暮，耶穌偕十二徒席坐。食間，耶穌曰，我誠告爾，爾中一人將

賣我矣。眾憂甚，一一問曰，主是我乎。曰，與我著手於盂者，卽賣我者

也。人子將歸，如記所載，惟賣人子者，有禍乎，其人不生爲幸。賣師猶

大曰，夫子是我乎。曰，爾言之矣。○食間，耶穌取餅，祝而擘之，予門徒

曰，取食之，斯乃我身焉。又取杯，祝而予之曰，爾徧飲之，此乃我血，卽

新約之血，爲多人流，以赦罪者也。三十九吾語汝，今而後，我不復飲葡萄之

汁，待他日我偕爾飲新者，於吾父國也。四十○旣咏詩，往橄欖山，耶穌謂

門徒曰：此夜爾眾將棄我，記有之。我擊牧者，羣羊散矣。四十一我復生後，將

先爾往加利利。四十二彼得曰：眾雖棄爾，我終不爾棄。四十三耶穌曰：我誠告爾，此

夜鷄未鳴，爾將三言不識我矣。四十四彼得曰：我卽與爾偕亡，必不言不識

爾。眾門徒言亦如之。四十五○耶穌偕門徒至一地，名客西馬尼，謂之曰：爾

曹坐此，我前進祈禱。四十六遂攜彼得及西比太二子，憂愁哀慟。四十七耶穌曰：我

心甚憂，幾乎死矣。爾居此同我儆醒。四十八少進，伏地祈禱曰：父與，若可得

免，則以此杯去我。雖然，非從我所欲，乃從爾所欲也。四十九遂至門徒所，見

其寢，謂彼得曰：噫，爾不能偕我儆醒片時乎？儆醒也，祈禱也，免入誘

惑也。心願而身疲耳。復進禱曰：父與，若不能以此杯去我，我必飲之。

則爾旨得成焉。四十三既至，又見門徒寢，以其目倦矣。四十四離之，再進三禱，言亦

如之。四十五後至門徒所謂之曰：今尙寢且安乎？時邇矣。人子見賣於罪人

手矣。四十六起而偕行，賣我者近矣。四十七○言時，十二徒之一，猶大偕眾以刃與

梃，自祭司諸長及民長老之所而來，賣師者遞以號曰：我接吻者是

也，可執之。四十九卽就耶穌曰：夫子安？遂與接吻。耶穌曰：友，何爲至此？眾前

執耶穌。五十一偕耶穌者一人，手拔刃，擊祭司長僕，削其耳。耶穌曰：斂爾刃

入鞘。凡試刃者，必以刃亡。五十二爾以我不能此時祈父，爲我遣十二營有

餘之使者乎？如是則經所云，此事必有者，如何得應乎？五十五○遂語眾曰：

爾以刃與梃來執我，若禦寇乎？我曰偕爾坐於殿而教誨，爾不執我。

如是應先知所載焉。諸門徒離之而奔。○執耶穌者，曳耶穌至祭司

長該亞法所。士子長老已集。彼得遠隨耶穌，至祭司長院，入與役坐。

欲觀其竟。祭司諸長老，全公會，求妄證攻耶穌，欲死之，而弗得也。

雖多妄證者至，亦未得其證焉。後有妄證二人至。曰：此人曾言，能毀

神殿，三日建之。祭司長起，問耶穌曰：爾無所答乎？此人證爾者何

歟？耶穌默然。祭司長曰：當永生神前，我令爾誓而告我，爾果神

子基督否？耶穌曰：爾言之矣。吾語汝，此後，爾將見人子坐大權者之

右，乘天雲而來。祭司長自裂其衣，曰：僭妄哉！若人何用別證乎？爾已

聞其僭妄矣。爾意如何？僉曰：置之死。眾唾其面，拳擊之，有手批之者。

曰：基督乎？試言擊爾者誰？○彼得坐於外院，有婢前曰：爾亦偕加利

利耶蘇也。七十當眾前彼得不承曰我不識爾言何也。七十一既出至院門又一

婢見之語同在者曰此亦偕拿撒勒耶穌者。七十二彼得復不承且誓曰我

不識其人也。七十三頃之旁立者前語彼得曰爾誠其黨爾之方言可明辨

矣。七十四彼得詛且誓曰我不識其人也。七十五鷄卽鳴彼得憶耶穌言鷄未鳴爾

將三言不識我乃出而痛哭。

第二十七章

平旦祭司諸長民之長老共謀攻耶穌欲死之。一節繫而曳之解於方伯

本丟彼拉多前。二○時賣師猶大見耶穌定罪則悔反其金三十與祭

司諸長長老曰我賣無辜者之血有罪矣。三僉曰於我何與爾自當之。

猶大擲金於殿退而自縊。四祭司諸長取其金曰此乃血價貯庫非宜。五

遂共議以金售陶人田以瘞旅其田至今稱血田焉於是應先知耶

利米言云我取被估者之價三十金卽以以色列人所估者捐之售陶

人田從主命我也○耶穌立方伯前方伯問曰爾猶太人王乎耶穌

曰爾言之矣祭司諸長老訟耶穌耶穌不答彼拉多曰此人證爾

如此爾不聞乎耶穌不措一詞方伯甚奇之○屆節期方伯例釋一

囚任眾所欲時有惡名之囚巴拉巴眾集彼拉多曰爾欲我釋誰耶

巴拉巴乎抑耶穌稱基督乎蓋知人媚嫉解耶穌也方伯坐於堂夫

人使謂之曰此義人爾無以爲也今日我於夢中不勝爲之哀惻焉

祭司諸長老唆眾求釋巴拉巴滅耶穌方伯謂眾曰二人中欲我

釋誰曰巴拉巴彼拉多曰然則所稱基督卽耶穌何以處之眾曰釘

新約全書卷一馬太傳福音書第二十七章三

二三

五四

之十字架。方伯曰：彼行何惡耶？眾愈呼曰：釘之十字架。彼拉多見言之無益，愈以生亂。乃於眾前取水盥手，曰：流此義人之血，非我罪也。

三五

三六

爾眾當之。庶民對曰：其血歸我及子孫矣。由是釋巴拉巴，鞭耶穌，發

三七

三八

之釘十字架。○時方伯之卒攜耶穌至公廨，全營圍之。褫其衣，以

三九

四十

絳袍，褊棘冕，冠其首，置葦於右手，戲跪其前，曰：猶太人之王安。唾之，

四一

四二

取葦擊其首。戲畢，褫其袍，衣以故衣，曳釘十字架。眾出，遇古利奈人，

四三

四四

名西門，強之負十字架。○至一所，名各各他，卽所謂髑髏處，以醋和

四五

苦藥飲之。耶穌嘗而不飲。釘十字架後，闢分其衣，應先知言云：分我

四六

四七

外衣。闢我裏衣。羣卒坐而守之。置標於首，書訟詞於上，曰：猶太王耶

四八

四九

五〇

穌。有二盜同釘十字架，一左一右。○過者譏誚之，搖首曰：爾毀殿，三

日建之，今宜自救也。爾若神子，可由十字架下矣。祭司諸長士子，

長老亦如是戲曰：彼救他人，不能自救。若爲以色列王，今由十字架

而下，我卽信之。彼恃神，若神悅之，今必見拯。蓋彼曰：我乃神

子也。同釘之盜，詬亦如是。○自日中至未終，徧地晦冥。至未終，耶穌

大聲呼曰：呶喇，呶喇，呶嗎，嗽嗽，吠呢。卽言我之神，我之神，何遣

我乎。旁立者聞之曰：彼呼以利亞也。其中一人疾走，取海絨，漬醢，束

葦飲之。有曰：姑聽之，試觀以利亞來救之否。耶穌復大聲而呼，氣遂

絕。倏見殿幔自上至下，裂爲二。地震，磐裂，墓啟，而旣逝之聖，其身多

復起出墓者。迨耶穌甦後，入聖京，多人見之。○百夫長及同守耶穌

者，見地震，與所歷之事，懼甚，曰：此誠神子也。○有多婦，由加利利

從耶穌而供事之者，在彼遠視。五十六中有抹大拉之馬利亞，雅各、約西之

母馬利亞，及西比太二子之母。五十七○既暮，有富人，自亞利馬太來，名約

瑟，耶穌之徒也。五十八入見彼拉多，求耶穌屍，彼拉多命予之。五十九約瑟取屍，裹

以潔帛布，置已磐中所鑿之新墓，轉大石於墓門而去。六十有抹大拉之

馬利亞及其他馬利亞對坐而坐。六十一○明日即備節之翌日，祭司諸長

法利賽人集，見彼拉多曰，主我儕憶彼僞者生時，嘗曰，三日後復生。六十二

是以請命固守其塋三日，恐其徒夜盜之，而以由死復生告民，如是

則後謬較甚於先矣。六十三彼拉多曰，爾有守兵往盡乃心固守之，遂往固

守其塋，封石設兵焉。六十四

第二十八章

安息日^一後七日之首日^二黎明時抹大拉之馬利亞及他馬利亞至欲

觀其塋^三倏見地大震主之使者由天而下前移墓門之石而坐其上^四

容光如電衣白如雪守者恐懼戰慄若死^五使者謂婦曰勿懼我知爾

尋釘十字架之耶穌^六彼不在此已復生如其言爾來觀主葬處速往^七

告其徒言彼由死復生先爾往加利利在彼得見之我曾告爾矣^八婦

急離墓懼且大喜趨報門徒報時耶穌遇之曰願爾安婦前抱其足^九

拜之耶穌曰勿懼歸報我兄弟可往加利利在彼得見我矣^十○婦去^{十一}

時守者入城以諸事報祭司諸長^{十二}彼同長老集議以多金予兵曰爾^{十三}

可云我眠時其徒夜來盜之^{十四}倘聞於方伯我即勸之使爾無虞兵受^{十五}

金如所屬而行於是此言徧揚猶太人中至今日也^{十六}○門徒十有一^{十七}

人往加利利至耶穌所言之山^{十七}既見耶穌則拜之然猶有疑者耶穌^{十八}
前謂之曰^{十九}天地諸權已與我矣爾往招萬民爲徒以父子聖靈之名
施洗^{二十}教之守我所命爾者且我常偕爾至世末焉

馬可傳福音書

羊城藏板

羊叔子集

魏何遜齋書

馬可傳福音書

第一章

神子耶穌基督福音之始也。^{一節}先知載曰我遣我使在爾前備爾道。^三野
有聲呼云備主道直其徑。^四約翰在野施洗傳悔改之洗禮俾得罪赦。^五
舉猶太地耶路撒冷人出就之各言已罪悉在約但河受洗於約翰。^六
約翰衣駝毛束皮帶食則蝗蟲野蜜。^七其言曰後我來者更勝於我即
屈而解其履帶亦不堪焉。^八我以水施洗而彼將以聖靈施洗爾也。^九時
耶穌自加利利拿撒勒至約但受洗於約翰由水而上見天開有聖
靈如鴿降臨其上自天有聲云爾乃我愛子吾所喜悅者。^十聖靈速耶
穌適野在彼四旬見試於撒但。^{十一}撒但魔
鬼名與野獸處天使服事之。○約

翰幽囚後耶穌至加利利傳神國福音云期已盡矣神國邇矣宜悔

改信福音○耶穌遊加利利海濱見西門與兄弟安得烈施罟於海

蓋漁者也耶穌曰從我我將使爾漁人如漁魚焉遂棄網從之少進

見西比太子雅各與兄弟約翰在舟補網耶穌招之遂別父西比大

及傭人於舟而從耶穌○進迦百農適安息日耶穌入會堂教誨眾

奇其訓以其教人若操權者然不同士子也會堂有患邪鬼者呼曰

唉拿撒勒人耶穌我與爾何與爾來敗我乎我知爾爲誰乃神之聖

者耶穌斥之曰緘口出邪鬼拘攣其人大聲呼而出眾異之相問曰

是何也何其教之非常耶蓋彼以權命邪鬼而鬼順之於是聲名洋

溢加利利四方○甫出會堂與雅各約翰進西門安得烈家西門妻

之母病瘧偃卧、或以告耶穌、耶穌前執其手、起之、瘧卽退、婦供事焉。
日暮、有攜負病患鬼者、就耶穌、舉邑集於門、耶穌醫諸病、逐諸鬼、以
鬼識已、故不許之言。三五○昧爽、耶穌夙興、適野祈禱、西門與同人跡之、
既遇、曰、眾尋爾、耶穌曰、偕我往附近鄉邑傳道、我來、蓋爲是也。三九於是
在加利利四方會堂傳道逐鬼、○有癩癩四十者就耶穌、曲跪求曰、
爾肯必能潔我、耶穌憫焉、手按之、曰、我肯、爾可潔、言間癩卽除、其人
潔矣、耶穌嚴戒遣之、曰、慎勿告人、但往示祭司、依摩西命獻禮、以爾
得潔爲眾證、其人出、播揚其事故、耶穌不復昭然入城、爰居於野、四
方就之。

第二章

越數日復進迦百農。耶穌在室，眾聞咸集。門無隙地。耶穌傳道焉。

有癱瘋者，四人舁之來。以人眾不得近，乃於耶穌所在之上，撒屋穴之。

以牀薦癱瘋者，縋而下。耶穌見其信已，謂癱瘋者曰：小子，爾罪赦矣。

士子數人在坐，心中竊議曰：斯人何僭妄若是？神而外，誰能赦罪乎？

耶穌知其意，曰：爾曹何爲心中竊議乎？言癱瘋罪赦，抑言起取牀而

行，孰易？但令爾知：人子在地，有權以赦罪耳。則語癱瘋者曰：我命爾

起，取牀以歸。其人卽起於眾前，取牀而出。眾奇之。歸榮神云：我儕從

未見是也。○耶穌復出，至海濱，眾就之。耶穌教誨焉。由是而往，見亞

勒腓子利未，坐於稅關。耶穌曰：從我，遂起從之。耶穌席坐利未家，諸

稅吏及罪人，偕耶穌與門徒坐從之者眾。士子法利賽人見耶穌與

稅吏罪人共食。諸其門徒曰：胡爲與稅吏罪人飲食乎？耶穌聞之，曰：康強者，不需醫，負病者需之。我來，非招義人，乃招罪人悔改耳。約翰門徒法利賽人禁食，或就耶穌曰：約翰門徒法利賽人禁食，爾門徒不禁食，何也？耶穌曰：新娶者在，賀娶者安用禁食乎？蓋新娶者尙在，無庸禁食矣。惟將來，新娶者別之去，乃禁食耳。未有補舊衣，而用新布者，恐所補之新布，反壞舊衣，而綻尤甚。未有盛新酒，而用舊革囊者，恐新酒裂囊，酒漏而囊亦敗，故新酒必盛新囊。○安息日，耶穌過田間，門徒行，且摘穗。法利賽人曰：彼於安息日，何爲所不當爲乎？耶穌曰：爾不知大關及從人乏食，饑時所行乎？當亞比亞塔爲祭司長時，大關入神宮，食陳設之餅，從者亦與焉。但此餅，祭司而外，人不得

食又曰爲人而立安息日非爲安息日而立人且人子爲安息日主也

第三章

耶穌又入會堂有枯一手者人窺耶穌安息日醫之否意欲罪之耶穌命手枯者起立於中語眾曰安息日行善行惡救生殺生孰宜眾默然耶穌怒目圓視以眾心忍憂之語其人曰伸手伸卽愈如他手法利賽人出與希律黨共謀殺耶穌○耶穌偕門徒往海濱時加利利猶太耶路撒冷以土買約但外眾隨之又有推羅西頓人聞其所行亦多就焉耶穌命門徒具舟以待免眾擠擁蓋耶穌醫人甚多凡有疾者逼近捫之邪鬼一見俯伏呼曰爾乃神子也耶穌嚴戒勿揚

耶穌登山，隨所欲以召人，而人就之。^{十六}立十有二人侍側，使傳道有醫

病逐鬼之權。^{十七}有若西門，稱彼得，西比太子雅各，同兄弟約翰，此二人

稱半尼其，譯卽雷子也。^{十八}又有安得烈，腓立巴，多羅買，馬太多，馬亞勒

腓子雅各，有若達太，西門稱銳賣師，加畧人，猶大師徒入室。^{十九}○眾復

集，以故食不暇。^{二十}觀舊聞而至，欲援耶穌止之，語人曰：彼乃狂耳。有士

子，來自耶路撒冷，曰：彼爲別西卜所憑，藉鬼王以逐鬼耳。^{二十一}耶穌呼之

來，設譬曰：撒但何忍逐撒但乎？若國自相分爭，則無以立國。^{二十二}家自相

分爭，則無以立家。^{二十三}使撒但與撒但分爭，則不能立，永終必矣。^{二十四}無人能

入勇士室，劫其家具，必先縛勇士，然後室可劫也。^{二十五}我誠告爾，凡罪惡

謗讟，其人可赦。^{二十六}惟謗讟聖靈，終不可赦，必置之永刑。^{二十七}耶穌以人言其

爲邪鬼所憑故言此。耶穌之母及兄弟來立於外遣人呼之眾環坐。
或謂耶穌曰爾母及兄弟在外欲見爾。耶穌曰何者爲我母我兄弟。
耶遂顧在坐者曰視我母與兄弟焉。凡遵神旨者卽我兄弟姊妹及
母也。

第四章

一節

耶穌復於海濱敎誨眾就之乃登舟浮海而坐眾傍海立岸。耶穌傳
道多端設譬敎人曰聽之哉有播種者出而播種。播時有遺道旁者。
飛鳥至盡食之。有遺磽地者其土淺薄發萌雖速然土不深故日出
暴之無根而槁。有遺棘中者棘起蔽之而實不結。有遺沃壤者發而
長結實或三十倍或六十倍或百倍。又曰宜傾耳聽焉。耶穌燕居從

者與十二門徒問譬之說。耶穌曰：神國之奧，與爾識之，惟於外人，則以譬言之。^{十二}致其目視而不明，耳聞而不悟，恐其遷改，而得罪赦。^{十三}又曰：斯譬未達，安識眾譬。^{十四}播種者播道也。播於道旁者，猶人聽道，撒但卽至，將播於心者奪之。^{十五}播於磽地者，猶人聽道，卽喜受之，惟內無根，則亦暫耳。及爲道而遇難窘，遂厭而棄之。^{十六}播於棘中者，猶人聽道，而斯世之憧擾，貨財之迷惑，嗜慾之萌動，蔽其道而不實。^{十七}播於沃壤者，猶人聽道，受之而結實，有三十倍、六十倍、百倍焉。^{十八}耶穌又曰：人以燈至，豈置斗下牀下乎？非置之臺上耶？^{十九}未有微而不彰，藏而不露者。宜傾耳聽焉。^{二十}又曰：慎所聽，爾度人若何，則見度亦如是。爾聽，必加賜爾。^{二十一}也。蓋有者將與之，無有者，并其所有亦奪之。^{二十二}○又曰：神國，猶人播種。

於地^{三二}夜寐夙興^{三三}種發且長^{三四}不知其所以然^{三五}蓋地本生物始而苗繼而
穗^{三六}後而成穀^{三七}既熟用鎌穫時至矣^{三八}○又曰^{三九}神國何以比之^{四〇}將以何譬
譬之耶^{四一}猶芥種播於地^{四二}爲世間百種之至微^{四三}既播^{四四}卽發^{四五}大於諸蔬生
枝而長^{四六}飛鳥棲其蔭^{四七}此耶穌多設譬以傳道^{四八}因民之所能聽焉^{四九}非譬
不語^{五〇}燕居時悉與門徒解之^{五一}○日暮耶穌謂門徒曰^{五二}可共濟彼岸^{五三}耶
穌在舟^{五四}門徒旣散眾^{五五}則與耶穌偕往^{五六}他舟同行^{五七}颶風大起^{五八}浪躍入舟^{五九}
滿焉^{六〇}耶穌於舟尾枕而寢^{六一}門徒醒之曰^{六二}師不顧我乎亡矣^{六三}耶穌起斥
風告海曰^{六四}默而靖^{六五}風遂止^{六六}大平息^{六七}乃語門徒曰^{六八}奚恐懼若是^{六九}何不信
乎^{七〇}眾甚駭^{七一}彼此相告曰^{七二}斯何人耶^{七三}風與海亦順之也^{七四}

第五章

一節
既濟至加大拉地離舟遇患邪鬼者自墓出其人素居塚無有能以

鐵索繫之者屢以桎梏鐵索繫之則斷鐵索毀桎梏終不能制日夜

恒在塚與山呼號以石自傷遙見耶穌趨而拜之大呼曰至高神子

耶穌我與爾何與托神名懇爾莫苦我蓋耶穌曾命邪鬼離其人乃

問曰爾何名曰我名營吾儕多故也切求耶穌勿逐出斯地近山有

羣豕方食眾鬼求曰容我入豕羣耶穌許之邪鬼離人入豕其羣突

落山坡投海數約二千溺於海牧者奔告邑村眾出視所行就耶穌

見先患鬼爲營所憑者坐而衣衣自若則懼見者以所遇患鬼羣豕

事告之眾求耶穌出其境耶穌登舟時先患鬼者求與之偕耶穌弗

許曰歸以主視爾矜恤爾之事告家人其人往低加波利言耶穌如

何視已眾奇之。○耶穌乘舟復濟彼岸，眾集就之於海濱。有宰會堂

者，名睚魯，來見耶穌，俯伏切求曰：「三十三幼女將死，爾來按之，使得愈，則生

矣。」耶穌偕往，眾擁從之。三十四有婦血漏十二年，甚為多醫所苦，盡耗其資，

不見益而勢轉劇。三十五聞耶穌事，雜眾中而至，自後捫其衣。蓋曰：「第捫其

衣，則愈。」血漏即止，覺疾已瘳。耶穌知已有異能顯出，乃於眾中顧曰：

「誰捫我衣耶？」門徒曰：「爾見眾擁爾，乃問誰捫我乎？」耶穌圍視，欲見行

此之婦。三十六婦知其身所歷，恐懼戰慄，前而俯伏，悉以實告。耶穌曰：「女，爾

信，愈爾，安然以歸，爾疾瘳矣。」言時有自宰會堂者之家來，曰：「爾女亡

矣，何勞師為？」耶穌聞斯言，謂宰會堂者曰：「勿懼，惟信而已。」耶穌於彼

得雅各與兄弟約翰而外，不許他人偕行。至宰會堂者之家，見號咷

哭泣不勝。^{三十九}人曰：胡爲號咷而哭乎？女非死，寢耳。^{四十一}眾哂之。耶穌遣眾出，率女之父母與從者入女寢室。^{四十二}執其手曰：吹喇吹咕咪。^{四十三}譯卽女，我命爾起。女卽起，且行。時女年十有二矣。眾不勝駭異。耶穌嚴戒之曰：勿令人知之。於是命予女食。

第六章

耶穌離彼，歸故鄉。門徒從之。^一適安息日，耶穌於會堂教誨，眾聽奇曰：斯焉得斯，所賦智慧，何其大耶？蓋此異能自其手出。此非馬利亞子木工乎？非雅各約西猶大西門兄弟乎？其姊妹非與我比鄰乎？遂厭而棄之。^四耶穌曰：先知者在故鄉宗族室家而外，莫不尊焉。^五耶穌在彼不行異能，惟手按數病人而醫之。^六且以人不信，故怪之，乃周行諸鄉。

教誨焉。○耶穌召十二徒，耦而遣之，賜權以制邪鬼。命勿攜資斧，惟杖、勿袋、勿糧、勿金於囊。惟著履，勿二衣。又曰：凡入人室，則居彼，及去而後已。有不接爾、不聽爾者，去之日，拂去足塵，以爲眾證。我誠告爾。當審判日，所多馬、蛾摩拉之刑，較斯邑尤易受也。門徒遂往，傳悔改之道，逐諸鬼，以膏膏病者而醫之。於是耶穌聲稱爛焉。○希律王聞之曰：此乃施洗約翰死而復生，故建異能也。或曰：是以利亞。或曰：先知，猶古先知之一。希律聞斯言曰：是我所斬之約翰死而復生耳。初希律遣人執約翰繫獄，以希律娶兄弟腓立妻希羅底。約翰諫曰：納兄弟妻，非宜也。希羅底由是怨約翰，欲殺之，而勿得。蓋希律知約翰義且聖，有聞頻行，欣然聽受，尊而護之。會希律誕日，肆筵宴，諸大夫

千夫長加利利尊者希羅底女八舞希律及同席者喜王謂女曰凡

爾所求我予爾且矢之曰爾所求卽國之半我亦予爾女退問母曰

我當何求其母曰施洗約翰之首女亟入見王請曰我欲施洗約翰

首盤上卽時賜我王甚憂然旣誓又以同席者在無可拒乃遣卒取

約翰首遂斬于獄盛首於盤賜女女獻母其徒聞之至取屍葬於墓

○十二使徒集就耶穌悉以所行所教復之耶穌曰爾曹潛往曠野

憩息片時蓋往來者眾不遑暇食乃乘舟潛往曠野眾見其往多識

之者從諸邑徒行共趨先於其所往至則就之耶穌出見眾憫之以

其猶羊無牧教以多術日旣門徒就耶穌曰此乃曠野日已旣矣眾

無所食請散之周往村落市餅耶穌曰爾與之食可也曰得毋謂我

以金二十，市餅，與之食乎。三九耶穌曰：有餅幾何？爾往觀之。曰：五餅二魚。

遂命門徒，使眾列坐草間。四〇乃坐，或隊百，或隊五十。耶穌取五餅二魚，

仰天祝而擘之，與門徒使陳於眾前，亦以二魚分諸人。四一皆食而飽，拾

其屑及殘魚，盈十二筐。四二食者約五千人。耶穌令門徒登舟，先濟至伯

賽大，俟已散眾。四三散後，往山祈禱。既暮，舟在海中，耶穌獨在岸。四四見門徒

鼓櫂甚苦，以風逆也。時約四更，耶穌履海就之，若欲過者然。四五門徒見

其履海，疑為怪物，而呼。眾懼，耶穌語之曰：安爾心，我也，勿懼。遂登舟，

風即止，眾駭異不勝。四六蓋擘餅之事，頓忘之矣，心頑故也。○既濟，至革

尼撒勒地，泊岸。四七離舟，人識之。周馳四方，以牀舁病者，聞耶穌所在，徧

就之。四八凡耶穌所入，或鄉，或邑，或村，人置病者於市，第求耶穌，予衣裾。

捫之。捫者得愈。

第七章

一節

法利賽人及士子自耶路撒冷集就耶穌。二見其門徒數人，不潔手而

食，卽未盥手也。故責之。三蓋法利賽人猶太眾，執古人遺傳，不精。或曰精卽

摩拳或至肘之謂盥其手，不食。自市歸，不洗，不食。其受而守者，更有多端。若

杯爵銅器及牀，亦洗之。五於是法利賽人、士子問耶穌曰：爾門徒不遵

古人遺傳，手未盥而食，何也？耶穌曰：以賽亞預言，指爾僞善者，誠是。

其言曰：此民口則敬我，心則遠我。六其所教者，乃人所命，是以徒拜我。

也。八蓋爾曹棄神誠，執人遺傳，而洗杯爵，所行多如是。九又曰：爾誠廢神

誠，執爾遺傳者。摩西曰：敬爾父母，又曰：詈父母者必死之。十惟爾則曰：

若人對父母云。我所當奉親者。咯嗽譯卽已獻爲禮物是後不許之。十二

養父母。是爾以所授遺傳。廢神道也。爾所爲多類此。十三遂呼眾曰。宜聽

而悟也。凡自外人者。不能污人。自內出者。乃污人。宜傾耳聽焉。十五耶穌十七

離眾入室。門徒以斯譬問之。耶穌曰。爾亦不悟乎。豈不知自外人者。

不能污人。因不入其心。乃入其腹。食化而遺於廁。十九食化而遺於廁。或

者潔又曰。由人出者。斯污人。蓋自其內。卽由心出。如惡念。姦淫。苟合。

兇殺。盜竊。貪婪。惡毒。詭騙。邪侈。疾視。訕謗。驕傲。狂悖。凡此惡行。皆由

內出。是污人也。○耶穌興。往推羅西頓交境。入一室。不欲人知。而不

得隱。有希拉希拉或曰異邦類婦。屬敘利非尼基國。其幼女患邪鬼。聞耶穌

事。來而俯伏。求耶穌逐鬼。耶穌曰。容兒曹食飽。若先取兒曹餅投狗。

未善也。^{二八}婦對曰主然第兒曹几下餘屑狗亦得食。^{二九}耶穌曰卽此一言
鬼離女矣爾歸可也。^{三〇}婦歸見女卧牀知鬼已出。^{三一}○耶穌去推羅西頓
境至加利利海經低加波利有攜聾而結舌者求耶穌按之。^{三二}耶穌引
之離眾至僻處以指探其耳唾而捫其舌。^{三三}仰天嘆曰呖呖吹譯卽聰
也。^{三四}耳卽聰舌結解而言明矣。^{三五}耶穌戒勿告人然愈戒而彼益播揚眾
不勝異曰其所爲者善使聾者聰啞者言矣。^{三六}

第八章

當日眾大和會無所食。^一耶穌召門徒曰我憫眾偕我三日今無食。^二倘
使饑餓而歸途間必困憊蓋有遠來者也。^三門徒曰此乃曠野何由得
餅以飽之乎。^四曰爾有餅幾何。^五曰七。^六耶穌命眾坐地取七餅祝而擘焉

予門徒使陳之。遂陳於眾前。又有些須小魚。亦祝使陳之。皆食而飽。
拾餘屑七籃。食者約四千人。耶穌乃散眾。卽與門徒登舟。至大馬努
大境。法利賽人出而詰之。求天異蹟。欲試耶穌。耶穌中心太息曰。此
世胡爲求異蹟。我誠告爾。我必不以異蹟示此世。於是去之。復登舟
往彼岸。○門徒忘取餅。舟中惟一餅而已。耶穌戒之曰。謹防法利賽
與希律之酵。門徒相議曰。是爲無餅與。耶穌知之曰。曷以無餅議乎。
爾猶未知未悟歟。心猶頑耶。爾有目不視。有耳不聽。亦不憶乎。我擘
五餅分五千人。拾屑盈幾筐乎。曰。十二。又七餅分四千人。拾餘屑幾
籃乎。曰。七。遂語之曰。何不悟乎。○至伯賽大。有攜瞽者。求耶穌捫之。
耶穌執瞽者手。攜出鄉外。唾其目。手按之。問何所見。瞽者仰曰。我見

行人若樹焉。復按其目，使仰，遂得愈。明察庶物。耶穌遣之歸，曰：勿入

告鄉人。○耶穌與門徒往該撒利亞腓立諸鄉，途間問門徒曰：人言

我爲誰？對曰：施洗約翰。有曰：以利亞。有曰：先知之一。耶穌曰：爾曹言

我爲誰？彼得曰：爾乃基督也。耶穌戒門徒勿告人。乃言曰：人子必備

受害，爲長老祭司諸長士子所棄，且見殺，三日復生。耶穌言此，彼得

援而諫之。耶穌顧門徒責彼得曰：撒但退，爾不體神之情，乃人之情

耳。遂呼眾與門徒曰：欲爲我徒，則當克己，負十字架以從。凡欲救生

命者，反喪之，爲我及福音而喪生命者，必救之，利盡天下而失生命

者，何益之有。人將以何者易生命乎。當此姦惡之世，耻我及我道者，

人子以父榮，偕聖使臨時，亦必耻其人矣。

第九章

一節

耶穌曰、我誠告爾、立於此者、有人未死之先、克見神國、乘權而臨也。
○越六日、耶穌潛攜彼得、雅各、約翰、至高山、當前變化、其衣燦爛、皎
白如雪、世之漂者、不能白之若此。時以利亞、摩西、現與耶穌語。彼得
謂耶穌曰、夫子、我儕在此、善矣。容我建三廬、一爲爾、一爲摩西、一爲
以利亞。彼得不自知所謂。門徒甚懼。適雲蓋之、雲間有聲云、此我愛
子、爾宜聽之。門徒環視、不見一人、惟耶穌而已。下山時、耶穌戒之曰、
人子未復生、勿以所見告人。門徒服膺斯語、共議復生何意。問耶穌
曰、士子有言、以利亞當先至、何歟。曰、以利亞先至、振興諸事、而人子
必備受害、爲人所忽、記已言之。吾語汝、以利亞已至、而人任意以待。

如記所言。○至門徒所見眾環之。士子與之辨論。眾見耶穌甚異之。

趨前加禮。耶穌問士子曰。爾與之辨論何歟。眾中一人曰。先生我攜

我子就爾。為鬼所憑而啞。崇時傾跌。流涎切齒枯槁。請爾門徒逐之。

而不能也。耶穌曰。噫。不信之世。我偕爾當幾何時。我忍爾當幾何時

乎。且攜之就我。遂攜至。一見耶穌。鬼即拘攣之。仆地輾轉流涎。耶穌

問其父曰。患此幾時矣。曰。自少時。屢投於水火。欲滅吾子。倘爾能為

則憫而助我。耶穌曰。如爾能信。則可信者無不能也。其父垂淚呼曰。

主我信。若信未篤。則助余。耶穌見眾趨集。叱邪鬼曰。使人暗聾之鬼。

我命爾出。勿再入之。鬼號呼。拘攣之甚。乃出其子。若死然。人謂其已

死。耶穌執其手扶之。遂起入室。門徒竊問曰。吾儕逐之不得。何歟。耶

穌曰、藉非祈禱禁食、此族不得出也。○於是去彼、過加利利、不欲人

知。^{三十一}示門徒曰、人子將賣與人、見殺、殺後三日復生。^{三十二}門徒未達、而不敢

問。○至迦百農、在室、問門徒曰、爾途間私議何歟。^{三十三}門徒默然、以途間

爭長也。耶穌坐呼十二門徒曰、欲爲先者、當爲眾後、爲眾役也。耶穌

取孩提、置於眾前、且抱之、語門徒曰、凡以我名接如此孩提者、卽接

我、接我者、非接我、接遣我者也。○約翰言於耶穌曰、先生、我儕見一

人不從我、而以爾名逐鬼、故禁之、爲其不從我也。耶穌曰、勿禁之、未

有托我名行異能、而忍輕誹我者也。凡不攻我者、則向我者也。凡托

我名以一杯水飲爾、因爾爲基督之徒、我誠告爾、彼必不失賞也。凡

陷信我之小子於罪者、寧以磨石懸其頸、投於海、之爲美也。倘爾一

手陷爾於罪，則斷之。寧殘缺入於生，勿兩手下地獄。不滅之火，在彼蟲不死，火不滅。倘爾一足陷爾於罪，則斷之。寧跛入於生，勿兩足下地獄。不滅之火，在彼蟲不死，火不滅。倘爾一目陷爾於罪，則去之。寧一目進神國，勿兩目投地獄之火。在彼蟲不死，火不滅。凡人必火以火以火本經祭物，必鹽以鹽。鹽善矣，鹽而失其爲鹽，何以復之爾。作鹽以火曹內宜有鹽，而相和可也。

第十章

耶穌一節去彼，經約但外，至猶太境，眾復集，就耶穌，依然教誨。二法利賽人欲試耶穌，就而問曰：人出妻合法否？耶穌曰：摩西云何？曰：摩西許以離書出之。耶穌曰：摩西以爾心忍，故有斯命，而原造物之始，神造一

男一女。以故人離父母，膠漆其妻，成爲一體。由是觀之，終不爲二，乃一體矣。且神所耦者，人不可分之也。耶穌在室，門徒復問。耶穌曰：凡棄妻他娶者，是淫行也。妻棄夫他適者，亦淫行也。○有攜孩提，欲耶穌按者，門徒責之。耶穌不悅，曰：容孩提就我，勿禁。蓋有神國者，正如是人也。我誠告爾，凡承神國，不如孩提者，不得入也。乃抱孩提，按而祝之。○出於途，有人趨前，曲跪問曰：善哉師也，我當何爲，以得永生。耶穌曰：胡爲以善稱我，無一善者，惟神而已。夫諸誠爾所識也，毋行淫，毋殺人，毋攘竊，毋妄證，勿以不義取人，敬爾父母。對曰：先生，我自幼盡守之矣。耶穌顧而愛之，曰：猶虧一往，售所有，以濟貧，則必有財於天，且來負十字架而從我。其人聞言，色沮，愀然而去，貲厚故也。耶

耶穌環視謂門徒曰有財者入神國難矣哉門徒異其言耶穌曰小子

恃財而入神國難矣哉駝穿針孔較富人入神國尤易也門徒益異

之相告曰然則誰得救乎耶穌曰之曰人則不能惟神不然神無不

能也彼得曰我儕舍一切從爾耶穌曰我誠告爾未有人爲我及福

音離屋宇兄弟姊妹父母妻子田疇而不獲百倍者卽今世屋宇兄

弟姊妹母子田疇亦有窘逐而來世永生矣然先者多爲後後者多

爲先也○上耶路撒冷時途間耶穌先行門徒從駭且懼耶穌攜十

二門徒言將遇之事曰我儕上耶路撒冷人子將賣與祭司諸長士

子定以死解於異邦人凌辱鞭扑唾而殺之越三日復生○西比太

子雅各約翰就耶穌曰我儕有求於先生願許我曰欲我何爲曰爾

榮時許我坐左右也。三六耶穌曰所求者爾自不知也我飲之杯爾能飲

乎我受之洗爾能受乎。三九曰能曰我飲之杯爾將飲之我受之洗爾將

受之。四一但坐我左右非我得乎惟予夫備位以待之者。四二十徒聞之則憾

雅各約翰耶穌召之曰異邦之君主其治而大人執其權爾所知也。四三

爾曹不可爾中欲爲大者當爲爾役欲爲首者當爲眾僕。四五蓋人子至

非以役人乃役於人且舍生以贖多人也。○至耶利哥耶穌與門徒。四六

及大眾出邑時有瞽者底買之子名巴底買坐乞道旁。四七聞拿撒勒人

耶穌至呼曰大關之裔耶穌矜恤我。四八眾責使緘默彼愈呼曰大關之

裔矜恤我也耶穌止令人呼之遂呼瞽者曰安爾心起耶穌呼爾矣。四九

瞽者棄衣起就耶穌耶穌曰爾欲我何爲曰夫子我欲得見耶穌曰。五〇

往哉爾信愈爾遂得見從耶穌於道

第十一章

一節

近耶路撒冷至伯法其及伯大尼^二。逾橄欖山耶穌遣門徒二人曰爾
往前村人則遇小驢繫焉^三。從未有入乘者解而牽之。倘有人問爾何
爲則曰主需之彼必從而放焉^四。門徒遂往果遇小驢繫於門外歧路
間卽解之^五。旁立數人問曰解驢何爲^六。門徒如耶穌命以對遂許之。乃
牽驢就耶穌置衣於上耶穌乘之^八。多人以衣布道或伐樹枝布於途^九。
前後行人呼曰萬福歟托主名來者當見寵也。承我祖大闢之國托
主名臨者當見寵也。在上者萬福矣耶穌進耶路撒冷入殿園視諸
物既暮偕十二門徒出至伯大尼。○明日去伯大尼耶穌饑遙見無^{十三}

花菓樹有葉就視有實否及至見葉而已蓋菓期未至也耶穌謂樹

曰今而後無食爾菓矣門徒聞之十五既至耶路撒冷耶穌入殿逐其中

貿易者反兌錢者之几十六鬻鴿者之椅十七不許攜具過殿示人曰記不云

乎我室必稱為諸民祈禱之室爾曹以為盜巢也十八士子祭司諸長聞

此謀殺之而不敢以眾奇其道也○既暮耶穌出邑十九來朝過無花菓

樹見根枝盡槁二十彼得憶而言曰夫子請觀爾所詛之樹已槁矣耶穌

曰當信神我誠告爾凡命此山移去投海而中心不疑信所言必成二十一

則所言可成也二十二吾語汝祈禱時不論何求信則得之二十三立而祈禱時如

與人有憾則免之天父亦免爾過二十四不免之天父亦不免爾過○復至二十五

耶路撒冷耶穌行於殿祭司諸長士子長老就之二十六曰爾以何權行是二十七

誰賜爾此權耶。耶穌曰：我亦一言問爾，請答我，則我以何權行是告爾。^{二十九}約翰施洗，由天乎？由人乎？請答我。其人竊議曰：若云由天，彼必曰：曷不信之？^{三十}若云由人，我又畏民，蓋民誠以約翰爲先知也。^{三十一}遂對曰：不知。耶穌曰：我亦不以何權行是告爾。

第十二章

一節

耶穌設譬曰：有人樹葡萄園，以籬環之，掘酒醱，建塔，租與農夫，遂往異地。^二及期，遣僕就農夫，取園中當納之菓。^三農夫執而扑之，使徒返。^四復遣他僕，農夫石傷其首，凌辱遣之。^五又遣一僕，農夫殺之，復遣羣僕，或扑或殺。^六有愛子一，卒遣之，以爲必敬我子矣。^七農夫相告曰：此其嗣子。^八且來殺之，業歸我矣。遂執而殺之，棄諸園外。^九園主將何以處此，必至

而滅農夫以園托他人焉。^十經云工師所棄之石成爲屋隅首石。^{十一}此主

所成者我目而奇之爾未讀乎。^{十二}其人知耶穌設譬指己欲執之而畏

眾遂去。^{十三}○後遣法利賽希律黨數人欲卽其言阱陷之。^{十四}乃就耶穌曰

先生我知爾乃眞者不偏視人不以貌取人而以誠傳神道者也納

稅該撒。^{十五}該撒羅馬國君之號宜否。納不納乎。耶穌知其詐曰何試我耶。取金錢

一予我觀之遂取之。耶穌曰是像與號誰乎。曰該撒曰以該撒之物

納該撒以神之物納神矣。眾奇之。^{十六}○有撒土該人言無復生者就而

問曰。^{十七}先生摩西筆以示我云若人兄弟死遺妻而無子兄弟當娶其

妻生子以嗣之。^{十八}有兄弟七人長者娶妻無子而死。^{十九}其二娶之亦無子

而死其三亦然。^{二十}如是七人娶之皆無遺子厥後婦亦死焉。^{二十一}至復生時

其人復生此婦爲誰之妻乎蓋納之者七人矣耶穌曰爾不識經及

神權若此豈不謬哉夫復生之時不嫁不娶如在天使者論死者復

生神云我乃亞伯拉罕之神以撒之神雅各之神載在摩西書棘中

篇爾未讀乎是神非死者之神乃生者之神矣故爾曹謬甚○有一

士子聞其辨論見耶穌善於應對就而問曰何爲諸誠首耶穌曰諸

誠首云以色列民聽之哉主卽我之神一主耳當盡心盡性盡意盡

力愛主爾之神此首誠也其次愛人如己亦猶是誠未有大於此者

士子曰善哉先生之言是也蓋神惟一其外無他苟盡心盡意盡性

盡力愛之又愛人如己則愈諸熟犧祭祀多矣耶穌見其善於應對

乃曰爾離神國不遠矣自是無敢問者○耶穌於殿教誨曰士子何

言基督爲大闢裔乎。大闢感於聖靈，言曰：主謂我主云：坐我右，我將以爾敵置爾足下。三二七夫大闢既稱基督爲主，則基督如何爲大闢裔乎？眾皆樂聞。三二八○耶穌傳道曰：謹防士子，彼好衣長服而遊，喜市上問安，三二九會堂高位席間左坐。然并吞嫠婦家資，佯爲長祈，其受罪必尤重也。四一○耶穌對庫而坐，見眾以金輸庫，諸富者輸多金，有貧嫠至輸半釐。四二者二，卽一釐耳。四三乃招門徒曰：吾誠告爾，此貧嫠輸庫較眾尤多。蓋眾以羨餘輸之，此則不足而盡輸所有，是全業也。四四

第十三章

耶穌出殿，有一門徒曰：先生，請觀斯宇斯石，一至於此乎？耶穌曰：爾第見斯宇之大，然將不遺石於石上，乃必盡圯。三耶穌於橄欖山對殿

而坐。彼得雅各約翰安得烈竊問曰。請告我何時有此事。應之曰。有何兆乎。耶穌曰。慎勿爲人所惑。將有多人冒我名來。曰。我基督也。致惑眾。且爾聞戰與戰風聲。勿懼。此事必有。惟末期未至耳。民將攻民。國亦攻國。地震饑饉變亂。隨在皆然。此災害之始也。故當自謹。蓋爲我故。人將解爾至公會。扑爾於會堂。立爾於侯王前。以爲證。惟福音必先傳於萬民。曳爾解爾時。勿先慮。勿預籌。何以言。當時賜爾以言者言之。非爾自言。乃聖靈耳。兄弟將致兄弟於死。父之於子亦然。子攻父母而死之。爾以我名見憾於眾。惟終忍者得救也。○爾觀先知但以理所言。指殘賊可惡之物。立不當立之地。讀者宜致思焉。時在猶太者。當避於山。在屋上者。勿下入室。取家資。在田者。勿歸取衣。當

日，妊婦乳婦，其有禍乎。宜祈禱，免冬時逃避矣。斯時，患難將至，自神

造物以來，未有如此後亦無有。若主不稍減其日，則無有得救者，惟

爲所選之民，是日其稍減耳。時有告爾者曰：基督在此，基督在彼，則

勿信。蓋將有僞基督，僞先知者起，施異蹟奇事，設使得以惑選民，則

惑之矣。慎之哉！我悉與爾先言之矣。當是時也，患難之後，日晦冥，月

無光，天星隕墜，天像震動，將見人子，以大權大榮，乘雲而來。遣使者，

集厥選民於四方，從地極至天涯。當思無花菓樹之譬，枝柔葉萌，則

知夏近矣。如是，爾見此兆，則知人子近及門矣。我誠告爾，此代未逝，

事皆得成，天地可廢，我言不可廢。○彼曰：彼時，人不知，天使不知，子

亦不知，惟父知之。○慎之哉！儆醒祈禱，以爾不知其期也。譬如一人，

去家遠遊，委權於僕，各有所司，命闇者儆醒。是宜儆醒，以不知家主，至於何時，或昏暮，或夜半，或鷄鳴，或平旦，三十六恐突如其來，遇爾寢焉，故我告爾，亦以告眾者，儆醒是也。三十七

第十四章

一節越二日，逾越節中，際除酵節，祭司諸長士子，詭謀執耶穌殺之。惟曰，

節期不可，恐民生亂。耶穌在伯大尼癩者西門家，席坐，有婦人以玉

盒盛至真至貴香膏，搗玉盒沃其首。有人憾之曰，四惡用是糜費爲此

膏鬻金三十有奇，可以濟貧矣。蓋咎之也。耶穌曰，姑聽之，何爲難之

耶。婦行之於我者善也。夫貧者常偕爾，欲善視之，隨時可得，惟我不

常偕爾。婦之所爲，乃盡其心，其預膏我躬者，備葬事耳。我誠告爾，普

天下不論何處傳此福音亦必述婦所行以爲記。十二門徒之一加
略人猶大詣祭司諸長欲賣耶穌。其人聞之喜許以金遂尋機賣耶
穌。○除酵節首日殺逾越節羔時門徒問耶穌曰欲我何處爲爾備
節筵乎。耶穌遣二門徒曰爾往入城遇挈水瓶者從之入室告其主
曰師問客舍安在。我與門徒食節筵。彼將示爾一大樓陳設具備在
彼預備可也。門徒出入城果遇如所言遂預備節筵焉。○旣暮耶穌
偕十二徒至席坐食間耶穌曰我誠告爾爾中一人與我共食將賣
我矣。門徒憂之。一一問曰是我乎是我乎。耶穌曰十二中一人與我
著手於盂者是也。人子將歸如記所載惟賣人子者有禍乎。其人不
生爲幸。○食間耶穌取餅祝而擘之予門徒曰取食之斯乃我身焉。

又取杯祝而予之眾飲耶穌曰此乃我血卽新約之血爲多人流者

也我誠告爾我不復飲葡萄之汁待他日飲新者於神國也○旣咏

詩往橄欖山耶穌謂門徒曰此夜爾眾將棄我記有之我擊牧者則

羊散矣我復生後將先爾往加利利彼得曰眾棄爾惟我不然耶穌

曰我誠告爾今夜鷄二鳴之先爾將三言不識我彼得力言曰卽與

爾偕亡我必不言不識爾眾言亦如之至一地名客西馬尼謂門徒

曰爾曹坐此待我所禱遂攜彼得雅各約翰同行驚訝哀慟曰我心

甚憂幾乎死矣爾曹居此儆醒少進伏地祈禱曰斯時可免則免之

又曰亞巴父乎無所不能請以此杯去我雖然非從我所欲乃從爾

所欲也退見門徒寢謂彼得曰西門爾寢乎不能儆醒片時乎儆醒

也。祈禱也。免入誘惑也。心願而身疲耳。三十九復進祈禱。言亦如之。反見門

徒目倦復寢。不知所對。四十一○三反。語門徒曰。今尚寢且安乎。已矣。時至

矣。人子見賣與罪人矣。四十二起而偕行。賣我者近矣。四十三○言時。十二徒之一

猶大偕眾以刃與梃。自祭司諸長士子長老之所而來。賣師者遞以

號曰。吾接吻者是也。執而慎曳之。四十四卽就耶穌曰。夫子夫子。遂與接吻。

眾舉手執之。四十五○傍立一人。拔刃擊祭司長僕。削其耳。四十六耶穌謂眾曰。爾

以刃與梃來執我。若禦寇乎。四十七我曰偕爾於殿教誨。爾不執我。然經所

載必應矣。四十八諸門徒離之而奔。四十九一少者裸而蔽以桌布。從耶穌。卒之少

者執之。五十遂棄桌布。裸而奔。五十一○眾曳耶穌至祭司長前。祭司諸長長老

士子皆集。彼得遠從耶穌。入祭司長院。與吏坐。向火。祭司諸長與全

公會求證攻耶穌欲死之而弗得五十六蓋妄證者多而所證不同有人起

而妄證曰五十八吾儕嘗聞其言云此殿乃人所作我將毀之三日又建一

殿非人所作者五十九其所證又不同祭司長起立於中間耶穌曰爾無所

答乎六十此人所證者何歟耶穌默然不答祭司長復問曰爾是可頌者

之子六十二基督否耶穌曰是也爾將見人子坐大權者之右乘雲而來矣

祭司長自裂其衣曰何用別證六十四爾已聞其僭妄矣爾意如何眾擬曰

置之死六十五或唾耶穌掩其面拳擊之曰試言擊爾者誰諸僕亦手批之

○彼得在下院祭司長一婢至見彼得向火六十六目之曰爾亦偕拿撒勒

耶穌也六十八彼得不承曰我弗知也不識爾云何遂出至院門而鷄鳴矣

婢復見之六十九語旁立者曰彼亦其黨彼得又不承七十頃之旁立者語彼得

曰爾誠其黨爾乃加利利人方言亦合彼得詛且誓曰爾所言之人
我不識也。^七鷄復鳴彼得憶耶穌言鷄二鳴之先爾將三言不識我思
之則哭矣。

第十五章

^二平旦祭司諸長長老士子舉公會共謀繫耶穌曳而解於彼拉多。彼
拉多問曰爾猶太人王乎曰爾言之矣。^三祭司諸長多端訟之。彼拉多
復問曰人證爾如此多端爾竟不答乎。耶穌不措一詞。彼拉多奇之。
○^六屆節期例釋一囚任眾所求。有一人名巴拉巴與連結作亂者共
繫此數人於作亂時曾殺人眾厲聲求依例而行。彼拉多曰爾欲我
釋猶太人王乎。蓋知祭司諸長媚疾解耶穌也。祭司諸長唆眾求釋

巴拉巴。彼拉多復語眾曰。然則爾所謂猶太人王者。欲我何以處之。

眾呼曰。釘之十字架。彼拉多曰。彼行何惡耶。眾愈呼曰。釘之十字架。

彼拉多欲快民心。於是釋巴拉巴。鞭耶穌。遣釘十字架。士卒曳耶穌。

至院內。卽公廨是也。遂會全營。以紫袍衣耶穌。編棘冕冠之。問曰。猶

太人王安。以葦擊其首。唾而屈膝拜之。戲畢。解紫袍。衣以故衣。曳出。

釘十字架。有古利奈人西門。卽亞力山大魯孚之父。由田間來過焉。

眾強之負耶穌十字架。攜耶穌至各各他。譯卽髑髏處。飲以沒藥酒。

耶穌弗受。釘十字架後。鬪而分其衣。以觀孰得。辰盡。釘之十字架。置

標於首。書訟辭於上曰。猶太王。有二盜同釘。一左一右。經所謂人視

爲罪犯中人者應矣。過者譏誚之。搖首曰。噫爾毀殿。三日建之。今宜

自救由十字架下矣。祭司諸長士子戲亦如之。相告曰。彼救他人。不

能自救耶。以色列王基督。今由十字架下。我見則信矣。同釘者亦詬

之。自日中至未終。徧地晦冥。未終。耶穌大聲呼曰。喇喇喇。嗎噉

噉。呢。譯卽我之神。我之神。何遺我耶。旁立數人聞之曰。彼呼以利

亞也。有人疾走。以鹽漬海絨束葦飲之曰。姑聽之。試觀以利亞至而

取之下否。○耶穌大聲一呼。氣遂絕。殿幔自上至下裂爲二。百夫長

立於前。見其大呼氣絕。曰。此誠神子矣。有數婦遠觀。中有抹大拉之

馬利亞。年少雅各約西之母。馬利亞與撒羅米。耶穌在加利利時。從

而供事之者。又有多婦。與耶穌共上耶路撒冷者。○是日乃備節日。

卽安息之先一日。旣暮。有約瑟來自亞利馬太。爲尊貴議士。仰慕神

國毅然入見彼拉多求耶穌屍彼拉多奇耶穌已死遂呼百夫長問
死久乎四七既得其情則以屍賜約瑟約瑟市桌布取屍下裹以桌布葬
於墓其墓乃鑿磐爲之轉石墓門抹大拉之馬利亞及約西之母馬
利亞咸見葬處

第十六章

安息日後抹大拉之馬利亞雅各母馬利亞與撒羅米市芬芳之品
欲來傳耶穌七日之首日平旦日出適墓相告曰誰爲我移墓門石
乎四蓋其石甚巨望之見石已移入墓見一少者坐於右衣白衣婦異
甚少者曰勿異爾等釘十字架拿撒勒耶穌乎彼已復生不在此矣
可觀葬處往告其門徒與彼得言耶穌先爾至加利利於彼可得見

之如其言也。婦急出，自墓而奔，戰慄警駭，以懼故不告人。○七日之
首十一日，平旦，耶穌復生，先見於抹大拉之馬利亞。曾逐七鬼離此婦矣。
耶穌之同人十二時在哀哭，婦往告焉。眾聞耶穌復生，爲婦所見，不信。厥
後十三門徒二人適村行時，耶穌改容顯現。二人往告其餘，亦不信也。卒
十一門徒坐席間，耶穌顯現，責其不信心忍，以不信見其復生者之
言也。耶穌曰：爾曹往普天下傳福音與萬民。信而受洗者得救，不信
者定罪。信者則有異蹟從之，卽托我名逐鬼，言各國方言。操蛇飲毒
無傷，按手病人得愈也。○主言竟，遂升天，坐神右。門徒往四方傳道。
主相之以異蹟徵其道。

馬可傳福音書終

路加傳福音書

羊城藏板

羊斟難逃

頤
毗
𪔐
𪔐
音
集
音

路加傳福音書

第一章

一節

蓋有多人以我中足徵之事筆之於書。二乃本傳道者自始親見而授

〇三

同人我又參互考證。五次第書之達提阿非羅閣下欲爾深知所學之

確然也。〇當猶太王希律時有亞比亞班祭司名撒加利亞其妻亞

倫之裔名以利沙伯二人在神前義者也。七遵主誡命禮儀而行無

間然矣。八但無子蓋以利沙伯不妊二人年又邁時撒加利亞依其班

列行祭司事於神前。九循祭司例掣籤得入主殿焚香焚香之際眾

民在外祈禱主之使者現立香臺右撒加利亞見之惶懼天使曰撒

加利亞勿懼爾祈禱既聞之矣爾妻以利沙伯將生子可名之曰約

翰爾將歡樂眾悅其生在主前彼爲大清酒醇醪不飲自胎而聖靈

充之令以色列人多轉而歸主卽其神焉彼將爲主前驅以以利

亞情性才能使父慈其子逆者向義爲主備作新之民撒加利亞謂

天使曰何以知其必然我已老妻年邁矣天使曰我乃加伯列立

神前奉使詔爾報茲嘉音爾必瘖不能語至事成之日以爾不信我

言時至必應民候撒加利亞奇其久於殿內及出不能言知殿內必

有所見蓋以首示意而竟瘖矣職事日滿而歸後其妻以利沙伯姪

靜處五月云主眷顧我視我若此俾得洒恥於人間○至六月天使

加伯列奉神命往加利利拿撒勒邑臨處女馬利亞大闢族約瑟

所聘者天使入告曰受恩之女安主祐爾諸女中惟爾見寵馬利亞

見之訝其言思問安曷故天使曰馬利亞勿懼爾得神恩將姓而

生子命名耶穌彼將爲大稱至上者之子主神子以厥祖大闢之

位永爲雅各一家主其國靡暨對曰我未適人何由得此天使曰聖

靈將臨爾至上者之力將庇爾是以所生之聖者得稱神子且爾

親戚以利沙伯老而姪子素稱不姪者今已六月矣蓋神無所不

能也馬利亞曰主之婢在此願如子言天使去○馬利亞速起適於

山至猶太一邑入撒加利亞室問安以利沙伯一聞馬利

亞問安胎孕踴躍以利沙伯感於聖靈大聲呼曰諸女中爾見寵矣

爾所姪見寵矣主之母臨余何由而得此蓋爾問安之聲一入我耳

而胎孕喜躍爾信主言必應則有福矣○馬利亞曰我心惟主爲大

我靈悅救我之

神其顧婢之卑微，今而後萬世謂余有福，以其有

能爲我大建異跡，厥名惟聖畏之者矜恤之，至世世其施厥臂力於

心志驕者滅之，有權者黜其位，卑者舉而上，饑者飽以珍羞，富者使

之徒反以色列其臣也，而扶持之如昔，諭我祖，永念矜恤亞伯拉罕、

爰及苗裔是也。馬利亞同居三月而歸。○以利沙伯孕及期生子，隣

里親戚聞主大矜恤之，皆樂越八日，眾至爲子行割禮，欲以其父之

名撒加利亞名之。其母曰：不可，必名曰約翰。眾曰：親戚中無名此名

者，遂以首示意，問其父欲何名。父請簡書曰：約翰。眾奇之，卽口啓舌

解，發言頌讚。神隣里皆驚，此事播揚遍猶太之山，聞者心藏之云。

不知此子將若何，主左右之矣。其父撒加利亞感於聖靈，預言云可

頌哉主以色列之神也、眷顧其民而贖之、爲我挺拯救之角、於其

臣大闢家如主托古聖先知所言救我脫於敵人、惡我者之手、矜恤

我祖、念其聖命卽與我祖亞伯拉罕所矢之誓、謂將拯我於敵手、畢

生在主前、以虔以義、無懼而事之、此子將稱至上者之先知、爲主前

驅、以備其道、元民知拯救、卽在赦罪也、賴吾神、以矜恤之心、使旭

日自上臨我、居幽暗陰翳者光照之、導我履平康之道矣、嬰兒漸長、

精神强健、居野、至顯於以色列民之日。

第二章

當時該撒亞古士督、詔天下人登籍、居里扭爲敘利亞方伯、此籍始

行焉、眾往登籍、各歸其邑、約瑟乃大闢族系、以故去加利利拿撒勒

邑詣猶太至大關之邑名伯利恒五與所聘妻登籍時馬利亞已六妊寓

彼孕既及期遂生七豕子裹以布寢於槽槽或作廐客舍無隙處故也○野八

有牧者於夜迭守羣羊主之使者降臨主之光華環照牧者大懼使九

者曰勿懼我報爾嘉音關眾民之大喜者也今日於大關之邑為爾十

生救主基督將見嬰兒裹以布寢於槽是其號矣十一條有眾天軍偕使十二

者讚美神云上則榮歸神下則和平人沐恩澤矣諸使者升天十三

而去牧人相告曰我儕且往伯利恒觀主示我之事急往見馬利亞十四

約瑟槽中果有嬰寢焉既見則以天使所示嬰兒事遐邇播揚聞者十五

奇之馬利亞以此言默識於心牧者以所見所聞悉如天使言歸榮十六

讚美神而反○八日既屆為嬰行割禮命名耶穌即未妊時天使十七

讚美

神而反

○八日既屆為嬰行割禮命名耶穌即未妊時天使十八

所稱者○潔日既滿、依摩西例、抱嬰上耶路撒冷、獻之於主、如主例

載云、凡初胎男子、稱爲聖物、以獻主、兼以雙鳩、或二雛鴿、獻祭、悉如

主例○耶路撒冷有名西面者、其人義且敬、素仰慕夫慰藉以色列

民者、聖靈臨之、得聖靈默示、言未及死、必見主之基督、是時感於聖

靈、進殿、適耶穌父母抱嬰入、欲循例而行、西面接嬰、頌讚神曰、今

如主所言、可釋僕安然以逝、以我目擊救主、爾特簡於眾民前、光照

異邦、爲爾以色列民之榮約瑟及耶穌母奇其言、西面祝之、謂馬利

亞曰、此子將立、關以色列人興衰、爲受刺之鵠、使眾念流露、劍刺爾

心而貫之○有婦亞拿、亞設支派、法內力女、先知者也、年逾期頤、及

筭時、偕夫七載、爲嫠八十四年、身不離殿、禁食祈禱、日夜崇事、當時

趨前讚主、與耶路撒冷、望贖諸人、論說此子耶穌、父母遵主例既竟、

歸加利利拿撒勒、故鄉嬰兒漸長、精神强健、智慧充實、神恩眷之、

○每歲逾越節、其親詣耶路撒冷、時耶穌年十有二、遵節期例、咸上

耶路撒冷、卒期而返、耶穌猶在耶路撒冷、其母與約瑟不知也、意必

在同行中、及行一日之程、乃於親知間訪焉、不遇、則反耶路撒冷、尋

之三日後、遇於殿、坐先生中、且聽且問焉、聞者奇其穎悟、善應對、二

親見而異之、其母曰、兒何使我若此乎、爾父與我痛心尋爾、耶穌曰、

奚尋我爲、豈不知我當在父所乎、二親未達耶穌與歸拿撒勒、承順

父母、其母以此藏諸心、耶穌智齡日增、神與人益愛之、

第三章

該撒提庇留在位之十五年，本丟彼拉多爲猶太方伯，希律爲分封之君，國於加利利，其兄弟腓立爲分封之君，國於以士利亞及特拉可尼地，呂撒聶爲分封之君，國於亞比利尼亞。那該亞法爲祭司長時，撒加利亞子約翰居於野。神之命降之，乃來約但四方傳悔改之洗禮，俾得罪赦。如書載先知以賽亞言云：野有聲呼云：備王道，直其徑，諸谷填之，岡陵卑之，屈曲使直，崎嶇使平。凡有血氣者，得見

神救主。眾出受洗。約翰曰：蝮類乎？誰示爾避後日之刑乎？故當結菓以彰悔改，勿自以爲亞伯拉罕我祖也。吾語汝：神能起此石爲亞

伯拉罕子孫焉。今斧置樹根，凡樹不結善菓者，則斫之，委火。眾問曰：

我當何爲？曰：有二衣，則分彼無衣者；有食亦然。稅吏至，欲受洗，問曰：

先生我當何爲曰定賦之外勿取軍士問曰我當何爲曰勿強索人

勿誣詐人以所得之糧足矣○民望基督疑約翰卽是否約翰謂眾

曰我以水施洗爾惟有勝我者來解其履帶我亦不堪彼將以聖靈

及火施洗爾其手執箕將盡簸厥禾場斂穀入倉而燒糠以不滅之

火約翰多方勸慰報嘉音於民分封之君希律以兄弟腓立妻希羅

底事及所爲不道故見謫於約翰轉增其暴囚約翰於獄○當眾民

受洗畢耶穌亦受洗祈禱時天開聖靈降臨其上狀如鴿自天有聲

云爾乃我愛子我所喜悅者耶穌年甫三十人以爲約瑟子其上爲

希里其上爲馬塔其上爲利未其上爲麥基其上爲雅拿其上爲約

瑟其上爲馬大提亞其上爲亞麼士其上爲拿翁其上爲以士里其

上爲拿該○二十六其上爲馬押○二十七其上爲馬大提亞其上爲西美其上爲約瑟

其上爲猶大○二十八其上爲約亞拿其上爲利撒其上爲所羅把伯其上爲

撒拉鐵○二十九其上爲尼利○三十其上爲麥基其上爲亞底其上爲哥桑其上爲

以摩堂○三十一其上爲耳○三十二其上爲約細其上爲以列撒其上爲約令其上爲

馬塔○三十三其上爲利未○三十四其上爲西面其上爲猶大其上爲約瑟其上爲約

南○三十五其上爲以利亞金○三十六其上爲米利亞其上爲買南其上爲馬達他其

上爲拿坍○三十七其上爲大關○三十八其上爲耶西其上爲阿伯其上爲波士其上

爲撒們○三十九其上爲拿順○四十其上爲亞米拿達其上爲亞蘭其上爲以士崙

其上爲法勒士○四十一其上爲猶大○四十二其上爲雅各其上爲以撒其上爲亞伯

拉罕○四十三其上爲他拉○四十四其上爲拿鶴○四十五其上爲撒鹿其上爲拉苟其上爲法

勒其上爲希伯、其上爲撒拉、其上爲該南、其上爲亞法撒、其上爲閃、

其上爲挪亞、其上爲拉麥、其上爲馬士撒拉、其上爲以諾、其上爲雅

列、其上爲馬勒列、其上爲該南、其上爲以哪士、其上爲設、其上爲亞

當、其上爲神。

第四章

耶蘇一節感於聖靈、歸自約但、聖靈導之適野、見試於魔鬼、四旬不食、後

飢魔鬼曰、爾若三神子、此石可令爲餅、耶蘇曰、記有之、人得生、不惟

餅、惟五神所命、魔鬼導之、登高山、瞬息間、以天下列國示之、曰、我將

以諸權及榮予爾、蓋此已委我、惟所欲與爾、若拜我、悉以與爾、耶蘇

曰、撒但撒但魔退、記有之、當拜主爾之神、獨崇事焉、又引至耶路

撒冷升之殿頂曰爾若神子可投下記有之主必命使者護爾扶

爾免足觸石耶穌曰記有之勿試主爾之神魔鬼計窮乃暫離之

○耶穌大爲聖靈所感歸加利利聲名洋溢四方在會堂教誨眾歸

榮之往長育之拿撒勒於安息日循例入會堂立而誦讀有以先知

以賽亞書與之開卷見所載云王之靈臨我膏我俾傳福音於貧人

傷心者醫之告虜者得釋瞽者得明瘡痍者得自由以宣主之禧年

耶穌掩卷授執事而坐會堂眾人注目視之耶穌曰爾聞是經今日

應矣眾稱之奇其日出嘉言曰此非約瑟子乎耶穌曰爾必引諺詰

我云醫當自醫問爾行之於迦百農者亦當行之於故土○我誠告

爾未有先知而見重於故土者我眞實告爾昔以利亞時天閉塞三

年有半、徧地大饑、以色列民間多餒、以利亞奉使、未嘗往見一人、惟

就西頓撒勒大、一^{〇三七}餒先知以利沙時、以色列民多癩、^{〇三八}癩卽麻、無一得

潔、惟敘利亞人乃慢得潔焉、會堂眾人聞之、怒甚、羣起逐之、邑外、其

邑建於山、曳至^{〇三九}涯、欲推之下、耶穌徑行眾中而去、至加利利迦百農

於安息日、教誨眾、異其訓、以道勝也、會堂有人、爲邪鬼之靈所祟、大

呼曰、唉、拿撒勒耶穌、我與爾何與、爾來敗我乎、我識爾、乃^{〇四〇}神之聖

者、耶穌斥之曰、緘口、出、鬼仆之眾中而出、其人無傷也、眾異之、相告

曰、是何道耶、蓋以權能命邪鬼、而鬼出矣、於是聲名洋溢四方、○耶

穌出會堂、入西門家、西門妻之母、患瘧甚篤、人求耶穌、耶穌近立、斥

瘧、瘧退、婦起、供事之日、入、人携諸患病者至、耶穌一一按手醫焉、有

鬼自多人出，呼曰：爾乃神子基督。耶穌以其識已爲基督，戒之勿言。平旦，耶穌出野，眾尋就之，不欲其去。援而止焉。耶穌曰：我當傳神國福音於他邑。我奉使蓋爲是也。於是傳道於加利利會堂。四十二

第五章

一節 眾擠擁欲聽。神道，耶穌立於革尼撒勒湖濱，見二舟在湖濱，漁人

離舟洗網。一舟屬西門，耶穌登之，命移舟離岸少許，遂坐舟中教眾。二

言竟，語西門曰：移至深處，下網以漁。西門對曰：夫子，我儕終夜勞苦，三

竟無所得。今以爾言，我則下網。下則圍魚甚眾，網幾裂。招他舟之侶。四

來助。魚物二舟將及沉矣。西門彼得見此，俯伏耶穌足下，曰：主，宜舍。五

我，我乃罪人。西門與同人莫不驚駭，以取魚多也。西門之友西比太。六

子雅各約翰亦然。耶穌謂西門曰：勿懼。今而後爾將得人矣。西門與

同人皆曳舟上岸，舍諸物從耶穌。○耶穌在一邑，有人身盡癩，見耶

穌俯伏求曰：主肯必能潔我。耶穌按之曰：我肯。爾潔癩，卽除耶穌戒

勿告人。但往示祭司，依摩西命獻禮，以爾得潔爲眾證。其聲聞益彰，

眾集聽，冀其醫疾。耶穌退，適野祈禱。○一日教誨，有法利賽人教法

師，自加利利諸鄉，猶太耶路撒冷來而坐。主顯其能，以醫病者有以

牀舁癱瘋者，欲尋間而入，置耶穌前人。眾不得近，乃升屋，由瓦間以

牀縋而下，在耶穌前。耶穌見其信已，謂癱瘋者曰：爾罪赦矣。士子法

利賽人竊議曰：此僭妄者誰？神而外孰能赦罪乎？耶穌知其意曰：

爾曹何爲心中竊議乎？言罪見赦，與言起而行孰易？但令爾知人子

在地有權以赦罪耳。遂語癱瘋者曰：我命爾起，取牀以歸。其人卽起。

當眾前，取卧具而反，歸榮。神眾奇之，亦歸榮。神且驚駭曰：今日

見意外之事矣。○厥後，耶穌出，見稅吏名利未，坐於稅關，謂之曰：從

我，遂舍一切，起而從之。利未宴耶穌，設盛饌於家，諸稅吏及外人與

焉。士子法利賽人，譏門徒曰：何爲與稅吏罪人飲食乎？耶穌聞之曰：

康强者不需醫，負病者需之。我來，非招義人，乃招罪人悔改耳。眾曰：

約翰之徒，屢禁食祈禱，法利賽徒亦然。惟爾門徒飲食，何歟？耶穌曰：

新娶者在，安能使賀娶之人禁食乎？惟將來新娶者別之去，時乃禁

食耳。於是設譬，謂眾曰：未有補舊衣，而用新布者，恐新裂其舊，而所

補之新者，與舊不合。未有盛新酒，而用舊革囊者，恐新酒裂其囊，酒

漏而囊亦敗惟新酒盛以新囊斯兩者存矣未有飲舊酒而新是圖者亦曰舊者善耳。

第六章

一節

踰越節之二日首安息耶穌徑行出開門徒摘穗搏而食之法利賽

二

人語之曰安息日所不宜行者爾何行之耶穌曰爾未知大闢及從

三

人饑時所行乎入神宮取陳設之餅而食且予從者但此餅惟祭

四

司可食耳又曰人子亦安息日主也○又一安息日耶穌入會堂教

五

六

誨有右手枯者士子法利賽人窺耶穌於安息日醫否欲得問罪之

七

九

耶穌知其意命手枯者曰起立於中遂起而立耶穌謂眾曰我以一

八

十

言問爾安息日行善行惡救生殺生孰宜乎遂環視眾謂其人曰仲

手伸卽愈。如他手眾暴怒，共議何以處耶穌。○十一當時耶穌往山，竟夜

祈禱。○十二神平旦呼門徒選十二人，謂之使徒。有若西門稱彼得及兄

弟安得烈、雅各、約翰、腓力、巴多羅買、馬太多、馬亞勒腓子雅各、西門

稱銳雅各兄弟猶大、加畧人猶大，卽賣師者耶穌偕使徒下山，立於

平地。諸門徒及眾人自猶太四方，耶路撒冷、推羅、西頓沿海來聽，冀

得醫疾。亦有爲邪鬼所難者，咸得醫焉。耶穌顯能以醫人，故眾欲捫

之。○十三耶穌舉目視門徒曰：「貧者福矣，以神國乃爾所有也。」○十四饑者福

矣，以爾將飽也。哭者福矣，以爾將笑也。爲人子而人憎爾、絕爾、詬爾，

惡爾名，如惡惡臭，卽福矣。當日欣喜踊躍，以在天爾得賞者大也。其

祖視先知亦如是。富者禍矣，以爾曾得安樂也。飽者禍矣，以爾將饑

新約全書 卷三 路加傳福音書第六章 十

也笑者禍矣以爾將哀哭也爲眾所譽者禍矣其祖視僞先知亦如

是吾語汝敵爾者愛之憾爾者善視之詛爾者祝之陷害爾者代之

祈禱擊爾頰則轉頰以與之奪爾外服勿禁裏衣也求爾者與之取

爾物者勿復索之爾欲人施諸己者亦如是施諸人爾而愛愛爾者

何惠之有蓋罪人亦愛愛己者爾而善視夫善視爾者何惠之有蓋

罪人亦如是借人而望償何惠之有蓋罪人借罪人亦欲其償如數

也敵爾者愛之善視之借不望償則爾賞大矣爾將爲至上者之子

蓋彼仁及辜恩不善之人故當憐憫如爾天父焉勿議人則不議爾

勿罪人則不罪爾恕人則恕爾予人則予爾將以大量搖撼使實充

滿溢外納爾懷中蓋爾量度若何則見度亦如是○又取譬曰譬何

能相瞽，不相與陷于溝壑乎？徒不踰師，德備者如師。兄弟目中有草

芥，爾見之，而已目中有梁木，不自覺，何歟？則何以語兄弟？云：兄弟乎，

爾目草芥，容我爲爾去之，而不覺已目中有梁木乎？僞善者乎？先去

爾目之梁木，方可明見，以去兄弟目中之草芥也。善樹不結惡菓，惡樹

不結善菓。凡樹以其菓識之，荆棘中不摘無花果，蒺藜中不採葡萄。

善人^{四十五}心積善，而著其善；惡人心積惡，而著其惡。蓋有諸心者，言諸口

也。○爾何稱我主也？主也，而不行我言乎？我示爾，凡就我，聞我言，而

行之者，將何以比之？譬諸建屋，掘而深之，置基磐上，洪水泛濫，橫流

衝屋，不能震動，以基磐上也。惟聞而不行者，譬諸無基而建屋土上，

橫流衝之，遂以傾圯，而屋之頽壞者大也。

第七章

一節

耶穌教民言竟入迦百農有百夫長愛僕病將死風聞耶穌遣猶太

二

三

長老數人求之來醫僕長老就耶穌切求曰以此事施此人宜也以

四

五

其愛我民爲之建會堂耶穌偕往離屋不遠百夫長使其友就之曰

六

主勿勞臨我舍我不敢當亦不堪就爾第發一言僕必愈蓋我權屬

七

八

人兵權屬我命去卽去命來卽來命僕行是卽行是耶穌聞而奇之

九

顧從者曰吾語汝以色列民中未見如是之篤信也使者歸見負病

十

之僕已康強矣○翼日耶穌適一邑名拿因諸門徒及眾同行近邑

十一

十二

門有舁死者出其母獨生此子而嫠邑民送者甚眾子見憫之曰勿

十三

哭遂近按其櫬舁者止耶穌曰少者我命爾起死者起坐且言耶穌

十四

十五

以此子與其母眾駭歸榮○十六 神曰大先知興於我中○十九 神眷顧其民

矣○十七於是聲名洋溢猶太四方○十八 ○約翰門徒悉以斯事告師約翰遂招

門徒二人使見耶穌曰當來者爾乎抑他人是望乎○二十二人就耶穌曰

施洗約翰遣我見爾云當來者爾乎抑他人是望乎○二十一時耶穌醫諸疾

病及患惡鬼者賜瞽者明遂答曰以爾所見所聞往告約翰如瞽者○二十二

明跛者行癩者潔聾者聰死者甦貧者聞福音凡不我厭而棄者福○二十三

矣○二十四約翰之使者反耶穌舉約翰謂眾曰爾素出野欲何觀耶○二十五葦動於

風乎爾出欲何觀耶人衣美服乎夫文繡宴安者在王所也然則爾○二十六

出欲何觀耶先知者乎誠然吾語汝○二十七是卓越於先知者記有之我遣

我使在爾前備爾道者○二十八卽斯人也吾語汝婦之所生未有先知大於

施洗約翰者然

神國之至微

尤大於斯人也

庶民與稅吏素受洗

於約翰聞此言而稱

神之義

惟法利賽人與教法師不受其洗自

暴而拒

神之旨

王曰斯世之人將何以比之又以何譬譬之耶比

之童子坐於市井相呼曰我吹籥爾不踊我悲歌爾不哭施洗約翰

至不食餅不飲酒爾則以爲鬼憑之人子至式飲式食爾又言其嗜

食甘酒稅吏罪人之友惟智者爲能明智者之義也

○有法利賽人

西門宴耶穌入其家席坐邑中一婦素有惡行知耶穌席坐法利賽

人家取玉盒盛香膏

立耶穌後而哭淚濡其足以髮拭之吻接其足

以香膏膏之宴耶穌之法利賽人見此意謂是人若先知必知捫之

者爲何如婦蓋惡行者也

○耶穌曰西門我有一言告爾曰先生請

言之日、債主某、有二負債者、一負五十金、一負五金、無可償、悉免之、

試言二者愛債主孰甚、西門對曰、我意免多者、曰、爾所見是也、遂顧

婦、語西門曰、爾見此婦乎、我入爾家、爾未嘗以水濯我足、惟婦淚濡

我足、以髮拭之、爾未嘗接吻我、惟婦自我入時、吻我足、不已、爾未嘗

以膏膏我首、惟婦以香膏膏我足、吾語汝、婦多罪而赦之、則其愛亦

多、赦之少者、其愛亦少、於是語婦曰、爾罪赦矣、同席者私謂曰、此何

人而赦罪乎、耶穌謂婦曰、爾信救爾、安然以歸。

第八章

厥後、耶穌周遊鄉邑、傳神國福音、十二門徒偕之、有素患惡鬼、負

病已痊之數婦、卽抹大拉之馬利亞、曾由此婦逐七鬼矣、又有希律

家宰苦撒妻約亞拿，又有蘇撒拿與多婦，皆以所有供事耶穌。○眾

由諸邑集就耶穌，耶穌設譬曰：有播種者，出而播種，播時有遺道傍

者，爲人所踐，飛鳥盡食之；有遺磽地者，生卽槁，以無潤澤；有遺棘中

者，棘同生而蔽之；有遺沃壤者，生而結實百倍。言竟呼曰：宜傾耳以

聽。門徒問曰：此譬何歟？曰：神國之奧，與爾知之，惟於他人，則設譬

致其視而不明，聽而不悟。此譬非他種者，神道也。遺道傍者，猶人

聽道，魔鬼卽至，由其心奪之，恐信而得救，遺磽地者，猶人聽而喜受

其道，惟無根，則暫信耳。遇患難，遂背之。遺棘中者，猶人聽道而往，爲

此生之憧擾，貨財宴樂所蔽而不實。遺沃壤者，猶人以善良之心聽

道，守以恆忍而結實矣。且人燃燈，不以器藏之，牀下置之，乃置臺上，

欲入者觀其光也未有微而不彰未有藏而不著見明顯者也是故

聽道宜慎蓋有者將與之無者卽其所自以爲有將奪之○耶穌之

母及兄弟至人眾不得近或告曰爾母及兄弟立於外欲見爾耶穌

謂眾曰吾母及兄弟乃聽神道而行之者也○一日耶穌偕門徒

登舟曰我儕且渡湖舟遂行行時耶穌寢湖中颶風驟下舟中水滿

危甚門徒醒之曰夫子夫子我儕亡矣耶穌起斥風浪卽止而平息

矣謂門徒曰爾之信我安在眾訝相告曰是何人也命風與水亦順

之○舟行至加大拉地與加利利相對耶穌登岸有人出城遇之乃

久爲諸鬼所憑不衣衣不處室而居塚者見耶穌俯伏大呼曰至高

神子耶穌我與爾何與求爾莫苦我蓋耶穌曾命邪鬼出是人此

鬼強取之已久，雖繫以鐵索，械以桎梏，卽斷械繫之具，爲鬼逐諸野。

耶穌問曰：爾何名？曰：營。以鬼入之者多也。遂求耶穌，勿令入暗府其

地。有羣豕食於山，鬼求耶穌許入豕，許之。鬼離人入豕，其羣突落山

坡，溺於湖。牧者見之，奔告邑村。眾出欲觀所爲，就耶穌，見先患鬼之

人，衣衣自若，依耶穌足下。眾懼見者，以患鬼如何得救告之。加大拉

四方之眾，求耶穌離之。大驚故也。耶穌登舟而反，先患鬼之人求偕

耶穌。耶穌使之去，曰：可歸。以神爲爾所爲者告人，其人遂往，遍邑

言耶穌爲己所爲之事。眾佇望耶穌於其反而接之。有宰會堂

者名睚魯，來俯伏耶穌足下，求至其家。蓋有獨生之女，甫十二歲，將

死。耶穌行時，眾擠擁之，有婦血漏十二年，爲醫盡耗全業，無能醫之。

者就耶穌後，捫其裾，血漏卽止。耶穌曰：「捫我者誰？」眾不承。彼得與同

人曰：「夫子，眾擠擁迫近，乃問誰捫我乎？」耶穌曰：「有捫我者，我覺身有

異能顯出。」婦知不能隱，戰慄而至，俯伏耶穌，當眾前，告以捫之之故。

與如何立愈。耶穌曰：「女，心安，爾信愈爾。」安然以歸。言時，有自宰會堂

者之家來，曰：「爾女亡矣，勿勞師焉。」耶穌聞之，曰：「勿懼，惟信，則女得救。」

入室，於彼得、雅各、約翰及女之父母而外，不許他人入。眾哭而哀。耶

穌曰：「勿哭，女非死，寢耳。」眾知其已死，哂之。耶穌遣眾出，執女手，呼曰：

「女子，起，其靈復。」卽起。耶穌命予之食。父母驚駭。耶穌命勿以所行告

人。

第九章

耶穌召十二門徒、賜權以制鬼、醫病遣之傳一節 神國之道、醫有病者。二

曰、勿携資斧、勿杖、勿袋、勿糧、勿金、勿二衣入人室、居於斯、去亦於斯。三

有不接爾者、去邑時、拂去足塵、以爲眾証、門徒出、遍行於鄉、在在傳四

福音施醫。○分封之君希律、聞耶穌所行、則躊躇焉、以有言約翰復五

生、有言以利亞現、有言古先知一人復生者、希律曰、約翰我已斬之六

矣、今又聞此、果何人歟、遂欲見之。○使徒歸、以所行復耶穌、耶穌率七

之潛退、適伯賽大野、眾知而隨之、耶穌接眾、與言 神國、凡需醫者八

醫之日甫昃、十二門徒就曰、我儕在此曠野、請散眾、周往鄉村、投宿九

覓食、耶穌曰、爾予之食可也、曰、我儕惟有五餅二魚、不往市食、何以十

與眾、蓋其人約有五千云、耶穌謂門徒曰、使眾列坐、每列五十門徒十一

與眾、蓋其人約有五千云、耶穌謂門徒曰、使眾列坐、每列五十門徒十二

如其言使眾坐耶穌取五餅二魚仰天祝而擘之予門徒使陳於眾

皆食而飽拾其餘屑十二筐耶穌燕居祈禱門徒偕之耶穌問曰眾

言我為誰對曰有言施洗約翰有言以利亞有言古先知一人復生

耶穌曰爾曹言我為誰彼得對曰神之基督耶穌戒勿告人又曰

人子必備受害為長老祭司諸長士子所棄且見殺三日復生○亦

謂眾曰欲為吾徒則當克己日負十字架以從凡欲救其生命

當作靈魂者反喪之為我而喪生命者必救之利盡天下而自喪亡者何

益之有凡恥我及我道者人子以己與父及聖使之榮臨時亦必恥

其人我誠告爾立於此者有人未死之先克見神國○厥後約八

日耶穌携彼得約翰雅各登山祈禱祈禱時容貌異常其衣皎白燁

燁有摩西以利亞二人與語榮光顯現言耶穌將逝於耶路撒冷彼

得與同人倦而寢及悟見耶穌榮光有二人同立相離時彼得謂耶

穌曰夫子我儕在此善矣容我建三廬一爲爾一爲摩西一爲以利

亞而不自知所謂也言時雲蓋之身在雲間則懼有聲自雲出曰此

我愛子爾宜聽之聲寂見耶穌獨在門徒緘默是時不以所見告人

○翌日下山眾迎之中一人呼曰先生求爾顧我子是子乃獨生者

爲鬼所祟忽而呼拘攣流涎加害去之實難曾求爾門徒逐之不能

也耶穌曰噫不信悖逆之世我偕爾忍爾當幾何時且攜若子來此

來時鬼傾跌拘攣之耶穌斥邪鬼醫此子以與其父眾異神之大

能奇耶穌所行耶穌謂門徒曰人子將賣與人當以此言藏諸耳門

徒未達、蓋此語隱微、故不悟、而不敢問。○四六○門徒私議孰爲大、耶穌知

其意、取孩提、置於側。○四六語門徒曰、凡以我名、接斯孩提、卽接我、接我、卽

接遣我者、夫爾中最微者、將爲大也。○四九○約翰曰、夫子、我儕見一人、以

爾名逐鬼、禁之、爲其不從我也。○五十一耶穌曰、勿禁之、凡不攻我者、則向我。

○耶穌昇天之日將至、則定向耶路撒冷而行。○五十二遣使前往、至撒馬利

亞一鄉、以備舍館。○五十二鄉人不納、以其向耶路撒冷行也。○五十四門徒雅各、約翰

見此、曰、王欲我招火、由天降而滅之、如昔以利亞所行乎。○五十五耶穌顧而

責之、曰、爾誠何心、不自知耶人子至、非滅人命、乃救之也、遂往他鄉。○五十七

○行時、或曰、王、不論何之、我欲從爾。○五十八耶穌曰、狐狸有穴、飛鳥有巢、惟

人之子、無枕首之所也。○五十九又語一人曰、從我、曰、王、容我歸葬父。○六十一耶穌曰、

任夫死人葬其死人爾往傳六十二神國之道六十一又一人曰王我從爾但容

我先別家人耶蘇曰手執耒耜而顧後者不克當於神國也

第十章

二節

厥後王又立七十人耦而遣之先於其所欲往諸邑二諸地曰穡多工

少宜求穡王遣工力穡也往哉我遣爾三似羔人狼羣勿攜囊勿袋勿

履途中勿與人施禮五入人家則曰斯家福兮六倘居人宜福則爾所禱

之福臨之不然則歸爾矣居其家所供者飲食之七蓋工得其值宜也

勿由此室移彼室入邑而人接爾則食其所陳者邑有病者醫之九且

告眾曰神國近爾矣入邑而人不接爾則出於衢曰爾邑之塵沾十一

於我者對爾拂之雖然神國近爾亦爾所當知也十二吾語汝當日所

多馬之刑較此邑尤易受也哥拉汎其有禍乎伯賽大其有禍乎蓋

在爾中所施異能若施於推羅西頓則早衣麻蒙灰坐而悔改矣然

審判日推羅西頓之刑較爾尤易受也迦百農乎爾曾得升至天又

將推落暗府又曰聽爾者卽聽我拒爾者卽拒我拒我者卽拒遣我

者也七十人喜而反曰王以爾名鬼亦服我耶穌曰我見撒但自天

而隕如電然我賜爾以能可踐蛇蠍制敵諸權必無害爾者矣然勿

以鬼服爾爲喜乃以爾名錄於天爲喜也當時耶穌心喜曰父乎天

地主也我讚爾以此道隱於智者才者而顯之於赤子誠哉父之善

意固如是也萬物由父賜我父之外無識子子及子所樂示者之外

亦無識父也耶穌顧門徒竊謂之曰見爾所見者其目福矣吾語汝

昔諸先知及后王欲見爾所見而不得見欲聞爾所聞而不得聞○

有教法師起而試之曰先生我當何爲可得永生曰律法所載如何

爾所讀如何對曰當盡心盡性盡力盡意愛主爾之神亦愛隣如

己曰爾之言然行此則生彼欲自稱爲義謂耶穌曰誰爲我鄰耶穌

曰有人自耶路撒冷下耶利哥遇盜剝且傷瀕死委之而去適有祭

司由是路至見而竟過之利未人至彼處前而觀之亦竟過焉撒馬

利亞人行至其地視之而憫近前以油以酒斟傷處裹之以己所乘

之畜乘之引至旅邸而顧焉明日將行取金二錢與館人曰且顧此

人費若加多我反償爾三人中爾意孰爲遇盜者鄰耶曰矜恤之者

是也耶穌曰爾往效此而行○眾行時耶穌人一鄉有婦名馬大迎

○三十九
之於家其姊妹馬利亞坐耶穌足下聽道馬大供事多心紛就而言
○四十一
曰我姊妹遣我一人供事主不爲意乎宜命彼助我耶穌曰馬大乎
○四十二
馬大乎爾思慮憧擾爲多事故然所需者一而已馬利亞旣擇善業
○四十三
則不可奪之矣

第十一章

一節

耶穌在某處祈禱畢有門徒曰主教我儕祈禱猶約翰之教門徒焉

耶穌曰爾祈禱時宜曰我父在天願爾名聖爾國臨格爾旨得成在

地若天所需之糧日日賜我我免人負求免我罪俾勿我試拯我出

惡又告之曰爾中有友夜半至曰願吾友以三餅借我蓋有友自道

中來無以供之彼在內應曰勿聒我門已閉兒曹與我在牀不能起

以予爾吾語汝縱不以友故起而予之然以其迫切必起予之以應
所需吾又語汝求則得之尋則遇之叩門則啓之凡求者得也尋者
遇也叩門者啓也爾中爲父者孰有子求餅而與之石求魚而代以
蛇求卵而與之蠍乎爾曹惡人尙知以善物與子何況天父不更以
聖靈與求之者乎○耶穌逐瘡鬼鬼出瘡者言眾奇之有數人曰彼
藉鬼王別西卜以逐鬼耳更有求自天之異跡以試之者耶穌知其
意曰國自相分爭必墟家自相分爭必傾若撒但自相分爭其國何
以立哉爾言我藉別西卜以逐鬼使我藉別西卜逐鬼則爾子弟逐
鬼藉誰乎彼將議爾矣若我藉神之手逐鬼則神國臨爾矣夫
勇士擐甲胄而守宮則所有者安固惟更勇者至而勝之則奪其所

恃之甲冑、而分其贓、不與我偕者、則攻我、不與我歛者、則散也。邪鬼

離人、遊行旱地、求安不得、曰、我將歸所出之室至、則見掃除修飾矣。

遂往、又携七鬼惡於己者、人而居之、其人之後患、較先時尤劇。○言

時、眾中一婦、揚聲曰、胎妊爾、乳哺爾者、福矣。耶穌曰、未若聽神道、

而守之者、爲有福。眾集、耶穌曰、此乃惡世、而求異跡、惟先知約拿而

外、無異跡、可示蓋約拿身爲異跡、以示尼尼微人、如是、人子亦將身

爲異跡、以示此世南方女王、當審判時、將起而罪此世之人、以女王

猶且來自地極、聽所羅門哲言、况大於所羅門者在此乎。尼尼微人、

當審判時、將起而罪此世之人、以尼尼微人、猶聽約拿言而悔改、况

大於約拿者在此乎。○且人燃燈、不置隱僻、不置斗下、乃置臺上、欲

人者觀其光也。夫燭照於身者，目也；目瞭，則全身光；目眊，則全身暗。

慎之哉！爾光勿暗，倘全身有光，無一毫之暗，則其光全，似燈之光，焰

照爾矣。○言時有法利賽人宴耶穌，耶穌入坐法利賽人見其不洗

而食，異之。主曰：爾法利賽人，惟杯盤之外是潔，而盛諸杯盤者，莫非

劫奪非義之類，無知者乎？造其外者，不亦造其內耶？苟由中，由中或曰以己

所以施濟，則無不潔矣。法利賽人，其有禍乎？蓋爾於薄荷芸香諸菜，

十輸其一，而義與愛神，則廢之。然爾所當行者，此也。彼第不可遺

耳。法利賽人，其有禍乎？蓋爾喜會堂高坐，市上問安，僞善之士子，法

利賽人，其有禍乎？蓋爾似隱沒之墓，履其上者，不知也。有教法師謂

耶穌曰：先生，此言亦辱我矣。曰：教法師，其有禍乎？蓋爾以難負之任，

使人荷之、而已則一指不按爾有禍乎、蓋先知之墓、爾建之而爾祖

殺之如是、足徵爾喜祖所爲、蓋祖殺先知、爾則建其墓矣、四九神之睿

智言曰、我遣先知使徒就彼、見殺有之、窘逐有之、使創世以來、流先

知血之罪、將於此代而討焉、卽自亞伯之血、至撒加利亞、亡於壇殿

間之血、我誠告爾、其罪必於此代討焉、教法師其有禍乎、蓋爾奪知

識之鑰、自不進、而反阻欲進者言時、士子法利賽人深疾之、多端攻

詰設伏以伺、欲因其口說、陷而罪之。

第十二章

二節時眾和會數萬、互相蹂踐、耶穌謂門徒曰、當謹防法利賽人之酵、卽

偽善也、未有藏而不露、隱而不見者、是故於幽暗言者、必聞於光明、

密室附耳語者，必宣於屋上。吾友乎，吾語汝，殺爾身，後別無所爲者。

勿懼。我示爾所當懼者，卽殺後，又有權投爾於地獄。我誠告爾，當懼

者，此也。五雀非二分金售乎？然，神前，其一亦不忘也。卽爾髮皆已

見數，故勿懼。爾比多雀貴也。吾語汝，在人前認我者，人子於神使

者前，亦將認之。在人前拒我者，於神使者前，亦必拒之。以言攻人

子者，其人可赦。惟謗讟聖靈者，其人不可赦。人曳爾至會堂，及執政

秉鈞者前，勿慮將如之何。何以訴？何以言？蓋是時，聖靈必示爾以所

當言也。○眾中一人言曰：先生，命我兄弟，與我分遺業。曰：誰任我於

爾中，爲聽訟析產者乎？遂謂眾曰：慎戒勿貪。蓋人之生，不在所蓄之

贏餘也。遂設譬曰：有富人，土地蕃殖。慮曰：我有物產，無處可儲。將若

何又曰、必毀我倉、建其大者、以儲百穀貨物、如此其可也、乃自謂曰、

我有多物、積爲厯年之用、此心可安然、飲食喜樂也、神曰、無知者

乎、今夜將索爾魂、則所備者誰歸、凡積財於己、而神前不富有者、

亦如是、○耶穌謂門徒曰、吾語汝、勿慮生何以食、身何以衣、生貴於

糧、身貴於衣也、試思鴉鳥、不稼、不穡、無倉、無廩、而神養之、爾之於

鳥、其貴何如、耶爾曹誰能以思慮、延命一刻乎、是至微者尙不能、何

慮其餘乎、試思百合花、如何而長、不勞、不紡、吾語汝、當所羅門榮華

之極、其衣不及此花之一、且夫野草、今日尙存、明日投爐、神猶衣

被之若此、况爾小信者乎、勿謀何以食、何以飲、又勿縈擾、蓋此物、皆

異邦人所求、天父知爾需之惟神國是求、則此物自加諸爾、羣小

子勿懼。天父喜悅，將以國賜爾。售所有以施濟，備常新之囊。天上不

盡之財，盜不至，蠹不壞之處。蓋爾財所在，爾心亦在焉。束爾帶，燃爾

燈，效人候主。自婚筵歸，至而叩門，可即啓也。主至，見僕儆醒，其僕福

矣。我誠告爾，主必自束其帶，使僕席坐，前而供事之。或二更至，或三

更至，見僕如是，其僕福矣。若家主知盜何時至，則必儆醒，不致穴其

室。此爾所知也。故當預備，因不意之時，人子至矣。○彼得曰：主，設此

譬，爲我儕乎？爲眾人乎？主曰：孰是忠智家宰？主任之督其家人，依時

與糧。主臨時，見僕行是，其僕福矣。我誠告爾，主將任之，以督所有。倘

其僕意，主將遲遲而至，遂扑僕婢，食飲且醉，乃於不意之日，不知之

時。主至，加以極刑，置與不信者同科。僕知主意，而不設備，不順其意。

者見扑必多不知而作當刑之事者見扑必少凡多與之必多取之

多托之必多索之我至以火投地倘火已燃非我所欲乎我當受洗

洗未成如何不痛切乎爾以爲我至措和平於世我謂不然轉分爭

耳今而後一家五人將分爭三爭二二爭三父爭子子爭父母爭女

女爭母姑爭婦婦爭姑焉○遂謂眾曰見雲西起爾言將雨果有之

見風南吹爾言將暑亦有之偽善者乎爾識別天地色象何不能別

此時乎何不自審所宜乎與訟爾者往見有司途間當盡心求釋恐

曳爾於士師士師發爾於吏吏下爾於獄吾語汝毫釐未償斷不出

彼也

第十三章

時在坐數人言加利利人血彼拉多雜以犧牲耶蘇曰爾意此加利

利人較眾加利利人爲有罪故受害乎我謂不然爾曹不悔改亦皆

必亡昔西羅亞塔傾壓而斃者十八人爾意斯人較耶路撒冷居民

尤負罪乎我謂不然爾曹不悔改亦皆必亡乃設譬曰有植無花菓

樹於葡萄園者至而求菓不得語園丁曰我三年來求菓弗得不如

斫之無使曠土對曰主今歲且容之待我周掘壅糞或可結菓不然

斫之○安息日耶蘇在會堂教誨有婦爲鬼所崇病十八年偃僂不

能伸耶蘇見之謂婦曰爾病可釋矣遂按之婦卽伸歸榮神宰會

堂者見耶蘇安息日施醫憾之謂眾曰工作自有六日可來受醫不

必安息日也主曰僞善者乎爾曹安息日孰不解牛驢於廐牽以飲

之乎。況此婦爲亞伯拉罕裔，撒但繫之，十有八年，不當於安息日解。

其結乎。耶穌言此，諸敵愧恥，眾見其行事光明，則喜。○耶穌曰：神

國何以譬之。又以何者比之。有如芥種，人取投於園，長成大樹，飛鳥

棲其枝。又曰：將何以比。神國乎。有如酵，婦取而納三斗麵中，致均

發酵焉。耶穌經鄉邑教誨，向耶路撒冷而行。或曰：主得救者其寡乎。

曰：竭力爭進窄門，吾語汝，求人不得者多也。家主起而閉門，爾曹立

於外，叩門云：主也，主也，爲我啟之。彼將曰：奚自。我不識爾。爾將曰：我

儕於爾前飲食，爾亦於我衢教誨。彼將曰：我言不識爾，何自而來。眾

不義，離我去矣。時爾見亞伯拉罕，以撒、雅各，與諸先知於神國，而

已逐於外，則必哀哭切齒矣。自東自西，自南自北，有人將至，席坐於

神國後者將爲先、先者將爲後也。○當日法利賽數人至、曰、去此、

希律欲殺爾、耶穌曰、往告彼狐狸、言今日明日、我逐鬼施醫、至三日、

吾事畢矣、雖然、今日明日及後日、我當行矣、未有先知亡於耶路撒

冷外者、耶路撒冷乎、耶路撒冷乎、爾殺先知、石擊奉使者、我欲集爾

赤子、似母雞集雛翼下、已幾何時、惟爾不欲爾室將爲墟矣、我誠告

爾、今而後爾不見我、時至、將曰、托主名來者、當見寵也。

第十四章

安息日、耶穌入法利賽宰者之家、食焉、眾窺之、當前有蠱者、耶穌謂

教法師法利賽人曰、安息日施醫、宜乎、眾默然、耶穌醫其人而遣之、

謂眾曰、爾曹有牛驢、安息日陷阱、孰不卽起之乎、眾無以對、○耶穌

見所請之人，首位自擇，遂設言曰：人請爾赴婚筵，勿坐首位，恐有尊

於爾者。見請則請，爾與彼之人前語爾曰：讓位與斯人，必羞而趨末

位。惟見請時，往坐末位，則請爾者前語爾曰：友上坐，則在同席前，爾

可有榮矣。蓋自高者將降爲卑，自卑者將升爲高也。又謂請之者曰：

爾設午餐，或晚餐，勿請朋友、兄弟、親戚、富鄰，恐酬爾而受報也。惟設

饌，請貧乏、廢疾、跛者、瞽者，則爾福矣。蓋彼不能報爾，而義人復生時，

爾得報也。○同席一人聞之曰：在神國食者，福矣。耶穌曰：或設大

筵，所請甚多。筵時，遣僕告所請者曰：來，百物備矣。眾辭如出一心，一

人曰：我買田，須往視之，請辭。又一人曰：我買牛五耦，且往試之，請辭。

又一人曰：我方娶，不獲來，僕歸告主，主怒，命僕曰：速往邑之衢巷，引

諸貧乏、廢疾、跛者、瞽者來僕曰、主既如命行矣、尙有餘座、主語其僕

曰、出道路藩籬、有人強之入、俾滿我坐、吾語汝、先所請者、無得嘗我

筵矣。○眾同行、耶穌顧曰、人就我、而不過於愛父母、妻子、兄弟、姊妹、

與己生命者、不得爲我徒、不任十字架從我者、亦不得爲我徒、爾曹

孰有建塔、不先坐計其貲、足以竣事乎、恐基而不成、眾見哂曰、此人

作之於始、乃不能成之於終也、或有王出、與他王戰、非先坐而運籌、

能以一萬敵來者二萬乎、不然、敵尙遠、將遣使求成矣、如是、爾曹不

舍所有者、不得爲我徒也、夫鹽善矣、鹽失其味、將何以復之、不宜於

地、不宜於糞、惟棄之於外、宜傾耳聽焉。

第十五章

眾稅吏與罪人就聽耶穌法利賽人士子譏之曰彼乃納罪人共食

焉耶穌設譬曰爾曹有百羊而亡其一孰不姑舍九十九羊於野而

追其亡至於獲乎獲則喜肩之以歸會其友鄰曰亡羊既獲與我同

樂吾語汝罪人中有一悔改則在天喜之亦然其勝於九十九之義

人不待悔改者矣或婦有金錢十失其一豈不燃燈掃室勤求至於

獲乎獲則會其友鄰曰失金既獲與我同樂吾語汝罪人中有一悔

改則在神使者前其喜之亦然○又曰或有二子其季子語父曰

請父以所當得之業予我父遂以產分之未幾季子挾貲遠遊異地

在彼無度蕩費其業盡耗一切其地大饑困甚遂投其地一民遣之

於田牧豕無人餉之欲以豕所食荳莢充腹悔曰我父若多傭人其

糧有餘，我乃饑而死乎。我將反就父曰：我獲罪於天，及於父前。今而

後，不堪稱爲爾子。視我如傭人足矣。於是反就父，相去尙遠，父見憫

之，趨抱其頸，接吻焉。其子曰：我獲罪於天，及於父前。今而後，不堪稱

爲爾子。父命諸僕曰：取美服衣之，施環於指，履於足，牽肥犢宰之。我

儕食而樂焉。蓋此子死而復生，失而又得者也。其父與眾共樂，適長

子自田歸，將及門，聞樂舞，招一僕問其故。曰：爾弟歸，父以其無恙，復

得之。故宰肥犢。長子怒，不入。父出勸之。長子曰：我事父有年，未嘗違

命。父未嘗以羔賜我，俾得與友同樂。而此子狎妓，盡耗父業，乃至，則

爲之宰肥犢也。父曰：子常偕我，我所有者，皆爲爾有。爾弟死而復生，

失而又得，我儕宜喜樂也。

第十六章

一節

耶穌謂門徒曰、富人^{〇二}有操會者、或以耗主業訴其主、乃呼之曰、我聞

人言、爾果有此事否、可出會計條目、爾不得仍爲操會者矣、操會者^{〇三}

意謂、主奪我操會、將若何、勸無力、乞可恥、我知所爲矣、若如是以行、^{〇四}

則奪操會後、人必接我於其家、於是凡負主債者、一一呼之來、語先^{〇五}

至者曰、爾負幾何、曰、油百斗、曰、取券亟坐、書五十、語他人曰、爾負幾^{〇六}

何、曰、麥百斛、曰、取券、書八十、主見不義操會所行、稱其巧、蓋此世之^{〇七}

人、其爲身謀、較光明之人尤巧也、吾語汝、以虛夸之財結友、則爾喪^{〇八}

時、得接人永宅矣、於小者忠、則大者亦忠、於小者不義、則大者亦不^{〇九}

義、若爾於虛夸之財而不忠、誰以真者托爾耶、若爾於屬人者而不^{〇一〇}

忠誰以屬己者與爾耶一僕不能事二主或惡此愛彼或重此輕彼

爾不能事神又事貨財也○法利賽之好利者聞斯言哂之耶穌

曰爾在人前以義自稱爾之心神知之蓋人所崇者神所惡也

律法及先知至約翰自是神國福音傳布人人用力以進之天地

之廢較律法一畫之闕尤易凡出妻他娶者行淫也娶所出者亦行

淫也有富人衣紫袍細布日事華靡宴樂有貧者名拉撒路生瘍人

置富者之門欲以富人儿下遺屑飽已犬來舐其瘍貧者死天使扶

置亞伯拉罕懷富人亦死而葬陰間痛苦之際舉目遙見亞伯拉罕

懷中有拉撒路呼曰我祖亞伯拉罕矜恤我遣拉撒路指尖蘸水涼

我舌蓋此火燄中苦甚亞伯拉罕曰子當憶生前受諸福拉撒路受

諸難、今彼慰而爾苦焉。不第此也。爾我間限以巨淵。欲由此涉爾。不能。由彼濟我。亦不能。曰。若是。求祖遣拉撒路。往我父家。我有兄弟五人。使彼示之。免至此受苦。亞伯拉罕曰。彼有摩西及先知。可聽之。對曰。不然。祖亞伯拉罕乎。若有人死而復生。以就之。彼必悔改。曰。不聽摩西及先知。卽有死而復生者。其亦不受勸也。

第十七章

耶穌謂門徒曰。陷人於罪。事不能無。而陷之者禍矣。與其陷一小子於罪。寧人以巨磨懸其頸。而投於海。自當謹慎。兄弟獲罪爾。則諫之。悔則免之。倘一日獲罪爾。至七。一日自反至七。曰。我悔。爾必免之。○使徒謂主曰。使我信益篤。主曰。若爾有信如芥種。則命此桑拔根植。

於海亦聽命焉爾曹有僕或耕或牧自田歸孰卽命之席坐乎豈不

曰先備我餐束帶事我我飲食後爾飲食可也僕奉命而行寧謝之

乎我意不然如此爾曹卽行所命亦自謂無益之僕行所當行已耳

○耶穌往耶路撒冷經撒馬利亞加利利人一村遇癩者十人遠立

揚聲曰耶穌夫子矜恤我耶穌視之曰往示祭司往時卽潔矣其一

人見已愈反而大聲歸榮神俯伏耶穌足下稱謝乃撒馬利亞人

也耶穌曰潔者非十人乎其九安在此異民之外未見反而歸榮

神者也語其人曰起而歸爾信愈爾○法利賽人問神國何時而

至耶穌曰神國其臨不顯不曰在此在彼神國卽在爾間又謂

門徒曰時至爾欲見人子一日不可得矣人告爾在此在彼勿往勿

○三十四

從如天之有電，閃於此而光於彼。人子至之日，亦如是。但必先備受

○三十五

苦，為世所棄。如挪亞時，其人飲食嫁娶，迨挪亞八方舟之日，洪水至

○三十六

而湮眾。人子之日亦然。又如羅得時，其人飲食貿易，樹藝構造，迨羅

○三十七

得出所多馬之日，天雨火硫而滅眾。人子顯日亦如是。當日在屋上

○三十八

者，其具在室，勿下取之。在田者勿歸。當以羅得妻之事為記，欲救生

○三十九

命者，反喪之。喪之者，反存之。吾語汝，是夜二人同榻，一擒一縱。二婦

○四十

同磨，一擒一縱。二人在田，一擒一縱。眾曰：王何處有之？曰：屍所在，鷺

○四十一

鳥集焉。

第十八章

○二

耶穌言人當祈禱不怠。設譬曰：邑有士師，不畏神，不禮世人。有

○三

入見曰、有仇我者、請伸我冤久而不許、後自思曰、我雖不畏神、不

禮世人、但釐再三瀆我、必伸其冤、免恆至晤我主曰、聽不義士師所

言、神選民、晝夜籲禱、其應或遲、豈不終伸其冤乎、吾語汝、冤之伸

也、忽焉、人子至、詎見信於世乎、○有數人自恃爲義、而藐視人、耶穌

設譬謂之曰、二人登殿祈禱、一法利賽人、一稅吏、法利賽人獨立祈

禱曰、謝神、使我不似他人、殘酷不義淫惡、亦不似此稅吏、我七日

禁食者二、而以所有十輸其一、稅吏遠立、不敢舉目仰天、拊膺曰、我

有罪、神憐之、吾語汝、此人歸、以義見稱、較彼尤勝、蓋自高者、必降

爲卑、自卑者、將升爲高也、○有人携孩提、求按於耶穌、門徒見而責

之、耶穌呼之來曰、容孩提就我、勿禁、蓋有神國者、正如是人也、我

誠告爾、凡承○十九神國、不如孩提者、不得人也。○有宰問曰、善哉師也、

我當何爲、以得永生耶穌曰、胡爲以善稱我、無一善者、惟○二十一神而已。

夫諸誠爾所識也、毋行淫、毋殺人、毋攘竊、毋妄證、敬爾父母對曰、我○二十二

自幼盡守之矣、耶穌聞其言曰、猶虧一、悉售所有、以濟貧、則必有財○二十三

於天、且來從我矣、其人聞之甚憂、巨富故也、耶穌見其憂甚、曰、有財○二十四

者、入○二十五神國、難矣哉、駝人針孔、較富人入○二十六神國尤易也、聞者曰、然

則誰得救乎、曰、人所不能、神能之、彼得曰、我儕舍一切從爾、曰、我○二十七

誠告爾、人爲○二十八神國、離屋宇、父母、兄弟、妻子、而今世不獲倍蓰、來世○二十九

不得永生者、未之有也、○耶穌携十二徒、謂之曰、我儕上耶路撒冷、○三十

先知所載人子者、必應也、其將解於異邦人、戲玩、凌辱、唾之、鞭扑殺○三十一

新約全書卷三路加傳福音書第十八章○三十二

之三日復生。斯語隱藏，門徒未達，不知所謂。○近耶利哥時，有瞽者，

坐乞道旁，聞眾過，問其故。曰：拿撒勒人耶穌過也。瞽者呼曰：大闢之。

裔耶穌，矜恤我前行者，責之使默。彼益呼曰：大闢之裔，矜恤我耶穌。

止，命携之來。及至，問曰：欲我何爲？曰：王，我欲得見耶穌。曰：可，爾信愈。

爾遂得見，從耶穌歸榮。神，眾見是，亦讚美神焉。

第十九章

耶穌入耶利哥，徑行時，有名撒該者，爲稅吏，長而富，欲見耶穌，爲何。

如人，以人眾不得見，蓋侏儒也。意耶穌必過此，遂趨前升桑，欲見之。

耶穌至，仰視曰：撒該速下，今日我將主爾家，遂急下，喜迎之。眾非耶。

穌曰：何爲宿罪人之家？撒該起，謂王曰：王，我以所有之半濟貧，誣詐。

人者則四倍償之九耶穌曰今日此家得救以其爲亞伯拉罕裔蓋人

子至爲尋救所喪者耳十一○眾既聞其言又見耶穌已近耶路撒冷意

神國將卽顯明故耶穌設譬曰有貴者往異地將受封國而歸召十三

僕十人各與十金謂之曰貿易以待我歸其民憾之遣使於後訴曰十四

吾儕不欲斯人君我也貴者受封而反命呼予金之僕欲知獲利幾十五

何其一至曰主之十金已獲百金矣曰俞善僕也於其小者既忠矣十六

卽宰十邑可也其次至曰主之十金已獲五十曰宰五邑可矣又其十七

次至曰主之十金在此藏之中中蓋我畏爾嚴人也未置者取之未十八

播者穫之主曰惡哉僕也卽爾言我擬爾既知我嚴未置者取之未十九

播者穫之盍以我金置肆我來時可并其利而取之命左右曰取其二十

十金、與其有百金者曰、王彼既百金矣、曰、吾語汝、有者將予之、無者、

並其所有亦奪之、其不欲我君之、而爲我敵者、曳來誅於我前、耶穌

言竟、前行上耶路撒冷、○至伯法基、伯大尼、近橄欖山、遣門徒二人

曰、爾往前村、人時、遇小驢繫焉、從未有人乘者、解而牽之、倘有人問、

解驢何爲、可應之曰、王需之、使者往、果遇如其言、解驢時、其主問曰、

解之何爲、曰、王需之、遂牽就耶穌、置衣驢上、扶耶穌乘之行時、人以

衣布道至橄欖山、將下、眾門徒喜、大聲讚美、神、爲所見之異、能曰、

托主名而來之王、當見寵也、在天和平、在上光榮、眾中有法利賽數

人、謂耶穌曰、先生、其責爾門徒曰、吾語汝、若輩緘默、石能言矣、既近

見城、哭曰、今猶爲爾曰、及是時、而知關爾平安之事、則幸、過此、隱於

爾目矣。日至。敵必築壘環繞。四面困爾夷爾。及赤子。不遺石於石上。○四三
以爾不知眷顧之日也。○四四耶穌入殿。逐貿易者。曰。記有之。我室爲祈
禱室。爾曹以爲盜巢也。○四五耶穌日在殿教誨。祭司諸長士子與民之
尊者。欲殺之。惟不知所爲。因眾傾聽之也。○四六

第二十章

一節

一日耶穌在殿教民。傳福音時。祭司諸長士子長老就之。曰。請告我。○二
爾以何權行是。賜爾斯權者。誰耶。耶穌曰。我亦一言問爾。請告我約。○三
翰施洗。由天乎。由人乎。其人竊議曰。若云由天。彼必曰。曷不信之若。○四
云由人。民必石擊我。蓋民信約翰爲先知也。遂對曰。不知。耶穌曰。我。○五
亦不以何權行是告爾。○六乃設譬語眾曰。有人樹葡萄園。租與農夫。○七

而往異地。久之及期，遣僕就農夫，令輸園中當納之果。農夫扑使徒

反，再遣僕復扑辱，使徒反。三遣僕，竟傷而逐之。園主曰：我將奈何？不

如遣愛子，庶幾見而敬之。農夫見其子，竊議曰：此其嗣子，且來殺之。

業歸我矣。遂逐於園外殺焉。園主將何以處此？必至而滅此農夫，以

園託他人矣。聞者曰：不願有此。耶穌目之曰：記所載何歟？工師所棄

之石，成爲屋隅首石。躋此石上者，人必糜；此石墜其上者，身必碎。時

祭司諸長士子，知耶穌設譬指已，欲執之而畏民。○乃窺之，遣偵者

僞爲義人，欲卽其言，解於方伯按治之。遂問曰：先生，我知爾所言所

傳皆正，不以貌取人，乃以誠傳。神道者也。我儕納稅該撒，宜否耶？

耶穌知其詭譎，曰：何試我耶？將一金錢與我觀之，是像與號誰乎？對曰：

該撒曰、若是以該撒之物納該撒、以神之物納神矣、偵者當民

前、末由執其言、且奇其應對、故默然。○有撒土該人言、無復生者、就

而問曰、先生、摩西筆以示我云、若人兄弟有妻、無子而死、兄弟則娶

其妻、生子以嗣之、有兄弟七人、長者娶妻、無子而死、其二娶之、亦無

子而死、其三娶之、至其七亦然、皆無遺子而死、厥後婦亦死、至復生

時、此婦為誰之妻乎、蓋納之者七人矣、耶穌曰、惟世人有嫁娶若能

得復生之世、則不嫁不娶、亦不復死、乃如天使、亦為神子、是復生

之人也、論死者復生、摩西棘中篇詳之矣、其稱王為亞伯拉罕之

神、以撒之神、雅各之神、是非死者之神、乃生者之神、

蓋眾以之而生矣、以之而生、或曰由神觀之、眾生矣、士子數人曰、先生之言善也、後

新約全書卷三 路加傳福音書第二十一章 三

無敢問者。○耶穌謂眾曰、人何言基督爲大關裔乎、蓋詩篇中大關

自言、主謂我主云、坐我右、我將以爾敵、置爾足下、夫大關稱基督爲

主、則基督如何爲大關裔乎。○庶民聽時、耶穌語門徒曰、謹防士子、

好衣長服而遊、喜市上問安、會堂高位、席間左座、然并吞嫠婦家資、

佯爲長祈、其受罪必尤重也。

第二十一章

耶穌望見富人、以財輸庫、○二又見一貧嫠、輸半釐者、○三耶穌曰、我誠告

爾、此貧嫠所輸、較眾尤多、蓋眾以羨餘輸、○四神、此則不足而盡輸所

有者也。○或言殿以美石良材修飾耶穌曰、爾觀此物、日至、將不遺

石於石上、必盡圯也、眾問曰、先生、何時有此、是事應時、將有何兆乎、

八
耶蘇曰慎勿爲人所惑有多人冒我名來曰我基督也時近也爾勿

從之爾聞戰亂勿懼此事必先有惟末期未至耳又曰民將攻民國

亦攻國隨在地大震饑疫天垂可畏大異之象此事之先人將執爾

窘逐爾解爾於會堂下爾於囹圄爲我名曳至王侯前爾遭此事以

爲證宜定其心勿慮何以訴蓋我將賜爾口才智慧使諸仇不能辨

駁敵對爾將爲父母兄弟親戚朋友所解中有人見殺爾以我名爲

眾所憾然爾一髮不喪也爾當強忍存心強忍存心句或曰強忍全其生爾見軍環

耶路撒冷則知其亡無日矣時在猶太者當避於山在京者宜去在

田者勿入是譴責之日記所載者應矣斯時也妊婦乳婦其有禍乎

蓋此地必有大災怒及斯民死於刀刃擄於諸國耶路撒冷爲異邦

人蹂踐迨異邦人之期滿焉○三十五日月星辰必有異象地上諸國困苦顛

連海波瀾滄世所必至者人人危懼至於喪膽天象震動故也將見○三十七

人子以大權大榮乘雲而來○三十八甫有此事當興起翹首以贖爾近矣○三十九

○譬之無花菓與諸樹見其方萌則知夏近矣○四十凡若此爾見之則知○四十一

神國邇矣我誠告爾此代未逝斯事皆成天地可廢我言不可廢○四十二

自當謹慎勿以饜飫沉湎世之憧擾累心恐其日突然臨爾如機檻○四十三

臨宅土之人故宜儆醒常祈得避將來之事立人子前矣○四十四○耶穌日○四十五

在殿教誨夜出至橄欖山宿焉○四十六庶民蚤起至殿聽之○四十七

第二十二章

除酵節伊邇亦名逾越節○一祭司諸長士子謀殺耶穌但畏民耳○二○十○三

二徒中加畧人猶大撒但惑其心詣祭司諸長庶司欲賣耶穌眾喜

許以金猶大諾觀眾不在乘機解之○除酵節當宰逾越羔屆期耶

穌遣彼得約翰曰爾往備節筵我儕食焉曰何處備之曰入城遇挈

水瓶者隨之入室告其主曰師問客舍安在將與門徒食節筵彼以

陳設大樓示爾在彼預備可也門徒往果遇如所言遂備節筵○耶

穌偕十二使徒於其時席坐曰受害之先我甚願偕爾食此節筵吾

語汝我不復食此節筵待事應於神國然後食也遂取杯祝謝曰

將此分爾眾吾語汝我不復飲葡萄汁待神國至而飲焉取餅祝

謝擘而與之曰此乃我軀爲爾捐者爾宜行此以記我也餐後取杯

亦如之曰此乃新約之杯爲吾血而立代爾流者也然賣我者其手

與我在席人子將如前定而歸惟賣人子者其有禍乎眾互問誰將

爲此門徒爭長耶蘇曰異邦之君主其治秉權之人稱大勳惟爾曹

不可爾中爲大者當若少爲首者當若役孰爲長席坐者乎役事者

乎非席坐者長乎然我在爾中如役事者也爾曹恒偕我於患難中

我以國封爾如我父封我俾爾在我國飲食於我席居位審以色列

十二支派焉王曰西門西門撒但欲簸爾曹若麥然我爲爾祈使爾

信不渝反正後可堅爾兄弟彼得曰王我願與汝下獄而死曰彼得

吾語汝今日鷄鳴之先爾將三言不識我謂門徒曰我遣爾勿囊勿

袋勿履有缺乎曰無曰今有囊者取之有袋者亦然無刀者可賣衣

買刀也吾語汝記云人視之爲罪犯中人其言必應於我蓋所指我

○三八
者有徵也。門徒曰：主有二刀於此，曰：足矣。○耶穌出，仍往橄欖山門。

徒從之。至則謂門徒曰：祈禱也。免人誘惑，遂離之。○四十一
約投石之遠，屈膝。

祈禱曰：父肯，則以此杯去我。雖然，非我之意，惟爾意是成。使者自天。○四十二

而見壯之耶穌，懽懽祈禱愈切，汗如滴血下地。禱畢而起，至門徒所。○四十三

見其憂甚，假寐謂之曰：何寢也？且起祈禱，免人誘惑。○四十四
言時，眾至，十

二門徒之一，猶大趨就耶穌，接吻之。耶穌曰：猶大，爾以接吻賣人子。○四十五

乎？左右見事將及，曰：主以刀擊之，可否？中一人擊祭司長僕，削右耳。○四十六

耶穌曰：事至此，聽之，遂捫其耳醫焉。耶穌語來攻之祭司諸長、殿庶。○四十七

司長老曰：爾來以刀與梃，若禦寇乎？我日偕爾在殿，爾不執我，今乃。○四十八

爾曹之時，冥冥之勢矣。○眾執耶穌，曳至祭司長家，彼得遠從院中。○四十九

有人燃火同座彼得與焉有婢見彼得坐向火注目視之曰此人亦

偕耶穌彼得不承謂婢曰我不識之有頃又一人見之曰爾亦其黨

彼得曰非也片時復一人力言曰此人實偕之蓋加利利人也彼得

曰爾所言我不識也言時鷄鳴矣主顧彼得彼得憶主言鷄鳴之先

將三言不識我遂出痛哭云○執耶穌者戲而扑之掩其面批而問

曰試言擊爾者誰更以多端誚耶穌○平旦民之長老祭司諸長士

子皆集曳耶穌至公會曰爾誠基督明以告我曰我告爾爾不信詰

爾爾不應又不我釋此後人子將坐大權神右矣僉曰然則爾

神子乎曰爾言是也眾曰何用別證卽其所言我聽之矣

第二十三章

節

眾起解耶穌至彼拉多前○二訟之曰我觀此人乃惑民者禁納稅該撒

自稱爲王○三基督也彼拉多問耶穌曰爾猶太人王乎曰爾言之矣○四彼

拉多謂祭司諸長與眾曰我觀此人無罪眾奮呼曰彼搖動民傳教

徧猶太自加利利至此○六彼拉多一問加利利遂問此加利利人乎○七既

知屬希律所治則遣至希律時希律在耶路撒冷見耶穌甚喜蓋久

欲見之矣因多問其事冀見異蹟故多端問之○九耶穌不答祭司諸長

士子立而訟之切希律及衛士藐玩耶穌衣以采服復遣至彼拉多○十二

彼拉多希律素相仇也○十四當日遂相友矣彼拉多召祭司諸長有司與

民曰爾曹以此人解我言其亂民我卽爾所訟之事當前審之未見

其有罪希律亦然○十五蓋我遣爾曹見希律彼以耶穌所行無一當死者

我將笞而釋之。屆節期，例必釋一人。眾齊呼曰：「去此人。」釋巴拉巴夫。

巴拉巴城中作亂殺人，故下獄。彼拉多欲釋耶穌，復語眾。眾呼曰：「釘

之十字架。」釘之十字架。彼拉多三語之曰：「彼行何惡耶？未見其有死

罪。」故將笞而釋之。眾厲聲求釘十字架，益切。庶民與祭司諸長之聲

勝矣。於是彼拉多擬如所求，釋民所求亂殺下獄之巴拉巴，交耶穌

於民，以徇民意。○曳耶穌時，有古利奈人西門由田間來，眾執之，使

肩十字架，從耶穌。眾隨之，有多婦哭而哀。耶穌顧之曰：「耶路撒冷女

乎，勿爲我哭，當爲己及子哭。日至，人必曰：『未妊之婦，未產之胎，未哺

之乳福矣。』時人將對山曰：「壓我。」對陵曰：「掩我。」蓋木尙青，猶如此。木既

枯，將若何？又曳二犯，與耶穌同殺。○至一地，名髑髏，釘之十字架。二

犯一左一右耶穌曰父乎眾不知所爲其赦之人鬪分其衣民立而

觀有司與眾譏之曰彼救他人若爲基督○三六神所選者可自救也兵

卒亦戲之與以醢曰爾若猶太人王可自救也其上有標以希利尼○三七

羅馬希百來字書曰猶太王○同懸之二犯其一誚之曰爾若基督○三九

可救已及我儕其二責之曰爾同受罪何不畏○四一神乎我儕宜也蓋○四二

我所受當我所行而此人所爲無不是也乃謂耶穌曰主歸爾國其○四三

憶我耶穌曰我誠告爾今日爾必同我在樂園矣○自日中至未終○四四

徧地幽暗日晦暝殿幔中裂耶穌大聲呼曰父乎我靈託爾矣言畢○四五

氣絕百夫長見此歸榮○四六神云是誠義人也眾聚觀厯見其事拊膺○四七

而返其相知者及自加利利同隨之婦遠立皆見之○有人名約瑟○四八

所約瑟路加傳福音書第二十三章○四九五十五

義士也、爲人仁義、不黨他人、謀爲屬猶太亞利馬太邑素慕○五十二神國

者、人見彼拉多求耶穌屍取之下、裹以桌布、置石鑿之墓、未有人葬○五十三

者、當日爲備節安息日伊邇○五十四○自加利利同耶穌來之婦、隨後觀其

墓、及葬屍如何歸備芳馨之品、及香膏、當安息日、遵戒而止。○五十六

第二十四章

一節七日首日昧爽、婦至墓、攜所備芳馨之品、有數人偕之。二○見石離墓

入、不見主耶穌屍、躊躇間、有二人立、衣服燁燁、婦驚伏地、二人謂之三

曰、何於死者中求生、人歟、彼已復生、不在此矣、當憶在加利利時、彼四

語爾曰、人子必解與罪人釘十字架、三日復生、婦憶所言、由墓歸、以五

告十一徒、及諸同人、告之者有若抹大拉之馬利亞、雅各之母馬利六

告十一徒、及諸同人、告之者有若抹大拉之馬利亞、雅各之母馬利七

告十一徒、及諸同人、告之者有若抹大拉之馬利亞、雅各之母馬利八

亞及約亞拿又有他婦偕焉○十一使徒以其言近虛誕不信彼得起趨墓

俯見桌布而已○十二異而歸○是日門徒二人往一鄉名以馬迭去耶路

撒冷二十五里○十三二人互論所遇談言間耶穌近而同行門徒目迷不

識之耶穌曰爾行時互論何事而有憂色也○十四有一名革流巴答曰爾

在耶路撒冷豈子身為旅不知邇日事乎○十五曰何事曰拿撒勒人耶穌

先知也在○十六神烝民前言行兼優而我祭司諸長有司解之擬以死

釘十字架此人乃我儕素望贖以色列民者然事之成已三日矣我

中數婦使我驚駭彼黎明往墓不見其屍來告云已見天使顯見言

耶穌復生我中數人至墓果遇如所言惟不見耶穌耶穌曰無知者

乎何不信先知所言而不敏若此基督受害而獲榮不亦宜乎於是

由摩西始及諸先知凡經載已之事悉詳明之近所往之鄉耶穌若

欲遠行然二人強之曰時暮日昃請同宿遂止焉席坐時耶穌取餅

祝擘與之二人目瞭及識之忽不見相告曰道間與我言解經時我

心豈不熱乎即起歸耶路撒冷見十一徒及同人聚而言曰王果復

生現與西門二人亦述途中所遇及擘餅識耶穌之事○言時耶穌

立於其中曰爾眾平安門徒驚駭疑所見者靈耶穌曰何懼而心疑

乎視我手足即我也試捫且視靈無骨肉爾視我則有之言此示以

手足門徒喜而未信奇之耶穌曰有食物乎與炙魚一片蜜房一方

耶穌當前取食之曰摩西例先知書及詩篇所載指我者皆應我素

偕爾曾言之矣遂啟其聰令悟諸經曰如記所言基督當受害三日

○四七
復生使託其名、以傳悔改赦罪之道、自耶路撒冷、至於萬國、爾眾爲

之證、我將以父所許者賜爾、宜居耶路撒冷城、待自上錫爾以權焉。

○五十一
○耶穌率之至伯大尼、舉手祝之、祝時、離眾升天、眾拜之、甚喜歸耶

○五十三
路撒冷、常在殿讚美、稱頌神。

路加傳福音書終

約翰傳福音書

羊城藏板

羊叔子集

羊叔子集

約翰傳福音書

第一章

一節

元始有道，道與神共在，道卽神。二是道，元始與神共在也。三萬物

以道而造，凡受造者，無不以之而造。生在道中，生也者，人之光。四光照

於暗，暗者弗識之。五有神所遣者，名約翰，其至爲光作證，使眾以

之而信。約翰非光，特爲光證耳。六真光者，臨世照萬人者也。七其在世，世

以之而創，世不識之。八其至己地，人不受之。九受卽信其名者，賜之權，爲

神子。十是非由血氣，非由情欲，非由人意而生，乃由神也。十一夫道成

人身，居於我儕之間，我儕見其榮，誠天父獨生子之榮，以恩寵真理

而滿也。十二○約翰爲之證，呼曰：我言後我來，而先我在，以其本先我者，

卽斯人也由其盛而我眾受恩寵恩寵益增十七例受自摩西恩寵真理

則由耶穌基督十六未有人見神惟獨生子在父懷者彰明之○約翰十九

之證如左猶太人自耶路撒冷遣祭司及利未人問約翰曰爾爲誰

約翰承而不諱其承曰我非基督二十曰爾爲誰以利亞乎曰否曰先知

者乎曰否二十三曰然則爾爲誰使我復遣我者爾自謂何也曰我卽聲呼

於野云直主道者如先知以賽亞言二十四奉使乃法利賽人又問曰爾非

基督非以利亞非先知何爲施洗耶約翰曰我以水施洗有立爾中

者爾不識之此人後我來而先我在二十七卽其履帶我不堪解三六此事見於

約但外之伯大巴喇約翰施洗處○明日約翰見耶穌就己則曰觀

神之羔負世人之罪者三十一我言後我來先我在以其本先我者卽斯

人也。三十一我素不識之。我至以水施洗。欲顯之於以色列民耳。約翰又證

曰。我見聖靈似鴿。自天降而止其上。三十二我不識之。惟遣我以水施洗者。

語我曰。爾觀聖靈降而止其上。卽以聖靈施洗者。三十三故我見而證其爲

神子也。三十四○明日約翰偕二門徒立見耶穌遊行。則曰。觀神之羔。

二徒聞言。從耶穌。耶穌顧之曰。爾何求耶。曰。啦吡何居。啦吡譯卽夫

子也。三十五曰。來觀。遂至。觀其所居。時已申正。是日同居焉。三十六聽約翰而從耶

穌者。其一西門彼得。兄弟安得烈。三十七先遇兄弟西門曰。我儕遇彌賽亞。

譯卽基督。三十八遂引見耶穌。耶穌視之曰。爾乃約拿子西門。將稱

磯法。譯卽彼得。三十九○明日耶穌欲往加利利。遇腓力曰。從我腓

力伯賽大人也。與安得烈彼得同邑。四十腓力遇拿但業曰。摩西例所載。

諸先知所記者我已遇之。卽拿撒勒人約瑟子耶穌也。四七拿但業曰。拿撒勒能生善人乎。四九腓力曰。來觀。四六耶穌見拿但業至。指之曰。是誠以色列人。無詭譎者。五〇拿但業曰。何由知我。耶穌曰。腓力未呼爾。爾在無花菓樹下。我已見爾矣。五一拿但業曰。夫子誠神子。以色列王也。五二耶穌曰。我言無花菓樹下見爾。爾信乎。然所見將有大於此者。五三又曰。我誠告爾。爾將見天開。神使者。陟降於人子上矣。

第二章

一節越三日。加利利迦拿。有婚禮。耶穌母與焉。二耶穌與門徒亦見請。三酒罄。母語耶穌曰。酒無矣。四耶穌曰。母於我何與。我時未至也。五母謂諸僕曰。凡彼所命者。行之。六依猶太人潔事。在彼設石甕六。甕容水約石餘。七耶

蘇曰以水滿甕遂滿幾溢八又曰挹之遞九司筵者遂遞之水變爲酒司

筵者嘗之不知所自來惟挹水僕知之司筵者呼新娶者曰凡人先

設旨酒客酣方進魯酒惟爾留旨酒至今矣上此耶穌始行異跡在加

利利迦拿而顯其榮門徒信之○厥後耶穌偕母與兄弟門徒往迦

百農居不數日猶太人踰越節伊邇耶穌上耶路撒冷上四在殿見有市

牛羊鴿及兌錢者坐焉上五耶穌以繩爲鞭逐之出殿及其牛羊傾兌錢

者之金反其几上六謂市鴿者曰可將之去勿以我父室爲貿易室上七門徒

憶經所載云我爲爾室中心如焚上八猶太人曰爾旣爲此以何異跡示

我上九耶穌曰爾毀此殿我三日建之猶太人曰建此殿經四十六年爾

三日建之乎上三耶穌言此以殿喻其身也上三復生後門徒方憶前言故信

經及耶穌語云。耶穌在耶路撒冷。當逾越節。人見所行異跡。多信其

名。耶穌知人。故不恃人。不待人告之。自知人之中藏也。

第三章

一節 有法利賽人。名尼哥底母。爲猶太宰。夜就耶穌曰。夫子。我儕知爾爲

師。從神來者。蓋爾所行異跡。非神佑。無能行之。耶穌曰。我誠告

爾。人非更生。不能見神國。尼哥底母曰。人既老。何得更生。豈重入

母腹而生乎。耶穌曰。我誠告爾。人不以水。以聖靈而生。不能進神

國。由身生者。身也。由靈生者。靈也。我言必更生。勿以爲奇。風任意而

吹。聽其聲。不知何來何往。由聖靈生者。亦若是。尼哥底母曰。能如是

乎。耶穌曰。爾爲以色列民師。猶未知此乎。我誠告爾。我所知者言之。

所見者證之而爾曹不受我證^{十三}我言地爾既不信^{十三}况言天爾豈能信

乎^{十三}人未有升天者惟人子由天而降依然在天^{十四}昔摩西舉蛇於野人

子見舉亦然^{十五}使信之者免沉淪而得永生○蓋^{十六}神以獨生之子賜

世俾信之者免沉淪而得永生其愛世如此且^{十七}神遣子臨世非以

罪世乃以救世^{十八}信者不定罪不信者卽定罪以不信^{十九}神獨生子之

名也^{十九}夫光臨世而人作惡愛暗過於光此所以定罪也^{二十}作不善者惡

光而不就光恐所行見責^{二十一}循真理者就光以彰其所行遵^{二十二}神而行

之○厥後耶穌與門徒至猶太地同居施洗約翰在哀嫩施洗其地^{二十三}

近撒冷多水人至受洗時約翰未下獄其徒與猶太人辨潔事就約^{二十四}

翰曰夫子昔偕爾在約但外爾所證者今施洗而眾就之約翰曰非^{二十五}

斤句全書卷四約翰傳福音書第三章四

由天授、則人無所受。昔我曾自言非基督、乃奉使其先、爾曹可証。新

娶者、有新婦、新娶者之友立以待、聞新娶者之聲、則甚喜、如是我喜

甚矣。彼必興、我必衰。自上臨者、萬有之上、由地則屬地、所言亦地、由

天臨者、萬有之上也。自證其所見所聞、而無人受其證。受其證者、以

神爲真、印以證之。神所遣者、述神言、蓋神賜之聖靈、無限

量也。天父愛子、以萬物予之。信子者永生、不信子者不生。神怒恒

在其上矣。

第四章

主知法利賽人、聞已施洗、招人爲徒、多於約翰。其實耶穌不施洗、惟

門徒施之。乃離猶太、復往加利利。道必由撒馬利亞、至撒馬利亞、叙

加近雅各賜子約瑟之地。^六有雅各井。^七耶穌行倦坐井上時約日中門^八

徒入城市食有撒馬利亞婦來汲水耶穌曰飲我婦曰爾猶太人何^九

求飲於我撒馬利亞婦乎蓋猶太人與撒馬利亞人不相往來也耶^十

穌曰倘爾識神之賜與請飲者誰爾求之其必以活水與爾婦曰^{十一}

主無汲器井又深何由得活水耶我祖雅各遺我此井昔彼與子及^{十二}

畜皆飲於此爾豈大於彼乎耶穌曰飲此水必復渴飲我所予之水^{十三}

永不渴我所予之水必於其中爲源混混至永生也婦曰請主以此^{十四}

水予我使我不渴無庸來此汲矣耶穌曰往呼爾夫來婦曰我無夫^{十五}

耶穌曰爾言無夫是也蓋爾曾有五夫今所有者非爾夫爾言誠是^{十六}

婦曰我觀主乃先知者我祖崇拜於此山爾曹言崇拜當在耶路撒^{十七}

冷孰是。耶穌曰：宜信我。日至，爾拜天父。無論此山，無論耶路撒冷。爾

曹不知所拜，我儕知所拜，蓋救者出自猶太人也。日至，今是矣。真崇

拜者，以靈以誠拜天父。蓋天父欲人如是拜之。神乃靈拜之者，必

以靈以誠。婦曰：我知彌賽亞將至，其至必以眾理告我。彌賽亞蓋言

基督也。耶穌曰：與爾言者是也。門徒至，見耶穌與婦言，異之，但無人

問以奚求，而與婦言何也。○婦舍瓶入邑。語人曰：來觀一人，我素行

者，彼悉言之，得毋基督乎。眾出邑就耶穌。門徒請曰：夫子食。耶穌曰：

我有糧可食，爾曹不知也。門徒相語曰：豈有供之者乎。耶穌曰：遵遣

我者之旨，而畢其工，卽我糧也。豈不曰：尙有四月而穫時至乎。吾語

汝，舉目視田，熟可穫矣。穫者得傭值，積實至永生，使播者穫者同樂。

也。諺云：一播一穫，誠然。我遣爾穫所未勞者，他人勞之，爾繼其勞也。

撒馬利亞人，在叙加者，以婦證耶穌能言其所行，多信之。就耶穌，請

同居，居二日。聽其言而信之者愈眾。謂婦曰：今我儕非爲爾言而信，

乃親聽之，知其誠基督，救世者也。○越二日，耶穌去彼，往加利利。蓋

自言先知在故土不尊也。至加利利時，其人接之，以眾往守節期，曾

見耶穌在耶路撒冷所行之事故也。耶穌復至加利利迦拿，以水變

酒之處，有王臣。其子病在迦百農。聞耶穌自猶太至加利利，就之，請

往醫其子，瀕死矣。耶穌曰：不見異蹟奇事，爾曹不信。王臣曰：我子未

及死，請主卽至。耶穌曰：往哉。爾子生矣。其人信耶穌言而往。歸時，遇

僕告曰：爾子生矣。問何時愈，曰：昔者未時瘡退。父覺其時，適耶穌言

子生之時，於是舉室皆信。五十四耶穌自猶太至加利利所行異蹟，此其二也。

第五章

一節厥後猶太人節期，耶穌上耶路撒冷。二地近羊門，有池曰哩吐吹，希伯來音也。池有廊五。三中卧病者，瞽者，跛者，血枯者，甚眾，待水動也。四蓋有天使，或時下池動水，水動，先入池者，不論何病，卽愈。五有人負病三十八年。耶穌見其偃臥，知病已久，曰：爾欲愈乎？六病者曰：王，水動時，無扶我下池者，及我來，人先我下矣。七耶穌曰：起，取牀以行。八其人立愈，取牀而行，是日乃安息日。九猶太人謂得愈者曰：今安息日，取牀非宜。十曰：愈我者，命我取牀而行。曰：命爾取牀行者誰耶？十一得愈者不知，以其地人

眾而耶穌避也。^{十四}後耶穌遇之於殿曰爾得愈勿復犯罪恐遭患尤甚。

其人往告猶太人。^{十五}愈之者耶穌也。猶太人以耶穌於安息日行此窘

逐欲殺之。耶穌曰我父爲之。^{十六}至於今我亦爲之。猶太人愈欲殺耶穌。

因不第犯安息日。又言神爲其父以己與神敵體也。耶穌曰我

誠告爾子不見父行之則無所能行。但父所行者子亦行之。父愛子。

以己所行示之將示以事之尤大者使爾駭矣。父起死者而甦之子。

甦所欲者亦若是。父不審判人悉以審判委子。使眾敬子如敬父不

敬子者卽不敬遣子之父。我誠告爾聽我言而信遣我者得永生而

不定罪乃出死入生也。我誠告爾時至今是也死者必聞神子之

聲而聞之者必生。父有生賜子有生亦如是。且賜權以審判因其爲

人子也。勿以此爲奇。時至。凡墓內者。將聞人子聲而出。爲善者復起。

以得生。爲惡者復起以受罪。我白無所能。惟遵所聞者。而審判之。我。

審判以義。我不已意是求。乃父遣我者之意也。若我自證。證則不真。

有證我者。我知其證乃真。爾曹遣人就約翰。彼爲真理作證。我不求。

證於人。願爾得救而言耳。約翰乃燃明之燈。爾暫喜其光。然我有證。

大於約翰者。蓋父賜我所成之事。卽我所行之事。證父遣我也。遣我。

之父。亦爲我證。爾未聞其聲。未見其形。其道。不存爾心。以所遣者。爾。

不信也。爾探索諸經。思其中有永生。然經所證者我也。爾不欲就我。

以得生。我不求榮於人。但我知爾心不愛神。我以父名而來。爾不。

我接。人以己名而來。爾則接之。爾曹互相求榮。不求獨由神來之。

榮豈能信乎。勿以爲我將訴爾於父。訴爾者。卽爾所恃之摩西也。爾信摩西必信我。蓋其書指我不信其書。詎信我之言。

第六章

厥後耶穌二濟加利利海。卽提庇哩亞海。三眾見治病異蹟。則從之。耶穌

登山。偕門徒坐。四時猶太人逾越節伊邇。耶穌舉目見眾就之。語腓力

曰。我儕何由市餅與眾食乎。耶穌知有以處此。姑轉詰以試之。腓力

曰。二十金市餅。卽每人所得無幾。亦不足。門徒一人。乃西門彼得兄

弟安得烈曰。有童子攜麥餅五。小魚二。以與斯眾。寧有濟乎。耶穌

曰。令眾坐。其地有茂草。人坐。數約五千。耶穌取餅祝以予徒。徒與坐

者。任意食之。魚亦然。十二既飽。耶穌謂門徒曰。拾其餘屑。勿使有遺。遂以

眾所食五餅麥餅餘屑拾之盈十二筐十四眾見耶穌所行異蹟曰是誠

先知所當臨世者十五耶穌知人欲強之爲王復往山獨處十六薄暮門徒至

海濱登舟欲濟往迦百農既昏耶穌未至風烈波揚門徒鼓櫂約十十七

里有奇耶穌履海近舟門徒見之懼耶穌曰我也勿懼遂喜接之登十八

舟忽至所往之處十九○明日眾立海彼岸見無他舟惟門徒所登者耶

穌不與乃門徒獨往有舟自提庇哩亞來卽近耶穌祝謝眾食餅之二十

所眾不見耶穌與門徒遂登舟至迦百農二十一尊之濟海遇曰夫子何時二十二

而至耶穌曰我誠告爾爾曹尊我非爲見異蹟第爲食餅而飽耳勿二十三

爲可敗之糧而勞當爲永生之糧而勞卽人子與爾者蓋神父以二十四

印命之也眾曰我儕當何爲以稱神之事乎耶穌曰信其所遣者二十五

卽稱 神之事。曰爾行何異蹟。使我見而信爾。爾果何以哉。昔我祖

在野食嗎喲。經云。以天之餅予之食。是也。耶穌曰。我誠告爾。摩西不

以天之餅予爾。我父以天之眞餅予爾。所謂 神餅者。乃降自天。以

生賜世者也。僉曰。請王常以此餅與我。耶穌曰。我卽生之餅。就我者

決不饑。信我者永不渴。爾曹見我而不信。我曾告爾矣。父子我之人

必就我。凡就我者。我不之棄。我降自天。非行己意。乃遣我者之意。父

所予我。我不失。而末日復生之。此父遣我之意也。凡見子而信之。得

永生。而末日我復生之。此遣我者之意也。猶太人聞耶穌自稱天降

之餅。譏之曰。此非約瑟子耶穌乎。其父母我儕識之。何言由天降耶。

耶穌曰。無以爲也。遣我之父不引之。則無能就我。就我者。我於末日

復生之。先知書載云，眾將蒙四六神之教，凡聽父而學之者，就我。無人

見天父，惟來自四七神者見之。我誠告爾，信我者有永生。我爲生之餅。

爾祖食嗎喲於野，卒亦死。食而不死者，天降之餅也。我乃生之餅。天

降者也。食此則永生，我所予之餅，卽我之肉，爲世得生而捐者。猶太

人爭曰：是焉能以其肉予我食乎？耶穌曰：我誠告爾，不食人子肉，不

飲人子血，則不得生。食我肉，飲我血者，得永生。末日我復生之。我肉

誠可食，我血誠可飲。食我肉，飲我血者，則彼在我，我在彼。永生之父

遣我，我因父而生，食我者，因我而生，亦若是。此天降之餅，非如爾祖

食嗎喲而死，食此餅者永生也。耶穌在迦百農會堂教誨而言此。○

眾門徒聞之曰：難哉斯言，誰能聽之？耶穌知門徒難此言，則曰：爾以

爲異乎。倘見人子升故處，則又何如。夫靈所以生，肉無益。我所言者，

靈也。生也。然爾曹有不信者矣。蓋耶穌早知不信者爲誰，賣之者爲

誰也。又曰：我故言非我父子之無能就我也。出是門徒多有去不復

從之者。耶穌謂十二徒曰：爾曹亦欲去乎。西門彼得對曰：主有永生

之言，我又誰歸。我儕信爾，知爾基督永生。神子也。耶穌曰：汝十有

二人非我所選者乎。然中一人魔鬼也。耶穌言此，蓋指加畧人西門

子猶大十二徒之一，將賣耶穌者也。

第七章

厥後耶穌周遊加利利，不履猶太。以猶太人欲殺之。猶太人張幕節

伊邇。耶穌兄弟曰：去此，往猶太，使門徒見爾所行。未有欲顯其行而

行於隱者。若爾所行。當自顯於世矣。^五蓋兄弟猶未之信云。耶穌曰。爾

時良便。我時未至。^七世不惡爾而惡我。以我證其所行惡也。^八往守節期。

爾可。我未可。我時未至也。^九耶穌言竟。仍居加利利。○兄弟往後。耶穌

乃往守節期。不昭然而隱然。^十猶太人於節期尋耶穌曰。其人安在。^{十一}眾

論不一。有曰。善人也。有曰。否。惑眾耳。^{十二}然無敢明言。懼猶太人故也。○

當節期中。耶穌升殿教誨。^{十四}猶太人奇之。曰。此人未學。何由知書。耶穌

曰。我道非由己。乃由遣我者。^{十五}人遵其旨。必知斯道。或由^{十六}神。或由己

言。^{十七}由己言者。求榮己。惟求榮遣之者。爲真心。無不義也。^{十八}摩西豈不以

律法授爾。^{十九}第爾曹無一遵者。不然。何爲欲殺我。^{二十}眾曰。鬼憑爾。誰欲殺

爾。^{二十一}耶穌曰。我曾行一事。爾曹以爲異。^{二十二}摩西授爾割禮。然割禮非由摩

西乃由列祖故爾於安息日行割禮二人於安息日受割禮免違摩西

例然則安息日愈人何怒我乎三勿審以貌三乃審以義三耶路撒冷民有

曰此人非眾所欲殺者乎三今彼明言而眾莫之禁三豈有司知其誠基

督乎三然我儕知其所自若基督至必無人知其所自三耶穌在殿教誨

呼曰爾知我亦知我所自乎我非自擅而來有真者遣我爾不知之三

惟我知之以其遣我而我由之來也三人欲執耶穌三但時未至故無執

之者三民多信之曰基督若至行異蹟豈多於此人乎三法利賽人聞眾

論如此則與祭司諸長遣吏執之三耶穌曰我暫偕爾後歸遣我者爾三

將尋我不遇我所在爾不能至三猶太人私語曰其將何往而我不遇

之豈欲就散處於希利尼者而教希利尼人乎三所言尋我不遇我所

在不能至是何言歟。三七○節期末卽大日耶穌立而呼曰人渴宜就我

飲。三八信我者其腹必流活水如川猶記所載。三九耶穌言此指信者將感於

聖靈當時耶穌未榮故聖靈未降。四〇眾聞此有曰是誠先知者。四一有曰基

督有曰基督豈出自加利利乎。四二記不云基督爲大關裔出自大關所

居伯利恒鄉乎。四三於是眾論紛紛。四四有人欲執耶穌不敢。四五吏歸祭司諸長

法利賽人問曰何不曳之來乎。四六吏曰此人所言從未有若是者也。四七法

利賽人曰爾曹亦爲所惑乎。四八有司與法利賽人有信之者乎。四九但此眾

不識律可詛也。五〇中有尼哥底母曾夜就耶穌者謂法利賽人曰未聽

訟不識其所爲我律豈罪之曰。五一爾亦來自加利利乎可考而知無先

知由加利利起也。五二眾乃歸。

第八章

一節

耶穌往橄欖山。二昧爽返至殿。庶民就之。耶穌坐而教焉。三有婦行淫。爲

人所執。四士子法利賽人。曳就耶穌。置於前曰。先生。此婦淫時。爲人所

執。五有婦如此。依摩西律。宜石擊爾。意云何。眾以此難耶穌。欲訟之。耶

穌鞠躬。以指畫地。六眾問不已。耶穌起曰。爾中無罪者。可先石擊之。七復

鞠躬畫地。八眾聞言而內自訟。由長至幼。一一皆出。遺耶穌在。婦立於

前。耶穌起。見無人。惟婦而已。謂之曰。訟爾者安在。無人罪爾乎。九曰。主

無有。耶穌曰。我亦不爾罪。爾去。勿再犯也。十○耶穌語眾曰。我乃世之

光。從我者。不行於暗。得生之光。法利賽人曰。爾自證。證不真。耶穌曰。十一

我雖自證。我證亦真。蓋我自知何來何去。爾不知我何來何去。爾以

貌擬人惟我不然。苟我擬人，其擬乃真。以我非獨在，乃遣我之父同

在焉。爾律載云：證以二人爲真。如是我自證，遣我之父亦爲我證。僉

曰：惡在其爲爾父。耶穌曰：我與父，爾皆不識。識我，卽識父。耶穌在殿

教誨庫前，言此以時未至，無人執之。耶穌又曰：我往，爾將求我，而必

死於爾罪。我往之所，爾不得至。猶太人曰：彼將自戕乎？何言我往之

所，爾不得至也。耶穌曰：爾屬下，我屬上。爾屬此世，我不屬此世。我故

云：爾必死於爾罪。蓋不信我之爲我，爾死於罪必矣。眾曰：爾爲誰？耶

穌曰：我昔言之矣。我有多端責爾，惟遣我者真。我聞於彼者，傳於世

也。眾不知其言，指天父也。耶穌曰：爾曹舉人子時，必知我之爲我，無

自擅而行，乃循父所教我者言耳。遣我者偕我，父不遣我獨立，以我

常行父所悅也。^三○耶穌言此人多信之。^三乃語猶太之信者曰。爾存我

道。誠我徒也。^三爾將識真理。而真理必釋爾。^三眾曰。我儕亞伯拉罕裔。從

未爲人奴。何云釋我乎。^三耶穌曰。我誠告爾。犯罪者。罪之奴。^三夫奴無常

家。而子有常。^三若子釋爾。則誠釋矣。^三我知爾亞伯拉罕裔。惟我道不存

爾心。故欲殺我。^三我所見於我父。卽言之。爾所見於爾父。卽行之。^三眾曰。

亞伯拉罕我父也。耶穌曰。爾若亞伯拉罕子。必行亞伯拉罕所行。^四今

我以所聞。神之真理傳爾。爾反欲殺我。此非亞伯拉罕所行。^四特行

爾父所行耳。眾曰。我儕非由淫而生。我儕有一父。卽神也。耶穌曰。

若神爲爾父。則必我愛。因我自神。非自擅而來。乃神遣我。

爾不明我言何歟。不聽我道故也。^四爾所自出之父。魔鬼也。爾父所喜

者爾欲行之彼自始為殺人者不存真理以其內無真理魔鬼言誑

本於性生以其為誑及誑者之父也四十五我告爾真理爾不信爾中誰責四十六

我以誑乎何我以真理告爾爾不信耶四十七由神來者聽神言爾不

由神來故不聽也猶太人曰我言爾為撒馬利亞人鬼所憑者豈四十八

不然乎耶穌曰我非鬼所憑者我尊吾父惟爾辱我我不求己榮有四十九

審判者榮我也我誠告爾人守我道永不死猶太人曰吾今知爾憑五十

於鬼亞伯拉罕死先知亦然爾言人守爾道永不死爾豈大於我祖五十一

亞伯拉罕乎亞伯拉罕死先知亦然爾自居何等耶耶穌曰我若自五十二

榮則不得為榮榮我者父即爾所稱爾之神爾不識之我識之若五十三

我言不識則誑如爾惟我識之而守其道五十四我之曰爾祖亞伯拉罕極五十五

欲見之見則樂矣。猶太人曰。爾年未五十。豈見亞伯拉罕乎。耶穌曰。我誠告爾。未有亞伯拉罕。我在矣。^{五九}眾取石欲擊之。耶穌隱行眾中。出殿而去。

第九章

耶穌去時。見有生而瞽者。^{一節}門徒問曰。夫子。此人生而瞽。是誰之過歟。

由己乎。由父母乎。^三耶穌曰。非瞽者之過。亦非父母之過。特假此人以

顯神作爲耳。^四晝時。我必爲遣我者所爲。夜至。則無能爲。^五我在世。卽

世之光。^六言竟。唾於地。以唾和泥。塗瞽人目。^七語之曰。往洗於西羅亞池。

其人往洗。反卽明矣。^八西羅亞譯卽奉使者。○鄰人與素識其爲瞽者。

曰。此非坐而乞者乎。^九有曰。然。有曰。貌似之。彼則曰。我是也。^十眾曰。爾目

如何得明。曰有名耶穌者。和泥塗我目。命往洗於西羅亞池。往洗卽

明。^三眾曰。其人安在。曰。不知也。○眾引之見法利賽人。^{十四}夫耶穌和泥明

目時。安息日也。^{十六}法利賽人問如何得明。曰。彼以泥塗我目。我洗而明。

法利賽人有曰。此人不守安息日。非出自神也。或曰。罪人焉能行

此異蹟乎。眾論紛紛。^{十七}又問曰。旣明爾目。爾以爲何如人。曰。先知者。猶

太人不信其瞽而明。呼其父母。問曰。爾言有子。生而瞽者。非此人乎。^{十九}

今如何得明。父母曰。此我子。生而瞽。我知之。今如何得明。我不知。誰

明其目。我亦不知。彼長矣。可問之。使自言也。^三父母言此。蓋懼猶太人。

猶太人約。凡稱耶穌爲基督者。必逐之出會堂。故父母曰。彼長矣。可

問之。^{三十四}法利賽人復呼素瞽者曰。宜歸榮神。我知此人罪人也。曰。其

爲罪人與否。我不知。昔瞽今明。我知之。復問曰。彼何爲。如何明爾目。

曰。我已告爾。爾不聽。何欲再聽。豈欲其爲門徒乎。眾詬之曰。爾乃其

門徒。我儕則摩西門徒。神諭摩西。我所知也。獨不知此人奚自耳。

曰。彼明我目。爾不知其奚自。不亦異乎。我知。神不聽罪人。惟崇拜

神而遵其旨者。則聽之。亘古以來。未聞生而瞽者之目。人能明之。

若此人非出自神。則無能爲也。眾曰。爾生而有罪。反教我乎。遂逐

之。耶穌聞其見逐。遇之曰。爾信神子乎。曰。主。其爲誰。使我信之。耶

穌曰。爾曾見之。與爾言者是也。曰。主。我信矣。遂拜之。耶穌曰。我爲審

判臨世。使不見者可見。見者反爲瞽。在旁之法利賽人聞此。則曰。我

儕亦瞽乎。耶穌曰。爾瞽則無罪。今言能見。則爾罪尙在矣。

第十章

^{一節}

我誠告爾、入羊牢不由其門、而從他處踰者、竊也、盜也、由門入者、羊

牧也、司門者爲之啟、羊聽其聲、遂呼羊名引之出、出則先之行、羊識

其聲而從焉、羊不從他人而避之者、以不識其聲也、耶穌設此譬、人

不知其云何、○耶穌曰、我誠告爾、我卽羊之門、先我至者、竊也、盜也、

羊不之聽、我卽門也、由我入者得救、出入得芻、盜至、特以攘以殺以

滅、我至、我使羊得生且盛、我乃善牧、善牧者爲羊捐命、傭非羊牧、羊

非傭羊、傭見狼至、棄羊而逃、狼獲羊而羣散矣、傭逃者、以其爲傭、不

顧羊耳、我乃善牧、識我羊、羊亦我識、如父識我、我識父焉、且我爲羊

捐命矣、我又有羊、非此牢者、我當引之、使聽我聲、爲一羣一牧、父愛

我、以我捐命而復生。我命非人所奪。我自捐之。我能捐。亦能復。是我

奉父之命也。猶太人聞此。爭論紛紛。有曰。彼憑於鬼而狂。曷爲聽之。

有曰。此非憑於鬼者之言。鬼豈能明瞽者目乎。○冬時耶路撒冷修

殿節。耶穌在殿。遊所羅門之廊。猶太人環語之曰。爾使我儕猶豫。幾

何時乎。爾若基督。明以告我。耶穌曰。我曾告爾。爾不信。我託父名行

者。可爲我證。爾非我羊。是以不信。如我所言。我羊聽我聲。我識之。而

羊從我。我賜之永生。終不沉淪。無能奪之於我。我父賜我以羊。父大於

萬有。無能奪之於父。我與父一也。猶太人取石欲擊之。耶穌曰。我奉

父命。以多善事示爾。爾爲何事。欲石擊我乎。猶太人曰。我石擊爾。非

爲善事。祇爲僭妄。以爾人也。而自謂神。耶穌曰。爾律法不云。我稱

爾曹爲神乎。且經不可毀矣。若奉神命者。稱爲神。况父以之

爲聖。遣入世者。自謂神子。僭妄云乎哉。若我不行父事。則勿信我

若我行之。雖不信我。宜信其事。使爾知之。而信父在我。我在父焉。眾

復欲執之。耶穌脫手避去。○仍往約但外。至約翰先施洗之所居焉。

人多就之。曰。約翰不行異蹟。而所言指此人者。皆真也。於是信之者

眾。

第十一章

有病者。拉撒路。在伯大尼。其地乃馬利亞馬大姊妹之村。馬利亞卽

以香膏膏主。以髮拭主足者。其兄弟拉撒路病。故遣人就耶穌曰。主

所愛者病矣。耶穌聞之。曰。此病不致死。乃爲神之榮。使神子以

之得榮。^五夫馬大姊妹及拉撒路皆耶穌所愛者。^六聞其有病於所居處

仍留二日。^七後語門徒曰。與我復往猶太。門徒曰。夫子。曩猶太人欲石

擊爾。爾尙復往乎。^八耶穌曰。晝非六時乎。人晝行不蹶。因見世之光。夜

行必蹶。以其無光也。^九言竟。又曰。我友拉撒路寢。我往醒之。^十門徒曰。主

彼寢則愈。^{十一}耶穌言此。指其死。門徒意其謂安寢也。^{十二}耶穌明告之曰。拉

撒路死矣。^{十三}我幸不在彼。使爾得信。且偕我往就之。^{十四}多馬稱低土馬語

同學曰。我儕同往。亦與之偕亡。^{十五}○耶穌至。拉撒路葬四日矣。^{十六}伯大尼

去耶路撒冷約六里。^{十七}猶太人多就馬大馬利亞爲其兄弟而唁之。^{十八}馬

大聞耶穌至。出迎之。^{十九}馬利亞坐於室。^{二十}馬大謂耶穌曰。主。若在此。兄弟

必不死。^{二十一}然我知爾有求於神者。^{二十二}神必賜爾。^{二十三}耶穌曰。爾兄弟必復

生。馬大曰：我知末日復生時，彼必復生。耶穌曰：復生者，我生命者亦

我信我者，雖死必生。生而信我者，永不死。爾信否？曰：主然，我信爾。

神子基督，所當臨世者也。言竟歸，潛呼姊妹馬利亞曰：師至，召爾。馬

利亞聞此，亟起就耶穌。耶穌未入村，尙在馬大迎之之所。猶太人，信

馬利亞於室者，見其亟起而出，則隨之。曰：其往墓哭耳。馬利亞至耶

穌處，見之，俯伏足下，曰：主若在此，兄弟必不死。耶穌見婦哭，又見猶

太同來者亦哭，則傷心慟怛，曰：葬於何處？曰：主來觀之。耶穌泣。猶太

人曰：其愛此人甚哉。有曰：彼明瞽者之目，豈不能使此人不死乎？耶

穌又傷心，至墓，墓乃洞，上置石焉。耶穌曰：去石。死者之姊妹馬大曰：

主，今已四日，尸臭矣。耶穌曰：我不云爾有信，可見神之榮乎。遂以

石去葬處。耶穌仰目曰：父既聽我，我謝爾。我知爾常聽我。第言此使

環立者信爾遣我也。言竟，大聲呼曰：拉撒路出。死者即出手足縛布。

面裏巾。耶穌曰：解之使行。○猶太人就馬利亞者，見耶穌所爲多信。

之。有以耶穌所爲往告法利賽人。於是祭司諸長法利賽人集曰：此

人多行異蹟，我將若何。若縱其如此，眾必信之。羅馬人將至，奪我土

地人民矣。一人名該亞法，是歲爲祭司長。語眾曰：爾曹不知也。獨不

思一人爲民而死，舉國不滅者，爲我儕益也。此言非由己出，乃是歲

爲祭司長預言耶穌將爲民死。不祇爲斯民，又使神散處之子集

於一也。自是而後，眾謀殺耶穌。故耶穌不復顯行猶太人中，去此往

近野之地，至一邑，名以法蓮，偕門徒居焉。猶太人踰越節伊邇先期

斤勾全書 卷四 約翰傳福音書第十二章 七

多人由田間上耶路撒冷欲自潔。眾等耶穌立於殿相語曰彼不來守節期爾意如何。祭司諸長法利賽人出令若知其所在卽明告以執之。

第十二章

一節

踰越節前六日耶穌至伯大尼卽拉撒路死而復生之所。有人爲耶穌設筵馬大供事席坐中拉撒路在焉。馬利亞以至真至貴香膏一斤膏耶穌足以髮拭之馨香滿室。有門徒將賣師者加畧人西門子猶大曰何不售此膏得金三十以濟貧乎。猶大言此非爲顧貧特以職橐竊取所貯耳。耶穌曰姑聽之婦藏此膏備我葬日之用。蓋貧者常偕爾我不常偕爾也。○猶太眾知耶穌在彼則至不獨爲耶穌并

欲見其所復生之拉撒路。祭司諸長且謀殺拉撒路。蓋猶太人多信

從耶穌爲拉撒路故也。○明日眾來守節期。聞耶穌將至耶路撒冷。

取棗枝出迎之。呼曰。萬福歟。以至名而來之以色列王。當見寵也。耶

穌遇小驢乘之。如經云。郇之女勿懼。王來兮。乘驢駒。門徒初不明此

語。耶穌榮後。方憶此事。記已載之。而人果如是行也。偕耶穌者。見其

呼拉撒路出墓而復生之。則爲之證。眾聞其行此異蹟。往迎之。法利

賽人相語曰。爾曹所謀無益。豈不見舉世從之乎。○當節期來崇拜

者。有希利尼人。就加利利伯賽大腓力問曰。先生。我儕欲見耶穌。腓

力往告安得烈。安得烈與腓力以告耶穌。耶穌曰。人子榮時至矣。我

誠告爾。粒麥遺地。未化。則仍一粒。化則結實繁矣。惜生命者。反喪之。

不惜生命於此世者。保之至永生。二二六役於我者。當從我。我所在。吾役亦

在。役於我者。父必貴之。二二七今我心忡忡。何可言歟。父其救我。免斯時乎。

我特爲此。至斯時矣。二二八父乎。願爾顯名。自天有聲云。我旣顯之。必再顯

之。二二九傍立聞者曰。此雷聲也。有曰。天使與之言。耶穌曰。此聲非爲我。乃

爲爾曹。二三〇此世之人。於今定罪。此世之君。於今見逐。二三一我若見舉離地。則

引眾就我。耶穌言此。示人以已將死之狀也。二三二眾曰。我聞律云。基督永

存。爾何言人子必見舉。人子誰乎。二三三耶穌曰。光與爾在暫耳。有光則行。

恐暗忽至。暗行者不知所往。二三四尙有光。宜及時信光。以爲光之人。耶穌

言竟。往而隱。二三五○雖行異蹟於眾前。若此之多。人猶不之信。二三六如是應先

知。以賽亞言云。主。我所傳聞。誰信之。主之臂。向誰示乎。二三七眾不之信。以

賽亞復云使瞽厥目頑厥心免目明心悟遷改而我醫之以賽亞見

主榮時而言此有司多信之而畏法利賽人恐見逐於會堂故不敢

言蓋其喜人之榮已過於神之榮已也○耶穌呼曰信我者非信

我乃信遣我者見我卽見遣我者我乃光臨世使信我者弗居於暗

聞我言而不信者我不之罪我至非以罪世乃以救世凡拒我不奉

我言有罪之者卽我所傳之道末日將罪之我非自擅而言乃遣我

之父以所當言所當傳者命我我知其命乃永生故我所言者遵父

命而言也

第十三章

踰越節前耶穌知離世歸父時至既愛其民於世及終亦愛之席間

魔鬼以賣師之意，惑加畧人。西門子猶大、耶穌知父以萬物畧之，且知出於神，歸於神。^四於是離席解衣，以巾自束。^五盛水於盤，濯門徒足，以所束巾拭之。^六至西門彼得，彼得曰：「主，濯我足乎？」耶穌曰：「我所爲者，爾今不知，後可知之。」彼得曰：「爾濯我足，終不可。」耶穌曰：「我不爾濯，則爾與我無與。」^九西門彼得曰：「主，當不止我足，手與首可也。」耶穌曰：「凡浴後，祇須濯足，而身皆潔。」爾曹乃潔，然猶有未潔者。^{十二}蓋耶穌知賣之者誰，故曰：「猶有未潔者。」^{十三}○旣濯門徒足，衣衣復坐，曰：「我爲此，爾知之乎？」爾曹稱我爲師爲主，爾之言然，我誠是也。^{十四}我爲主爲師，猶濯爾足，則爾曹更宜相與濯足矣。^{十五}我示爾以法，使爾效我而爲之。^{十六}我誠告爾，僕不大於主，使者不大於使之者。^{十七}爾若知此而爲之，有福矣。^{十八}我言非

指爾眾我所選者我知之應經言與我食者舉踵踉我也十九今者事未

成我先告爾事成爾可信我之爲我我誠告爾接我所遣者二十卽接我

接我卽接遣我者也○耶穌言此其心忡忡曰我誠告爾爾中一人

將賣我矣二十一門徒相視不知言誰有耶穌所愛之門徒坐近耶穌懷西

門彼得以首示意使問所言者誰於是倚其懷問曰主言誰耶穌曰二十二

我濡物食之者是也遂濡物予加畧人西門子猶大受物後撒但入二十三

其心耶穌曰爾所爲者速爲之同席者不知云何以猶大職橐或意二十四

耶穌命市節筵所需抑濟貧者猶大受物亟出時已夜二十五旣出耶穌曰

今人子榮神以之而榮二十六神以人子而榮則神將自榮人子而

速榮之二十七小子我暫偕爾爾將尋我我往之所爾不得至昔告猶太人

者。今亦以告爾。我示爾以新誠。卽爾相愛是也。故爾宜相愛。猶我愛爾焉。^{三十五}爾若相愛。眾識爾爲我徒。^{三十六}西門彼得曰。主將何之。耶穌曰。我往之所。爾今未能從。後必從我。^{三十七}彼得曰。主胡爲今不能從爾乎。我願爲爾捐命。耶穌曰。爾願爲我捐命乎。我誠告爾。鷄鳴之先。爾將三言不識我矣。

第十四章

爾心勿戚戚。當信。^一神亦信我矣。^二我父家多第宅。否則我必告爾。我往爲爾備所居。^三若往備所居。必復來接爾歸我。我所在。使爾亦在我往之所。爾知之。其途亦知之。^五多馬曰。主往之所。我儕且不知。况其途乎。^六耶穌曰。我卽途也。真理也。生命也。非我則末由就父。爾識我。自識

我父今而後爾識之亦嘗見之腓力曰主以父示我足矣耶穌曰腓

力我偕爾如此之久爾猶未識我乎見我卽見父何言以父示我乎

我在父在我爾不信歟我與爾言者非自擅而言乃在我之父行

其事也我在父在我爾當信之否則以我所行而信我我誠告爾

凡信我則我所行彼將行之卽大於斯者亦將行之以我歸父也爾

托我名而有所求我必成之俾父以子榮故爾托我名而有所求者

我必成之矣○爾若愛我則守我誠我將求父父必更以保惠師資

爾終與爾居卽真理之神世人不能接者爲其不見不識之也爾

識之以與爾偕將居爾心我不舍爾曹若孤子我必就爾頃之世人

不復見我惟爾見我以我生爾亦生斯時也爾將知我在父爾在我

新約全書 卷四 約翰傳福音書第十四章 三

我在爾焉。聞我誠而守之者，卽愛我。愛我者，父愛之。我亦愛之。且以

己顯示之。三三有與加畧人，猶大同名者，謂耶穌曰：主顯示我儕，不顯示

世人何與？耶穌曰：人愛我，必守我道。我父必愛之。我儕至而與之居。三四

不愛我者，不守我道。然爾所聽者，非由我，乃由遣我之父也。我與爾。三五

居而言此。惟保惠師，卽聖靈，父緣我名而遣之者，將以眾理示爾。使

憶我所言耳。三七我遣爾以安，卽以我之安賜爾。我所賜，非如世所賜。爾

心勿憂勿懼。三八我言將往而復來。爾聞之矣。若愛我，則我言歸父。爾必

喜之，以父大於我也。事未成，我先告爾。事成，爾可信之。三九○後無煩言

告爾。蓋此世之君將至，於我無與也。此事必有，使世知我愛父，循父

命而行，起與我偕往。

第十五章

我爲真葡萄樹。我父爲塲師。凡我諸枝，不結實者去之，結實者治之。

使結實尤繁。今爾曹以我所傳之道而治者也。爾當在我，則我在爾。

設枝不在葡萄樹，其實不結。爾曹不在我，亦如是我。我乃葡萄樹，爾乃

枝。凡在我而我在之者，則結實繁，絕於我。爾無能爲也。人不在我，猶

枝離樹而槁，拾之委火焚矣。若爾在我，我道在爾，凡所欲求必成之。

爾繁實，我父以此而榮。爾誠我徒矣。如父愛我，我亦愛爾，勿失我愛。

爾守我誠，則不失我愛。如我守父誠，不失父愛焉。我以是告爾，欲常

爲爾喜而爾喜甚矣。爾宜相愛，如我愛爾，此我誠也。人爲友，捐命愛

無有大於此者。爾遵我命，卽我友矣。今而後我不僕爾，以僕不知主

所行我惟友爾。以我聞於父者皆示爾也。^{十六}非爾選我，乃我選爾。命爾結實而實恒在，則托我名求父者可賜爾。我以此命爾，使爾相愛也。^{十七}世人惡爾，^{十八}知其必先惡我。爾從世，^{十九}世人必以爲其類而愛之。爾不從世，我乃選爾出乎世，故世人惡爾。我謂僕不大於主，斯言可憶。人窘逐我，亦窘逐爾。守我言亦守爾言。人緣我名，以是加爾，不識遣我者故也。^{二十}若我未來誨之，則其人無罪。今其罪不得辭矣。^{二十一}惡我者亦惡我父。^{二十二}我若在眾前，未行人所不能行者，則其人無罪。今其於我及我父，且見且惡之。^{二十三}如是律言人無故惡我者應矣。^{二十四}我所遣之保惠師，卽真理之靈，由父出者，既至，必爲我證。^{二十五}爾亦爲證，因爾自始偕我也。^{二十六}

第十六章

我以此告爾，免爾厭棄我。^二人將逐爾出會堂，時至在殺爾者，意以此

爲事。神其行是，不識父與我故也。^三我以此是告爾，時至可憶吾言，昔

不告爾者，以我偕爾也。^四我今將歸遣我者，爾曹無人問我何往，因我

言此，爾心殷憂，我誠告爾，我往則爲爾益，我不往，保惠師不來，往則

遣之，至必以罪，以義，以審判，使世自責，以罪，因世不信我，以義，因我

歸父，爾不再見我，以審判，因此世之君見審判。^五我猶有多端告爾，

今卽言之，爾亦不悟也。^六真理之靈至，將導爾悉知真理，彼非自擅而

言，乃以所聞者言之，亦以未來之事示爾。^七彼必以我所有者示爾，以

榮我也。^八父所有者，我亦有之，故曰，以我所有者示爾。頃之而爾不見

我，復頃之而爾見我，以我歸父也。^九門徒相語曰，彼云，頃之不見我，復

頃之見我。又云。以我歸父。斯語何歟。且頃之云者。果何意耶。我不知

其所謂也。耶蘇知其欲問。則曰。我言頃之不見我。復頃之見我。爾曹

得毋相詰乎。我誠告爾。爾曹將哭而哀。世人欣喜。爾將憂。然爾之憂

必轉爲喜。婦將生子。則憂。以其時至。子生。則忘其苦。因喜。生子於世

也。如是爾。今懷憂。我復見爾。則爾心喜。且爾之喜。無人禁之。當日爾

曹無所問我。我誠告爾。凡托我名求父。父必賜爾。爾曩所求。未托我

名。今求而得之。則爾喜甚。我以此設譬告爾。時至。我不復設譬。乃以

父明示爾。斯時。爾將托我名而祈。我不曰。代爾求父。蓋父自愛爾。以

爾愛我。且信我出自神也。我自父臨世。復離世歸父。○門徒曰。今

爾明言不設譬。我儕知爾無所不知。不必有人問爾。所以信爾出自

神也。耶穌曰：今爾曹信乎？時至，今日是已。爾曹星散，各歸其所，遺我獨處。然我非獨處，父偕我也。我以此告爾，欲爾以我而安，在世爾有患難，然爾勿懼，我已勝世矣。

第十七章

耶穌言竟，舉目仰天曰：父歟，時至矣。願榮爾子，致子亦榮爾。爾既以

萬民之權賜我，則我以永生賜爾所予我之人。永生也者，知爾爲獨

一真神，且知耶穌基督，爾所遣者也。我榮爾於世，爾所委我行者，

我已行之。父乎，今使我與爾偕榮，卽世之先，我與爾共在之榮也。爾

所賜我出乎世者，我以爾名示之。既爲爾之人，爾以賜我，其亦守爾

道。知爾所賜我者，皆由爾也。爾所授我之道，我授於彼，彼受之，誠知

我由爾出，且信爾遣我也。^九我爲彼祈，非爲世祈，乃爲爾所賜我者，以

其屬爾。^十凡屬我者屬爾，屬爾者屬我，且我以之而榮矣。^{十一}今而後我不

在世，此人在世，而我歸爾。聖父歟，爾所賜我之人，保之，俾信爾名，使

之爲一，如父與我然。^{十二}我尙偕之在世，我保之，俾信爾名，爾所賜我者，

我已保之，一人沉淪之外，無沉淪而經應矣。^{十三}今我歸爾，猶在世，言此

使彼爲我而喜甚。^{十四}我以爾道授彼，世人惡之，因其不從世，如我不從

世。^{十五}我非彼離世是求，乃保之，使不陷於惡。^{十六}彼不從世，如我不從世，願

以爾真理，使之爲聖，爾道卽真理也。^{十七}爾遣我入世，我遣彼入世，我爲

彼作聖，使彼以眞理作聖。^{十八}我不第爲此人祈，乃爲聽其言而信我者

祈。^{十九}使眾在父，與我爲一，如父在我，我在父，則世人信爾，遣我，爾賜我

之榮我已賜之欲眾爲一如父與我然三十三我在彼爾在我使眾合一則世知爾遣我亦愛彼如愛我然父乎三十四願爾賜我之人與我偕處俾見爾賜我之榮蓋創世之先爾已愛我矣三十五善哉父乎世不知爾惟我知爾彼亦知爾遣我也三十六我曾以爾名示而又示之使爾愛我之愛及乎彼我亦在彼焉

第十八章

一節耶穌言竟偕門徒出涉汲淪溪有園入焉二賣師猶大識其處以耶穌

偕門徒屢集於此三猶大率羣卒及祭司諸長法利賽人之吏以炬以

燈以械而至耶穌知事將及出問曰爾曹欲執誰曰四拿撒勒人耶穌

耶穌曰我是也賣師猶大與眾立六耶穌一言我是眾却退仆地耶穌七

復問曰爾曹欲執誰曰拿撒勒人耶穌八耶穌曰已告爾我是也若欲

執我其餘可容之去九如是耶穌素言爾賜我之人無或失者應矣十西

門彼得拔佩刀擊祭司長僕馬勒占十一削右耳耶穌謂彼得曰韜爾刀

父所予我之杯豈不飲乎十二○時羣卒千夫長猶太吏執耶穌繫之十三先

曳至亞那卽是歲祭司長該亞法妻父也十四昔與猶太人言一人爲民

死以爲我益者卽此該亞法也十五從耶穌者西門彼得外有一徒素爲

祭司長所識同耶穌入祭司長院彼得立於門外祭司長所識之徒

出告女司門十六自引彼得入女司門語彼得曰爾亦斯人之徒歟曰非十七

也僕與吏因寒熾炭立而向火彼得同立向之祭司長以所誨之徒十八

所傳之教鞫耶穌耶穌曰我於世旣明示之矣我常誨於會堂殿間十九

猶太人恒集之處我無私語。三十三胡爲問我可問聞我者其知我所言也。

言時傍立一吏手批耶穌曰爾對祭司長如是乎。三十三耶穌曰若我言非

則斥其非若言是何扑我乎。三十四耶穌旣繫亞那解至祭司長該亞法時。三十五

西門彼得立向火或語之曰爾亦此人之徒歟彼不承曰非也。三十六有祭

司長僕卽爲彼得削右耳者之戚曰我不於園中見爾與彼乎。三十七彼得

又不承鷄卽鳴矣。三十八○平旦人曳耶穌自該亞法至公廨眾不入公廨

恐爲所洩不得食逾越節筵也。三十九彼拉多出語之曰彼何事爾訟之。四十對

曰無罪則不解於爾。四十一彼拉多曰爾取之按爾律審焉猶太人曰我不

得專殺人。四十二於是耶穌素言將死之狀應矣。四十三彼拉多復入公廨召耶穌

曰爾猶太人王乎。四十四耶穌曰爾言此自知之歟抑人以其告爾歟。四十五彼拉

多曰我豈猶太人乎爾猶太民與祭司諸長解爾於我爾果何爲耶
穌曰我國不屬乎世我國而屬乎世我臣必竭力以爭免解我於猶
太人惟我國非屬乎世也彼拉多曰然則爾王乎曰爾謂我王我以
此生我以此臨世欲爲真理證從真理者聽我言也彼拉多曰真理
何歟言竟復出謂猶太人曰我觀此人無罪逾越節爾曹故事當釋
一囚爾欲我釋猶太人王乎眾呼曰不可惟巴拉巴夫巴拉巴盜者
也

第十九章

一節 彼拉多取耶穌鞭之士卒編棘冕冠其首衣以紫袍曰願猶太王安
四 既而手批之彼拉多復出語眾曰我觀其人無罪故攜之出使爾知

之。耶穌冠棘冕衣紫袍出。彼拉多語眾曰。試觀此人。祭司諸長與吏

見之。呼曰。釘之十字架。釘之十字架。彼拉多曰。爾曹自取釘之。我觀

其人無罪。猶太人對曰。我有律。彼自謂。神子。按我律。罪當死。○彼

拉多聞此。益懼。復入公廨。語耶穌曰。爾奚自。耶穌不答。彼拉多曰。爾

不答我。豈不知我有權。釘爾。亦有權釋爾乎。耶穌曰。非自上賜。爾則

無權治我。故賣我者罪益大。是後彼拉多欲釋之。猶太人呼曰。自謂

王者。叛該撒。若釋此人。則不臣該撒。彼拉多聞此。攜耶穌出。坐於堂

名鋪華石處。希伯來語曰。呃吧大。時踰越節之備曰。約日中。日中舊

初。彼拉多謂猶太人曰。試觀爾王。眾呼曰。去之。去之。釘十字架。彼拉

多曰。爾曹之王。可釘十字架乎。祭司諸長對曰。該撒外無我王。遂將

斤。約。全。皇。卷四。約翰傳福音書第十九章。三

耶穌交眾釘十字架眾曳之去。○耶穌負十字架出至一所名髑髏

處希伯來語曰各各他在彼釘之十字架又釘二人一左一右耶穌

在中。彼拉多書標榜十字架曰猶太王拿撒勒耶穌猶太人多讀此

標以耶穌釘處近城其標用希伯來希利尼羅馬文而書猶太祭司

諸長謂彼拉多曰勿書猶太王可書自稱猶太王彼拉多曰書則書

矣士卒既釘耶穌取其衣四分之士卒各一又取其裡衣裡衣無縫

上下渾織士卒相語曰勿裂之鬪觀誰得經云彼分我外服鬪我裡

衣應矣士卒所爲者如是也耶穌之母及母姊妹馬利亞卽革流巴

妻又抹大拉之馬利亞近耶穌十字架而立耶穌見母及所愛之門

徒立乃告其母曰是乃爾子又謂門徒曰是乃爾母由是門徒奉之

歸。此後耶穌知諸事已成，乃曰：「我渴。」而經應矣。在彼有器盛醢，人以

醢漬海絨，束之牛膝草，遞至其口。耶穌受醢曰：「事畢矣。」俯首氣絕。○

時乃備節日，猶太人不欲於安息日懸尸十字架，以此安息爲大日。

也。故求彼拉多令折其脛而去其尸。士卒至，將同釘者，一一折脛。及

耶穌見其已死，不折一卒以戈刺其脅，血水俱出。見者爲證，其證真。

自知言真，使爾曹信也。此事成，則經言其骨不折。又言人將觀其所

刺者，應矣。○亞利馬太人約瑟，耶穌徒也，因畏猶太人，恒自諱。至此

求彼拉多欲取耶穌尸。彼拉多許之，遂往取尸。又有尼哥底母曾夜

間就耶穌者，携沒藥和以蘆薈，約百觔。至二人將耶穌尸，以泉布雜

馨香之品裹之，循猶太人葬例也。釘十字架之所有園，中有新墓，未

有葬者。當日以猶太人備節期，且墓近，故於彼葬耶穌。

第二十章

一節

七日之首日昧爽，抹大拉馬利亞至墓，見石離墓。遂趨謂西門彼得及耶穌愛徒曰：人取主尸出墓，不知置何處。彼得同耶穌愛徒適墓。二人並趨，徒較彼得趨尤疾，先至墓。俯見桌布在焉，不入。西門彼得後至，入墓，見桌布在焉。有裏首之巾，不與桌布同在，乃疊置一處。先至之徒亦入墓，見而信之。門徒猶未知耶穌之必復生，載於經也。時門徒歸。馬利亞立墓外而哭，哭時俯視墓內，見二天使，衣白衣，坐耶穌尸葬處，一在首，一在足。天使曰：何哭？曰：人取我主尸，不知置何處。言竟，顧見耶穌立，而不知其爲耶穌。耶穌曰：何哭？爾尋誰？馬利亞以

爲園丁。謂之曰。若吾子昇之去。置於何處。請告我。我將取之。耶穌曰。

馬利亞婦顧曰。啦。破呢。卽夫子也。耶穌曰。我未升見父。勿援止我。往

告我兄弟曰。我升見我父。卽爾父。我神。卽爾神。抹大拉馬利亞。

以見耶穌及耶穌語。往告門徒。○七日之首日。旣暮。門徒畏猶太人。

於所集之處。閉門。耶穌至。立於中。曰。爾眾平安。言時。以手及脅示之。

門徒見主則喜。耶穌又曰。爾眾平安。我遣爾。猶父遣我。言竟。噓氣曰。

受聖靈。凡爾曹以爲可赦者。必赦。以爲不可赦者。必不赦。十二徒中。

有名多馬。稱低土馬者。耶穌至時。不同在。眾徒告之曰。我已見主曰。

不使我見手中釘跡。指探其跡。手探其脅。我不信也。越八日。門徒復

集。多馬與焉。門已閉。耶穌至。立於中。曰。爾眾平安。遂謂多馬曰。伸爾

指探我手，伸爾手，探我脅，宜信勿疑。三六多馬對曰：「我主哉！我神哉！」三九耶穌曰：「多馬乎？爾見而後信，不見亦信者福矣。」四十○耶穌多行異跡，示門徒書不勝載。三十一第載此，使爾信耶穌爲神子基督，信則賴其名而得生。

第二十一章

一節厥後提庇哩亞海濱，耶穌復見與門徒，其事如左。二西門彼得、多馬、稱低土馬、加利利之迦拿人、拿但業、西庇太二子，又門徒二人，同在西門彼得曰：「我往漁。」眾曰：「我亦偕往。」遂出登舟。是夜無所獲。四既旦，耶穌立於岸，門徒不知其爲耶穌。五耶穌曰：「小子，有餌乎？」曰：「無。」耶穌曰：「施網六於右，可得之。」施則網不能舉，魚多故也。七耶穌愛徒，語彼得曰：「是主矣。」

西門彼得裸一聞是主束衣下海其餘乘小舟曳魚網而至蓋離岸
不遠約二十丈登岸見餅蒸炭之上有魚耶穌曰甫獲之魚取數尾
與我西門彼得往曳網上岸盛大魚計百五十三魚雖多而網不裂
○耶穌曰來食門徒無敢問誰者蓋知其爲主矣耶穌取餅與眾魚
亦如之耶穌復生見與門徒者此其三○卒食耶穌謂西門彼得曰
約拿子西門爾較斯眾尤愛我乎曰然王知我愛爾矣曰牧我羔又
曰約拿子西門爾愛我乎曰然王知我愛爾矣曰牧我羊則又曰約
拿子西門爾愛我乎彼得見三問愛我憂曰王無所不知知我愛爾
矣耶穌曰牧我羊我誠告爾爾少時束帶任意而遊及其老也將伸
手見束於人曳至不欲往之處言此蓋指彼得將若何而死以榮

神也。耶穌又曰：從我。彼得顧耶穌愛徒亦從。卽晚餐時倚耶穌懷，問賣主爲誰者。彼得見之，問耶穌曰：主，此人將如何。耶穌曰：如我欲彼恒存，待我復來，與爾何與。爾惟從我。於是兄弟間散語，言彼門徒不死。然耶穌非言其不死。第言如欲彼恒存，待我復來，與爾何與耳。○証此而書之者，卽此門徒也。且我儕知其証者真也。夫耶穌所爲，更有多焉者，使一一書之，我意其書世不勝載矣。

約翰傳福音書終



147-7
5-

LIBRARY
OF THE
Theological Seminary,
PRINCETON, N. J.

Case 3CC Division B
Shelf 8757 Section 4.13
Book _____ No. 1

B 4.13
N.T.
[n.d.]
(Gospels)